



Михаил ЛЕБЕДЕВ


МЕД ДЗИРДАЛАС  
ШОНДІ

ШКОЛЬНИКЛӨН  БИБЛИОТЕКА





КОНТРОЛЬНЫЙ  
ЭКЗЕМПЛЯР

ШКОЛЬНИКЛӨН  БИБЛИОТЕКА

---

**МИХАИЛ  
ЛЕБЕДЕВ**

---

**МЕД ДЗИРДАЛАС  
ШОНДИ**

*Кывбуръяс*

*Басняс*

*Мойдъяс*

*Опереткаяс*

Сыктывкар

Коми книжнӧй издательство

1990

Лӧсьӧдіс да водзкывсӧ гижис  
**Геннадий Васильевич Беляев,**  
филологияса кандидат

**Лебедев М. Н.**  
Л 33 Мед дзирдалас шонді: Кывбуръяс. Басняяс.  
Мойдъяс. Опереткаяс.— Сыктывкар: Коми кн.  
изд-во, 1990.— 152 л. б.  
ISBN 5-7555-0252-8

Коми сӧветскӧй литература подулалысьяс лыдысь ӧти,  
М. Н. Лебедев гижис рочӧн, и комиӧн, прозаӧн и кывбурӧн.  
Тайӧ книгаас ӧтчукӧрӧ вайӧдӧма кывбура коми гижӧдъяс.

84 Ко-5

Л 4803310200 — 031 35 — 90 м  
М 128(03) — 90

ISBN 5-7555-0252-8

## «ГАЖАДЖЫК, КОМИ ИОЗ, ОЛОЙ»

Михаил Николаевич Лебедев вöлі на лыдысь, кодъяс панісны коми сöветскöй литература.

Чужліс сійö 1877 вося октябрь 10(22) лунö роч семьян, Сыктыв вожса Межадор сиктын. Тані батыс, Ньючимса чугун сывдан заводын уджалысьяс пöвстысь петалöм морт, писаралис. Пи чужöм бöрас пöшти пыр жö сійöс босьтöны вит во кежлö царскöй армияö. И коркö на лысы писательлөн семьяыс кутас овны зэв гöля. Видзöны сэки Лебедевъясöс Ньючимса пöль-пöчыс, мамыс нажöвитчö сöмын прöшви кыöм помысь. Батыс воас салдатысь да тані жö, заводас, во-мöд уджалас руда примитысьöн. Сэся вермас выльысь пырны писарöн, Пажгаö нин.

Сэні детинка сиктса челядькöд öтув оліг-ворсіг и велалис комиöн бура сёрнитны, кывліс тшöтш уна коми мойд. Гижны-лыддысьны сійöс велöдіс батыс. Велöдіс важса школаын моз — рöчалöмöн да зульöдöмöн. Сы вöсна и верстыöнас нин писатель казтыліс, мый челядьдырся олöмыс вöлі вель гажтöм. Кутшöм нин пö сэки «гаж», кор мукоддырйи грöш ни көпейка горт помö эз кольлы. Пажгасянь жö Мишаöс сетлісны карса училищеö Усть-Сысольскö. Да вот велöдчынысö сюри сöмын öти во: батысö чöвтісны писарсьыс, и питö карын видзны да велöдны лои нинöм вылö. Тайöн и помасис детинкалөн школаас ветлöмыс. Но водзö ачыс нэмсö зіля велöдчис.

Семьяыслы жö помся лои корсьны бурджык олöм. Стöчджыка кö, батыслы — выль удж. Пажга бöрын Лебедевъяс веськалöны Кörtкерöсö, кытчö дядыс водзджык нин пышйылöма Ньючим заводын катарга кодь уджсьыс да

лӧсьӧдӧма крестьянскӧй овмӧс. Сэні Миша, ичӧтикӧн на, тӧлысьнас куим шайтысь медасьӧма отсасыны вӧлӧстьса писарлы. Сэсся мамыс сы мындаӧдз жӧ нажӧвитлӧма кысьӧм помысь — куш тайӧн семьяыс кынӧмпӧтсӧ перйылӧма.

Тадзинад вӧлі зэв сьӧкыд. И 1894 воӧ Лебедевъяс вӧрзӧны ылі туйӧ. Эжва да сылӧн вожъясті катӧмӧн, сэсся Канаваті (Северо-Екатерининскӧй каналті), Кама да сылӧн вожъясті кывтӧмӧн воӧдчисны Пермскӧй губернияса Чердын карӧ. И веськалісны ді вылӧ кӧчьяс моз: батыс надея кутіс заводӧ служащӧйӧн пырны, но местаыс абу нин вӧлӧма прӧст. Бӧр мунны нинӧм вылӧ да нинӧмӧн, деньга и нянь быри. Медбӧрти сэсся путьмӧмаӧсь жӧ аяпиа кыкнанныс удж адзыны. Михаил Николаевич лои вӧлӧстнӧй писарӧн. Тані том Лебедев оліс вит сайӧ во. Ёна гажтӧмтчис чужан мусьыс, частӧ письмӧасис Нювчимас кольӧм пӧчыскӧд, мукӧд тӧдсакӧд.

1899 во помын, буретш кызьӧд нэм пуксьӧм водзын, М. Н. Лебедев бӧр воис Коми муӧ. Сэсся пыр оліс тані, Нӧбдінын да Кӧрткерӧсын, пӧшти некытчӧ ветлытӧг. 1914 воын, первой мирӧвӧй империалистическӧй войнатӧ панісны да, Лебедевӧс босьтлӧны салдатӧ. Абу тыр-бур здорвьеа моргыд фронт вылӧдз абу веськалӧма, бӧр лӧдзӧмаӧсь запаснӧй полкын мыйкӧ дыра служитӧм бӧрын. Но и тайӧ писательлы вӧлӧма катарга кодӧн. Чердынысь локтӧмсянь 1918 воӧдз сійӧ оліс сӧмын литературнӧй удж помысь.

Кызди и став йӧзыслысь, Лебедевлысь олӧмсӧ вужнас бергӧдіс Октябрьскӧй революция да сы бӧрын миян крайын пуксьӧм Сӧвет власть. Революциясӧ сійӧ виччысис и выль властьсӧ радпырысь примитіс. Перӧнас и мукӧд пӧлӧс уджӧн босьтчис сылы отсавны. Кӧрткерӧсын комбед лӧсьӧдӧмсянь лоис сэні секретарӧн, сэсся вӧлі, 1939 воын пенсия вылӧ петтӧдз, нарсудса секретарӧн. Ыджыд литературнӧй уджысь сійӧ жӧ 1939 во заводитчигас Михаил Лебедевлы сетісны «Знак Почета» орден. Тайӧ вӧлі медводдза коми писатель, кодӧс пасйисны ыджыд государственнӧй наградаӧн.

М. Н. Лебедев куліс 1951 вося март 5 лунӧ Кӧрткерӧс сиктын.

\* \* \*

Лебедевӧс ичӧтсянныс ёна кыкис книга дінӧ. Сійӧ вӧлі быдтор лыддьӧ, мый сӧмын ки улас сюрӧ писарлы отсасигас, а сэсся писаралигас. Зэв водз жӧ думыштчӧ, оз-ӧ позь

и аслыс тадз гижны, кызди став тайӧ лыддянторсӧ мукӧд гижӧмаӧсь. Перӧӧ Михаил Лебедев босьтчӧ 13 арӧсаӧн. Помся лыддысигад пӧ меным кызкӧ аслым окота лои гижны да печатайтчыны журналъясын, петӧ сэтшӧм туй вылӧ, кытчӧ тойыштӧсны менӧ книгагясыс,— казътылӧма писатель автобиографияс. Но гижны кутӧс эз жӧ, дерт, куш сы вӧсна, мый уна лыддысис. «Тойыштӧс» сийӧс тайӧ удж вылас и талантыс медводз. Сэсся уджалысь йӧзкӧд, крестьянакӧд матыслуныс, налӧн олӧм бӧрся сюся видзӧдӧмыс да сьӧлӧмнас тайӧ олӧмсӧ кылӧм-гӧгӧрвоӧмыс. Содтӧд сюсь синмаӧн да кылысь сьӧлӧмаӧн лоны велӧдис и роч классика. Гижны заводитӧ рочӧн.

Быдмис Лебедев цардырся кадӧ, пӧшти грамотатӧм йӧз пӧвстын, культурной центръясысь ылын. Некод пӧ эз югдӧд менсьым юрӧс, некод эз петкӧдлыв меным, мый сэтшӧм культураыс. Дай кутшӧм литература бур, кутшӧм — омӧль, некод жӧ эз висътавлы-гӧгӧрвоӧдлы. И мый веськалӧ лыддыӧмыс торкаліс тшӧтш. Ӧд сы кадӧ петалис эз куш прогрессивной, эз сӧмын бурас велӧдысь да чуксалысь литература. Дыр мысти вочасӧн велалис ачыс бӧрйысьны, ёнджыка кутӧс лыддыны Гогольӧс, Толстойӧс, Тургеневӧс, Достоевскийӧс, Гончаровӧс. Ассыс литературной вын видлалӧмыс некымын во чӧж вӧлі, аслас шуӧм серти кӧ, «некытчӧ шогмытӧм кабала марайтӧмӧн». Но дырӧннад кутшӧмсюрӧ опыт чӧжсис, мыйсюрӧ велалис да заводитӧс (бара жӧ кутшӧмсюрӧ журналъясӧ) ыставны очеркъяс, висътыяс да мукӧд сикас гижӧд. Первойсӧ редакциясянь вочавидзлісны, оз пӧ шогмы.

Верстыӧджык вежӧраӧн, унджык гӧгӧрвоӧмӧн босьтчӧ литератураас Лебедев Чердынас олӧгӧн. Земстволӧн сиктса да вӧлӧстьса правлениеясын уджыс зэв бура тӧдмӧдис гижны босьтчысьӧс, кызди олӧ провинция, сэтчӧс интеллигенция, кызди нартитӧны и бӧбйӧдлӧны-увтыртӧны крестьянаӧс. Сийӧ тӧдис и водзӧ чукӧртӧс паметяс сідзжӧ роч и коми мойдыяс, легендаяс, преданиеяс да кутӧс найӧс ас ногыс тэчны-гижавны рочӧн.

Колӧ быть кутны тӧд вылын, мый Октябрьской революцияӧдз печатайтчыны комиӧн эз позь: некӧні вӧлі. И кӧть М. Лебедев кужис гижны комиӧн и рочӧн, коминас гижӧмысь лои дыр кежлӧ эновтчывны. Мӧдтор: Михаил Лебедевӧс ми медсясӧ тӧдам кызди поэтӧс. Советской кадӧ сийӧ, он кӧ артышт пыр жӧ революция бӧрын гижӧм публицистической статьяссӧ да очеркъяссӧ, пӧшти куш поэзияын и уджаліс. А Октябрӧдз вӧлі роч прозаикӧн дай вель нималанаӧн. Қызь сайӧ воӧн сийӧ гижис зэв уна ста-

тя, очерк, висьт, повесть и весиг роман. Найо петалисны Петербурга, Москва, Нижний Новгород, Вологда уна журналн да газетн, а авторыс письмобасис Россияса эз оти литераторкд. 17 арсаон сылон вולי эштодма быдса ыджыд роман нин. 1900 во заводитчигон роч писатель П. Засодимскийлы Лебедев юорто, мый тайо каддыс нин редакцияс сылыс примитисны оти роман да дас песни и гырыс висьт да статья. Сидко абу верно, кор гижоны, мый литератураас Лебедев пырис сомын 1900 воын.

М. Н. Лебедевлыс томдырся прозасо ондз абу тырвийо чукортма да тодмалма. Некумын произведение неважон на лои борйома да лэдзома торья книгаон (Михаил Лебедев. В волостном омуте.— Сыктывкар, 1984). Сэтыс и поэо унджык тодмавын Октябрьдза творчество йывсыс. Тани мян сёрниным медясо модтор йылыс, и коло сомын тодчодны, мый советской литературао сийо локтис кывйон водитчыны кужыс нин художникон. Гашко, и ылавломон, и падмыломон, но тайо писательыс сямнас пыр кыподчис художественной реализмань. И мянлы колис ылысса кадсо, сэкса олэмсо сточа петкодлыс произведениеяс, кодъяс пиыс медбурьясылон и художественно-эстетической донис ондз эз ус. Но татыс коло адзыны тшотш и со мый: оти-ко, став войдорся творчествоыс велодис-дасьтис коми советской литератураын уджалікежло аслас делоас мастер мортос, коди критической реализмянь дась вולי воськовтны пролетарской позицияс выло. Мод-ко, лонс уна ключ лыдыс отион, кытыс тайо вылыс чужыс литератураыс кутшомакот шотш петис.

М. Н. Лебедев чужлома абу сомын прозаической кывйон водитчыс художникон. Кор поэышто, сэки сийо и босьтчо поэзия. Лои гаралома, мый Октябрьдз литератор водитчо куш роч кывйон. Но тайо — печатайтанторсо гижигон. Од коми кывсо челядырсянныс жо бура тодис. И архиво кольом бумагаяссыс казялан: сомын аслыс выло пасйодъяс часто вочома комион. 1896 воо памятной книжкаас том литератор гижалома рочыс вуджодом либо народнойяс серти тэчом некумын сыланкыс: «Тэ висьтав, висьтав, мича ныв...», «О, вой тов, ло мем другон», «Тэ мыйла сидз любитан мено?» (нимтам найос медводдза строкаяс сертиыс). Буретш сэки, тыдало, 1895 вояс гогор, Лебедев борйысис, кутшом кывйон гижны. Но коминас кони вולי печатайтчынысо?! И босьтчо рочон гижны. Роч кывбурьяссо корсюро гижавлис жо. И зэв томон босьтчы-

ліс, медводдза висьтъясыскөд пöшти öти пöраö. «Заводитлі гижны и поэмаяс Пушкинлы да Лермонтовлы подражайтöмөн, но печатайтöмөдз найö эз волены»,— лыддыам автобиографиясыс. Бöрынджык, 1900 воö, «Досуг и дело» журналын сылөн петалöма Суворов йылысь «Памяти великого героя» кывбур. Дай прозаыс Лебедевлөн вель лиричнöй, поэзиялы лöсялысь кывйөн вель частö гижö.

Торйөн ёна сыланкывъясыд да кывбуръясыд колöны революцияс дырйи. Сэки прозатö лыддыны некорджык, колö сэтшöм литературнöй жанр, кодöс йöзыс быттьö мунигмоз и наизусть кватитöны-босьтöны грамотнöй йöз бöрся либö велалöны сывны. Россияын первой революция воясö воссис эз этша вель революционно-демократическöй газет, и сэтчö Лебедев гижлöма некымын кывбур. «Обновленная Россия» газетын пö, казътылö ачыс, öти петалис.

Пыр сиктад олігөн писательлы лоины зэв матысöсь коми крестяна. Сійö мудзлытöг корсьö да тöдмалö зыряналысь и мукöд пермскöй войтырлысь история, коді медсясö колис фольклорын. Литературнöй творчествоö босьтчöм-сянныс да пöшти нэмсö Лебедев пырталö аслас гижöдъясö коми фольклорнöй сюжетъяс. 1900 восянь заводитчöмөн журналъясын да торъя книгаясөн сылөн петöны сэтшöм «зырянскöй преданиеяс», легендаяс да историческöй гижöдъяс, кызди «Морт юр», «Яг Морт», «Кöрт Айка», «Бур Ань», «Пермский богатырь», «Атаман Суханов», «Последние дни Перми Великой». (На пиысь унаöс бöрын сэсса писатель вöчис выльысь, казяліс, мый том дырйиыс абу ставыс ладнö лоöма да, гижліс на серти и поэтической произвудениеяс комиён нин, кодъяс лыдысь некымынöс аддзанныд и тайö книгаас.) Михаил Лебедев ёнджыка и ёнджыка кöсйö гижны налы вылö, кодъяс олöны сы гөгөр.

Россияын медводдза революция бöрын 1909—1911 воясö бара чорзьö реакция. А сэсса вель вынөн кыптö революционнöй гыыс. Содö быд ичöt и ыджыд народлөн аслас история дінö интерес. Воссö Роч Войвыв тöдмалысь Архангельскöй обществолөн Усть-Сысольскöй отделение. Сійён веськөдлысь учитель да краевед А. А. Цембер думыштас лэдзны книгаөн мыйсюрö коми фольклорысь. Сійö корас, а сэсса и революция дор жö мунысь коми учитель А. А. Маегов тшöктас писательöс босьтчыны коми поэзияö. Фольклорнöй сборникас Михаил Лебедев дасътас ассыыс некымын кывбур. На пиысь квайтöс öні лои босьтöма и татчö, «Мед дзирдалас шонді» книгаö. Сійö кад йывсыс Михаил Николаевич и казътыліс: «Заводитігас ме думайті, мый менам öдвакö артмас лöсьыд лыддыантор, но гижи

и аддзи, мый позьо и комион гижны, мый коми кывйыс абу го́ль да мисьто́м, абу «собачий язык», кызди сийо́с шулісны откымын роч чиновникъяс». 1913—1914 воясса произведениеяс сертиыс позьо шуны, мый тайо́ абу нин прөсто́ кыв видло́м. Артмо́мао́сь чуксалана кывбу́рьяс, нало́н идейно́й нырвизы́с ясыда то́дчо́. Лебедев пыр жо́ заводито́ гижны и зэв мича да кокни, и кадсо́ кылысь литера-турно́й кывйо́н.

Тайо́ произведениеяссө зэв унао́н то́дисны, найо́ тшөтш кыпо́дисны коми войтыро́с, садьмо́дисны налысь ловсо́, мо́впяяссө, олан гажсо́. Торйо́н нин «Коми збойлун» — «Смело, товарищи, в ногу» марш серти гижомтор, «Ичөт чери да ыджыд чери», «Гажа тулыс воис», «Ытшкандыр». Бо́рья кыкыс — мян войвывса вөр-ва йылысь, уджалысь морт йылысь, сыло́н аслас да уджысло́н мич йылысь. И коми йөз паметьо́ колисны татшө́м строкаясыс, сы вөс-на мый найо́ мо́д ногджык кутісны аддзыны асьнысө — муко́д се́рниа войтырысь эз омө́льджыкө́н. Эз весьшо́ро М. Лебедев бо́рынджык берго́дчыв революциябдз гижло́м кывбу́рьяс дінас. 1918 воын сийо́ эз нин ас ногыс вөч, а вылысь сто́ча вуджо́дис революционно́й роч маршсө («Смелджыка, вокьясөй, ветло́й» ним улын), а «Мича **нывсө**» пасько́дис «опереткао́дз»— драматическо́й поэ-мао́дз.

Рочо́н ко́ть комио́н гижис прозаик да поэт, сийо́ мо́впа-ліс ас го́гөрсә оло́м йывсьыс, творческо́й уджас коми кре-стьянао́с тшөтш пыр аддзис да петко́дліс. И налы выло́ думсьыс вөчис ставсө. А 1918 воын литераторлы лои нин поэяна восьсо́н шыасьны на діно́ чужан кыв вылас. Сэки М. Н. Лебедевөс индо́ны «Коми комиссияо́», коді уна уджалө национально́й литература ло́сьбөдо́м могысь. Колө кутны то́д вылын, мый сийо́ кадас весиг на и Куратовло́н куш нимыс кывсис, и по́шти некод эз то́д, ко́нось гижөдь-ясыс.

Но Лебедевлы коми кывбу́рьясө вылысь босьтчыны өні, со́ветско́й кадө нин, ковмис тайо́ комиссияяс чукөст-то́дз на. Автобиографияяс писатель юөртө: «Көрткерөсын сэки оліс учительница Агния Андреевна Суханова — коми школаяс вөсна то́ждысьысь морт. Сийо́ корө́м кузя ме ги-жи кымынко́ кывбур-сыланкыв школьникьяслы сыло́м выло́». А тайо́с, челядьлы выло́ артыштө́мторто́, колө вөлі гижны торйо́н нин мичаа да кокниа, мед кокниа и лыд-дысис-сьывсис да вежо́ро колис. Сэсса Михаил Николае-вич зілис крестьяна діно́ писательско́й кывйо́н шыасьны воча се́рнитысьяс діно́ моз. Но кызвыннас найо́ вөліны

велөдчытөмөсь. И сийө вуджөдаліс, мукөддырйи ёна ас ногыс вөчөмөн, роч сзыланкывьяс да гижаліс сэтшөм кыв- бурьяс, мед найө сывсисны да разалісны йөз пөвстын пельысь пельө. Комиын композиторьяс сэки эз вөвны, и поэт тэчө строкаясө кывйыслөн музыкаө кывзысьөмөн, восьлас улө лөсялана ритм корсьөмөн. Босьтам «Гажа тулыс», «Коми му», «Велөдчөй, челядь», «Югдіс нин, вокөй», «Эзысь төлыся вой»— тайөс сзылісны либө паметь сертиыс лыддисны коми сиктын и найө, кодьяс книгасө нэмыс эз төдлыны. Писатель чуксалө комиасөс югыд олөмланы, культураө, чуксалө велөдчыны. Лыддысьны кужтөмьяс дінө сідзжө поэьө вөлі, и өтпырөн уна дінө, шыасьны сцена вывсянь. Сы вөсна медводз, тыдалө, чужисны сідз шусяна опереткаясыс, кодьясөс самодеятельность ворсіс уна сиктын.

М. Н. Лебедевлы сэкжө вөлі гөгөрвоана, мый национальной литература оз вермы водзө кыптыны-сөвмыны, кытчөдз грамотатөг коляс кызвын йөзыс. И коми литературалы подув пуктысьяскөд тшөтш дасьтө лыддысян-велөдчан книгаяс, хрестоматияяс, уна вуджөдө сэтчө суйөм вылө ыджыд роч писательяслысь.

И ачыс сюся видзөдө, мый вөчсьө Коми муас, да сзылө- гижө сиктса йөзлөн аслыныс вылө вөльнөй удж йылысь, веськөдө перөсө кулаклы воча. Гөль йөзкөд орччөн олысь морт, писатель аддзө, кызди сиктас чужөны том выль выньяс. Сылөн творческой видзөдлас улө сюрө, кызди өтувья удж вежө йөзсө, веськөдө индустриализация вылө, кызди му вельмөдан кадыс садьмөдө да ловзьөдө ставсө.

Лебедевлысь төжд кыпөдө и международной олөм. Сийө өлөдө, мый Совет гөгөр эргөны, повзьөдчөны уськөдчыны өтка социалистической государство вылад. Сэсся тшөтш асланым «врагьяслы» паныд ковмис басня. Тайө врагьясыс — дышлун, бюрократизм, ошйысьөм, асланы куравны көсйөм. Поэт отсалө мездысьны став лөксыс да та могысь мыйсюрө вөчө Крылов серти да Пушкин серти, роч народнөй мойдьяс серти.

Сэсся лыддян «Гөрд армияө мунөм», «Сталинград», «Победа лун», «Геройлөн гортө воөм» да мукөд, тайө книгаас бөрийөм и веськавтөм, гижөд да аддзан, мый гижысьыс война воясө олө народнөй төждөн да радлунөн. А Победа бөрын славитө-ошкө мирнөй удж, частө кыпөдө мир дорьян тема, ёрө выль мирөвөй пөжар өзтыны дась империалистьясөс. Тани поэт йөзөдө войнаыслы збыльысь война. Тайө кылө сылөн медбөрья гижөдөдзыс.

Кузь нэм оліс М. Н. Лебедев, ыджыд олөм вуджис да

быдторсѡ аддзыліс — йѡзыслысь сьѡд курыд шогсѡ и сійѡ кадсѡ, кор мян му вылын дзирдаліс шонді. И мый сы югѡр улын вѡчисны уджалысь йѡз, ставсѡ жѡ аддзыліс. Том дырйиыс писательлы сьѡкыд вѡлі бѡрйыны аслыс ныр-визьсѡ, корсюрѡ и вошласис сьѡд вѡр шѡрын моз да первой гижліс эз ставсѡ сідз, эз сідзи гѡгѡрвоѡмѡн, кыдзи эськѡ бѡрынджык кѡсйис да аддзис. Но кор ѣна ѡддзысь олѡмыс петкѡдіс югыд туй вылас, сьѡлѡмсяныыс уджаліс коми сѡветскѡй литературалы да коми йѡзлы бур вылѡ, чуксаліс найѡс лоны збѡйджыкѡн, кыпыдджыкѡн.

Дерт, сэки, кор пѡшти быдѡнлысь кѡсйисны юр садьсѡ бергѡдны-кольмѡдны ас пѡвстысь корсьѡм-лѡсьѡдѡм «врагъяслы» паныд вир кисьтана косьѡн, поэт кутшѡмакѡ торксявліс жѡ. Торксьыліс сійѡн, мый эз найѡс — коланаясѡс — ошкы, и сійѡн, мый ѣрис эз коланаясѡс. Тшѡтш и коми гижысь котыр писыыс. Дженъыда кѡ, кѡсья шуны: комынѡд воясѡ тайѡ ѣртыс эз пыр вѡв шондіыслы медся меліа нюмъялысь лыдас. Ог кулитѡм ли дорйѡм ради шу, а мед видлыны гуг и бан гѡгѡрвоны гижысь мортѡс, сылысь пѡрасѡ. Тайѡс мянлы тѡд вылын кутны колѡ жѡ, медтѡ творческѡй ловлысь дзуг кадѡ олѡмсѡ лои тырвыйѡджык, ѡтар и мѡдар аслыным восьтѡма. И артала татчѡ быть содтанаѡн: ассыыс шѡр туйвизьсѡ верстьѡнас векжѡ Михаил Николаевич эз воштыв. Сы син водзын став коми войтырыс чепѡсйис тѡдѡмлунъяслань, сы син водзын быдмисны мян асланым творческѡй кадръяс, ѡтувтчис-артмис коми национальность. Тайѡн сійѡ сьѡлѡм тырнас нимкодясис, ставыс тайѡ сетіс литераторлы творческѡй вын.

Вѡчис Михаил Лебедев зэв уна. Та вѡсна сылѡн нимыс коли йѡз паметьѡ. Сылысь гижѡдьяссѡ тѡдѡны, радейтѡны. Наын писатель тѡждысис мортлѡн мездлун да кыпыд олѡм вѡсна.

Гажаджык, коми йѡз, олѡй, — тайѡ строкасѡ поэт гижліс 1914 воѡдз на. И эсэся пыр да уна ног вынсьѡдіс ассыыс чуксалана мѡвпсѡ.

Геннадий Беляев.

1913—1914 воясö

ГИЖÖМЫСЬ

ЫДЖЫД ЧЕРИ ДА ИЧÖТ ЧЕРИ

Югьд визув ваын  
Еджьд Кельчи оліс,  
Лы дорті ветліс,  
Шөрö петны поліс.  
«Ме пö, ичöt чери,  
Кьдзи сэтчö муна?  
Ветлöны пö сэнi  
Ыджьд чери уна».

Важысянь нин Кельчи  
Ассьыс донсö тöдіс.  
Сэтшöм сылы мывкьд  
Чужигас ен сетіс.

Öтчьд сійöс аддзис  
Лы дорысь Еді,  
Бöжөн люг-легкерис,  
Юаліс: «Тэ кодi?»

Шуис сылы Кельчи:  
«Ме пö олысь татчöс.  
Кьтчö пö тэ ачьд  
Мöдöдчин ва катчöс?»

Юрсö лэптис Еді:  
«Ме пö вывлань кая.  
Саридзысь бур юөр  
Черияслы вая.

Ичötьяслы петіс  
Ыджьдлы моз вöля —

Кывзöй, кодлы колö,  
Кывзöй, кодi пеля!»

Чуймис ичöt чери,  
Сулалö да шензьö,  
Еді кывьяс йылысь  
Гуринакод вензьö.

Гурина оз верит:  
«Пөрьялöны»,— кайтö.  
Кельчи сылы горзö:  
«Правда пö, ме чайта!»

Гурина шпыньмуні,  
Лөпьяс улö пырис:  
«Дугды пö, йöй Кельчи,  
Мывкьд тэнад бырис!»

Кельчи сылысь кывсö  
Пыдди эз и пукты,  
Сьöлыштіс да шуис:  
«Ачьд пö тэ дугды!

Тайö юөр бöрын  
Веськьда ме ловзи.  
Ва шöрын ме öнi  
Некодьсь ог повззы!»

Шөрö петіс Кельчи,  
Бергалö да ворсö,  
Вывлань-увлань ветлö,  
Дзоля вомнас горзö:

«Ме пö, ичöт чери,  
Ыджыд ногөн ола,  
Гырысьясысь öнi  
Омöля ме пола!»  
Недыр еджыд Кельчи  
Ветлöдлiс сiдз збоя.  
Сы дiнö Сир локтiс:  
«Ме пö тэнö сёя!»  
Кельчи синъяс восьтiс:  
«Дугды,— шуö,— дурны.  
Вöля петöм бöрын  
Оз позь менö пурны!»  
«Вöля петöм йылысь,—  
Кайтö Сир,— ме тöда.  
Сы понда ме тэныд  
Войдөр вöля сета.  
Курчы менö ачыл,  
Сёй кыз кужан менö.

Он кö вермы сёйны,  
Ньылышта ме тэнö!»  
Заводитiс Кельчи  
Сёйны ыджыд Сирöс.  
Сöмын эз и сибав  
Сэтчö сылөн нырыс.  
«Вынöй менам абу,—  
Шуö,— ог пö вермы».  
Чарзыны Сир кутiс:  
«Öнi ме и скöрми!»  
Восьтiс паськыд вомсö,  
Пиньнас вуз-вазкерис:  
Дзоньнас еджыд Кельчи  
Горшас сылы тöрис.  
Тадзи еджыд Кельчи  
Сиркöд спорö волiс,  
Тадзи сiйö ваын  
Ыджыд ногөн олiс.

## ОЗЫР МОРТ, КУПЕЧ МОРТ

Озыр морт, купеч морт,  
Деньга аслыд тэ чöж.  
Ме кöть гöлиник ныв,  
Веськыд туйысь ог кеж!  
Мыйла ме бöрся тэ  
Ветлан руч моз быд лун?  
Мыйла гöлиник ныв  
Тэнад некор оз вун?  
Мыйла ысталан тэ  
Меным быдсяматор?  
Дона козинъяс ме  
Эг на тэ ордысь кор!  
Тэнад деньга зеп тыр,  
Менам абу и грöш.

Век жö сы понда ме  
Ассым думöс ог веж!  
Мый тэ корсян — оз ло,  
Шуа ме чорыд кыв.  
Дона козин оз босьт  
Тэнсьыд гöлиник ныв!  
Уна ньöбавлiн тэ,  
Купеч морт, сьöла-ур,—  
Ньöбны нывлысь бур ним  
Тэныд некор оз сюр!  
Мед тэ озыр, ме — гöль,  
Ассым тöда ме дон,  
Вешйы мун, озыр морт,  
Менам эм муса зон!

## МИЧА НЫВ

Гажтöм лон мича нывлы.  
Синва кутiс петны:  
Верöс сайö пöрысь сайö  
Бать-мам кöсйö сетны.

«Ог мун, ог мун пöрысь сайö,  
Пöрысь кöдзыд вира.  
Пöрысь сайö петöм дорысь  
Бурджык ваö пыра!»

Сьöлöм висьö мича нывлөн,  
Сьöлöм кöйö потны.  
Пöрысь жöникъяссö биөн  
Дзик пö колö сотны!

«Кöни менам муса зонмöй?»  
Сийö туйö мунис.  
Гашкö, ылын, гашкö, матын  
Сылөн воан луныс.

Шог оз бырлы мича нывлөн,  
Бöрдигтырйи олö.  
Бать-мам кутис сылы шуны:  
«Чунькытшасьны колö».

«Ог мун, ог мун пöрысь сайö,  
Пöрысь — паськыд тоша.  
Паськыд тош пиас ме, коньöр,  
Яг пиын моз воша!

Мыйла, мыйла, муса зонмöй,  
Эновтин тэ менö?  
Гашкö, локтан, бöрря лунöдз  
Виччыся ме тэнö!»

Пöрысь жöник паськыд тоша  
Чунькытшасьны воис,  
Орччөн пуксис мича нывкöд,  
Зiля юис, сейис.

Пöрысь мортлөн пиньяс абу,  
Вомсьыс дуллыс петö.  
«Муса батыöй, муса мамыöй,  
Сы сайö эн сетö!»

Бать оз кывзы, мам оз кывзы.  
Нывлөн синва киссьö,  
Гөгöр видзöдны оз вермы,  
Синваон и мысьö.

Венеч улö кутис мунны.  
Вичко йöзөн тыри.  
Паськыд тоша жöник воис.  
Нывлөн садыс быри.

«Ог мун, ог мун пöрысь сайö.  
Енлысь милöсть кора!»  
Сийö шуом бöрын кылис  
Көлököльчик гора.

Кодкö тройка вöлөн локтис,

Вичко ѓдзѓс восьтїс:  
«Кодї менсьым муса нылѓс  
Верѓс сайѓ босьтїс?»  
«Эз на, эз на, муса зонмѓй,  
Поп венечсѓ пукты!»  
Сэки зонмыс поплы шуис:  
«Венчайтѓмысь дугды!»  
Паськыд тошлы мича нывкѓд  
Абу лѓсьыд овны.  
Пѓрысь мужикысь том ичмонь  
Ёна кутас повны.  
Недыр кежлѓ, старик мортѓй,  
Том ныв тэныд шедлїс!»  
Сэсся шошаѓдыс босьтїс,  
Вичко шѓрысь вѓтлїс.  
Паськыд тоша, пиньтѓм вома  
Гѓтрасьѓмысь дугдїс.  
Мича нылѓс мича зонкѓд  
Поп венчайтны кутїс.  
Гажа лои мича нывлы,  
Синва дугдїс петны:  
Верѓс сайѓ пѓрысь сайѓ  
Эз вермыны сетны!

## ЫТШКАНДЫР

Локтїс гожѓм, шоныд гожѓм.  
Войяс дженьыд, луньяс кузь.  
Пемыд некор оз и овлы,  
Пемыд му вылѓ оз усь.  
Луньяс мунѓ, луньяс кольѓ,  
Вот и страдна — ытшкандыр.  
Кодлы мича турун колѓ,  
Ытшкѓ, куртѓ пырысь-пыр.  
Шондї петѓ, шондї лэччѓ.  
Видзьяс вылын гыѓ йѓз.  
Быдсѓн турун аслыс вѓчѓ,  
Тшыг оз кувны вѓв ни мѓс.  
Коса ытшкѓ, куран куртѓ...  
Кымын зорѓд? Куим, нѓль...  
Коми йѓзлѓн сьѓлѓм бурмѓ,  
Некод кѓрымтѓг оз коль!  
Эштїс турун, вундан воис.

Оз позь шуны уджлы: шань!  
Вёла-мёслы кёрым лоис,  
Ковмас войтырлы и нянь.  
Лоас төв кежлө быдсөнлөн  
Озырлун да шоныд горт.  
Тільсы, уджав кызди верман,  
Кызди кужан, коми морт!

## ГАЖА ТУЛЫС ВОИС

Гажа тулыс воис.  
Гөгөр жургө шор.  
Шонди лымсө сёйс,  
Ловзис пулөн кор.  
Ю кузя йи кывтө —  
Тувсов ва оз узь.  
Югид енэж вывти  
Лэбзьё дзодзөг, юсь.  
Гожом абу ылын.  
Эжа лон веж.  
Челядь вадор вылын  
Ворсёны лун чож.  
Вадорын бур нывъяс  
Ссылёны быд вой;

Мусукъяслөн кывъяс  
Лооны зэв збой...  
Кодлы колө көдзны —  
Лөсьөдөны гөр.  
Весьшөрө оз жөдзны,  
Виччысьёны зэр.  
Пёрысь пөль мый керө?  
Сирён мавтө пыж.  
Шонди улын вөрө,  
Копыртөма мыш.  
Тулыс мортлы шуис:  
«Гажөдчы, бур вок!»  
Ылө-ылө нуис  
Сийө йөзлысь шог.

## КОМИ ЗБОЙЛУН

Гажаджык, коми йөз, олөй.  
Шогсыны, бөрдны оз ков.  
Кулөмысь, смертысь эн полөй:  
Некор оз кув миян лов.  
Лов миян кувны оз вермы.  
Ловлы оз волывлы пом.  
Ловъя морт некөн оз йөрмы.  
Мортлы он пукты көртвом!  
Уна ми аддзылим шогъяс,  
Жалитысь некод эз вөв.  
Вунөдам сийөс, бур вокъяс,  
Шогсө мед новлөдлас төв!  
Некор ми шойччөг эг төдлөй,  
Корсим ми век кынөмпөт...



## Сөветскöй кадся кывбурьяс

### СМЕЛДЖЫКА, ВОКЪЯСÖЙ, ВЕТЛÖЙ

Смелджыка, вокьясöй, ветлöй!  
Кось вылын ёнмöдчим ми.  
Вöлясö аддзис и босьтис  
Уджалысь войтырлөн ки.

Мырсьысьяс шöрьсь ми петим,  
Мывкыдным абу нин нор.  
Öтувьяс олём да вöля —  
Миянлы меддонатор.

Дыр нин ми сьöкыда олим,  
Тшыгьялим, коньöрьяс, дыр.  
Колины кымöра луньяс,  
Воис зэв бур оландыр.

Вермасьны важыскöд колö.  
Прöста мед некод оз ов.  
Гöльлунысь, лёклунысь öнi  
Уджалысь войтыр оз пов.

Врагыс кө зырöдны пондас,  
Судзяс на сы вылö вын.  
Пыр миян ёнлунным содö,  
Смеллунным некор оз чин.

Тэысь ми, враг, огö полöй,  
Пиньястö жергöд көть эн.  
Тэ вöльнöй öтувтчöм йöзöс  
Некор он повзьöd, он вен.

Смелджыка, ёртьясöй, ветлöй!  
Кось вылын енмöдчим ми.  
Вöлясö чорыда кутö  
Сöветса войтырлөн ки!

## ЮГДИС НИН, ВОКӨЙ

Югдiс нин, вокöй,  
Матыстчис лун,  
Лэптысис шондi...  
Уджавны мун!

Вынтö эн жалит,  
Водзö эн видз.  
Уджавны колö  
Зильджыка сiдз.

Сой тэнад зумыд.  
Вежöрыд бур.  
Оз тэнад важ моз  
Копырвидз юр.

Аддзан тэ ачyd:  
Помасис вой...  
Кыпöдчы, вокöй,  
Веськöдлы сой!

Тöдан, мый шулис  
Бур Ленин ёрт:  
«Уджтö эн вунöд,  
Уджалысь морт!»  
Абутöм енлысь  
Отсöг эн кор.  
Уджтöг оз артмы  
Дзик нинöмтор.  
Сьöлөмсьыд уджав,  
Муркöдчы век.  
Пöрысьман — бура  
Шойчыштан сэк...

Югдiс нин, вокöй,  
Матыстчис лун.  
Лэптысис шондi...  
Уджавны мун!

## КОМИ МУ

Коми му кузя ме муна.  
Гöгöр сулалö сьöд вöр.  
Вöрыс вывти-вывти уна,  
Сыысь унаыс оз тöр.  
Аддза: сэнi шылыыд пожöм  
Вылö лэптö ассьыс юр.  
Сылы öткодь, тöv кöть гожöм.  
Сэтшöм пуыс тайö бур.  
Сэнi, быттьö пöрысь пöчö,  
Дзормöм кыпöдчöма коз.  
Сийö увъяс костын вöчö  
Вöрса пöтка шоныд поз.  
Сэнi вашкöдчöны гора  
Пипу чойкöд еджыд кыз,  
Мыйкö сёрнитöны нора,  
Корнас шенасьöны сiдз.  
Сэнi сус пу гöгрöс бока,  
Сэнi пелысь, сэнi льöм.  
Танi бадьяс, вöсни кока,  
Вадор пөлөн уна эм.  
Вöрыс помтöм. Туйыс кöни?  
Зонмö, яг пиад эн вош.

Аддза тані, аддза сәні  
Ыджыд тапикасьö ош.

Ветлö кöин, пиньсö йирö,  
Корсьö аслыс кынöмпöt.  
Наян ручыс гуö пырö,  
Бурөн некодлы оз шед.

Кöчыс дзедьсö лөпьяс сайö,  
Видзö ассъыс дона юр.  
Öдйö-öдйö пуö кайö  
Паськыд бöжа ичöt ур.

Дозмөр пувсö зiля сёйö,  
Гөгөр жуö сьöла, тар.  
Тури кокнас нюрсö лойö:  
Абу муса сылы ар.

Аддза: пищальöн со муно  
Сьöла кыйны коми морт,  
Гортса олöм сылөн вунö,  
Ылö кольöма нин горт.

Туйтöг öтнас ветлö сiйö,  
Вöрын нинöмысь оз пов.  
Уна вöрса пötка кыйö,  
Уна зверлысь босьтö лов...

Муна водзö, муна ылö,  
Оз и помась пемыд вөр.  
Көнкö гора сёрни кылö,  
Бриньгö пила, клёнгö чер.

Аддза: сортовка кер лэдзö  
Том и пöрысь коми йöз,  
Мича шпалсö зiля вöчö,  
Тэчö юяс дорö пес.

Вöла войтыр сәні жуö,  
Трактор муркöдчö лунтыр:  
Кыксё керйөн öтпыр нуö  
Гора шыөн ветлигтыр.

Оз кыв сәні видчöм, мургöм,  
Лёкысь горöдлöм оз кыв,  
Сöмын уджалысьлөн юргö  
Кыпыд, гажа сьыланкыв...

Паськыд туй вылö ме пета,  
Аддза: вежсис туйлөн сер,  
Кöть и важ моз шувгö сэтөн  
Кыкнан бокас пемыд вөр!

Бөр и водз пыр ветлö сәні  
Уна сё автомобиль,

Вөлөк мунысьясос венө,  
 Быд лун локтө выльысь-выль.  
 Муна водзө... Тулыс воө.  
 Лымйыс сылө, киссьө зэр.  
 Көдзыд йисө шондї сөйө.  
 Ойдө уналатї вөр.  
 Ваын сулалөны пуяс,  
 Ваыс рөмпөштан кодь лөнь.  
 Эжва, Сыктыв, коми юяс —  
 Быттё паськыд эзысь вөнь.  
 Аддза: трактор мусө гөрө.  
 Коми войтыр көдзө нянь.  
 Тувсов уджсө быдөн керө.  
 Жургөм тракторлөн оз ланьт.  
 Тайө трактор — абу дивө,  
 Абу дивө — паськыд йөр:  
 Йөзыс олө коллективөн,  
 Лөк пу гөрйөн оз нин гөр...  
 Бара водзө, водзө муна.  
 Гөгөр сулалө сьод вөр.  
 Вөрыс вывті-вывті уна,  
 Сыысь унаыс оз төр.

## МИЯН МУӨЙ

Муөй, миян муөй,  
 Миянлы тэ муса.  
 Кор ми тэнө аддзам,  
 Шогъяс миян кусө.  
 Важысянь ми тэныд  
 Чорзыны ог сетлөй.  
 Тэ вывті ми зіля  
 Югыд гөрйөн ветлім.  
 Небзьөдім ми тэнө,  
 Дөзьөритім ёна...  
 Муөй, миян муөй,  
 Миянлы тэ дона!  
 Тэ вылө ми няньсө  
 Отув вынөн көдзим,  
 Мортлы сөянторсө  
 Быдмөм вылө лэдзим.  
 Көйдыссө ми тэныд  
 Колян арын перйим,

Весалим став ёгсө,  
 Мичаджыка бөрйим.  
 Гөгөр тэнө потшим,  
 Талялөмысь видзим.  
 Муөй, миян муөй,  
 Шуам тэныд сідзи:  
 «Бура чужты няньсө,  
 Вужъяссө эн косьты,  
 Няньлы петан туйсө  
 Шондї улө восьты!  
 Лэптысяс мед вылө  
 Идлөн-скулөн юрыс.  
 Некор мед оз бырлы  
 Тэнад татшөм бурыс!  
 Ина шерлөн лөкыс  
 Тэнө мед оз сулы!  
 Ыджыд аттьө шуам  
 Тэныд, миян мулы!»

## МОРТ ОЛӨМ

Мыйла мортыд чужо?

Мыйла сийо оло?

Уджавнысо мыйла

Кувтодз сылы коло?

Сийома быд мортлы

Быдмом выло чужны.

Быдмынысо, вокъяс,

Бура коло кужны.

Ичот дырйи кодлон

Вежорыс оз югды,

Пемыдлуныс сийос

Конъявны оз дугды.

Миян вольной муын

Быдлаын эм школа.

Шуда сийо мортыд,

Коді сэтчо воло.

Быдтор сийо кутас

Тодны, гогорвоны.

Сюсь вежора мортон

Вермас сэссия лоны.

Миян вольной мулон

Мичлун сылы воссяс,

Отувья удж вочны

Зиля сийо босьтчас.

Тайо дружной уджон

Шуднымос ми дорам,

Енмодам выль олом,

Важсясо ми ерам.

Ого ко ми пондой

Уджаломысь повны,

Гажаа да бура

Ставным кутам овны!

## ЛЁК КЫМӨРЪЯС

Вөр сайысь надзоник кымөръяс кайоны.

Кысь бара локтоны? Мый найо вайоны?

Киссяс-о на пиысь небыдик зэр?

Усяс-о лёк ногон му выло шер?

Кымөръяс ыдждоны, паськыдджык лооны,

Шондисо тупконы, матоджык вооны.

Кытчоко вошом, ланьтома тов.

Дугдома йирсьомысь, сулало вов.

Туй вылын баляяс баксоны, шогсьоны.

Коз улө чикышьяс дзевсьоны, ноксьоны.

Жугыля копыртис шепьяссө сю.

Бадь костын букыштчис, пемдодчис ю.

Мужикъяс, бабаяс гортаныс пыроны.

Купайтчысь челядыс вадорысь быроны.

Кымөръяс локтоны повзымон съод.

Мый бара лоас-а, некод оз тод.

Воисны кымөръяс, сувтисны отлао,

Эз на тай, майбырой, лэбзыны модлао.

Садьмодчис, лолыштіс ю сайысь тов,

Туй кузя польыштіс чорыда зэв.

Лэптысис лыаыс матысянь, ылысянь.

Лоз бион сьвкнитіс вөр выло вылысянь,

Лыйигмоз гымыштіс. Тіралё му.

Тоньгёны өшиньяс, копрасьё пу.

Тшөкыда, тэрыба зэр кутіс киссьыны,

Зэр ваён керкаяс пондісны мыссьыны.

Вежөдіс йөрьясын пуктаслөн кор.

Вадорлань котөртны мөдөдчис шор.

«Бура тай зэрмөма!»— мужикьяс шуоны.

Бабаяс зэр улө шомөсьяс нуоны.

Өшиньсө восьтөма, видзөдө пөч:

Оз-ө пө ен биыд омөльсө вөч?

Бара на чардыштіс... кымөрьяс югдісны...

Бабаяс шомөснас котравны дугдісны...

Гымалө, уалө. Лэбалө би.

Пернапас чөвталө пөчөлөн ки.

«Мый бара юрбитан?— пи сылөн сералө.—

Быттьөкө тэ вылө енэжыс эралө.

Лёкыслы лоны кө, юрбит көть эн,

Оз вермы отсавны абутөм ен!»

Көсийс нин пөчөыс лөсьыда вензьыны,

Көсийс на пиыскөд усьтөдзыс вензьыны,

Сөмын эз удит на паськөдны вом,

Шензьөмлы-вензьөмлы воис нин пом.

Өшиньө анькытш моз шер кутіс сяргыны,

Стеньяскөд, вевтяскөд сёрнитны-варгыны.

Лёк ногөн шурөбтіс, шутөвтис төв,

Кытыськө нетшыштіс, шыбитіс пөв...

Гудыртчис ывлаыс... мый бара лоөма?

Медбөрья луныд тай, буракө, воөма:

Идьяссө, сюяссө жугөдө шер.

Роскөн моз чышкалө картупель йөр.

Йи торьяс усьөны, муяссө нырөны,

Стеклө пыр ворсігыр керкаө пырөны,

Вөчөны быдөнлы зэв ыджыд шог.

Абу тай шерыдлөн бур оланног!

Бабаяс жугыля ывлаын жуоны.

«Тшыглы ог кулөй на,— мужикьяс шуоны.—

Өні өд абу нин цардырся кад,

Кор сиктса войтырлы пыр вөлі мат!»

## ОМӨЛЬ ВО

(Коми муё еджыдъяслөн волём)

Төдлім «еджыддырся во»,  
Омөль во.  
Сыысь омөльыс оз ло,  
Оз нин ло.  
Кодлы бөрдөм, кодлы теш,  
Мисьтөм теш,—  
Локтіс Латкин, югыд плеш,  
Паськыд плеш.  
«Ме пö öні ыджыд морт,  
Чина морт.  
Господин ме, абу ёрт,  
Абу ёрт.  
Губернатор — менам чин,  
Зарни чин,  
Му пыр аддзö менам син,  
Югыд син.  
Сöвет власть вылö ме лёк,  
Вывті лёк,  
Сылысь чегъяла ме кок,  
Ки и кок.  
Коді ме дор, накөд бур,  
Ёна бур.  
Лэпта земстволысь ме юр,  
Усьöм юр.  
Сэсся восьта манастыр,  
Манастыр,  
Енлөн милöсть мед оз быр,  
Мед оз быр.  
Коми йöзкөд лoa шань,  
Бур да шань.  
Вая татчö еджыд нянь,  
Чöскыд нянь,  
Кöлач, булки, сакар, чай,  
Сакар, чай.  
Коми муын вöча рай,  
Гажа рай!..»  
Тадзи шуліс Латкин Степ,  
Плеша Степ.  
Сöмын тыртіс ассъыс зеп,  
Джуджыд зеп.

Помодз куштіс Сыктывкар,  
Коми кар,  
Голькөд вөлі лөк да яр,  
Пон кодь яр.  
Уна мортлысь босьтіс лов,  
Виис лов,  
Господинөн дыр эз ов,  
Эз тай ов!  
Регыд пышйис сы ни садь,  
Сы ни садь.  
Вөтліс сійөс коми дядь,  
Скөрмөм дядь.

### ВОДЗӨ, ПЫР ВОДЗӨ...

Эргоны озыръяс Сөвет му гөгөр,  
Выль олөм пазөдны лөсьөдчигтыр.  
Кианыс кутоны сийөс да мегыр:  
Миянөс доддявны көсийоны пыр.  
Весьшөрө, кырнышъяс, пиньнытө йирад,  
Весьшөрө, понъяс моз, эрганнуд ті.  
Асьныд ті регыд нин му вылысь бырад.  
Уджалысь войтырлөн ёнмөдчис ки.  
Водзө, пыр водзө ми мунам,  
Некор ог бергөдчөй бөр.  
Мый көть и врагъясыс уна,  
Наысь оз пов Эсэсэр!

Кыз зобъя озыръяс Сөвет му сайын  
Уджалысь войтырлысь юоны вир.  
Оз сетны лолыштны гөльяслы найө.  
Чайтөны тадзинад ыждавны дыр.  
Лэптөны юрнысө нартитөм ёртъяс.  
Уналөн веськөдчө копыртөм мыш.  
Налы ми отсалам паськөдны бордъяс,  
Велөдам кыпөдны классөвөй тыш.  
Водзө, пыр водзө ми мунам,  
Некор ог бергөдчөй бөр.  
Мед көть и врагъясыс уна,  
Наысь оз пов Эсэсэр!

Царь дырйи мянын гибавліс збоя  
Ад горша озыр да куравліс нөк.  
Пыр вөлі зарнисө содз тырөн койө,  
Пыр вөлі гуляйтө, пируйтө век.

Гөрд революция путкыльтіс важсө.  
Сиктгясын кулаклөн оръясис вез.  
Судзөдіс вөлясө, шудсө и гажсө  
Фабрикса котыр да мубердса йөз.  
Водзө, пыр водзө ми мунам,  
Некор ог бергөдчөй бөр.  
Мый көть и врагъясыс уна,  
Наысь оз пов Эсэсэр!

Озырыд миянөс өні оз повзёд.  
Быдмам ми, ёнмам ми — озырлы мат.  
Лёк пемыд царствосө некод оз ловзёд  
Выль югыд олөмлы воөма кад.

Асьным ми асьнымөс гөльлунысь мездам,  
Өтувъя удж помысь озырмам ми.  
Кор воас кад, сэки быдлаын өзтам  
Миянын моз революция би.

Водзө, пыр водзө ми мунам,  
Некор ог бергөдчөй бөр.  
Мый көть и врагъясыс уна,  
Наысь оз пов Эсэсэр!

## МИКУЛАЙ ДЯДЬЛӨН СЫЛӨМ

Микулай дядь важөн  
Гөлиника овліс,  
Быд начальник мортысь  
Ошкысь моз жө повліс.

Праздникъясө сөмын  
Йөзыс сылысь кывліс,  
Кызди гажа юрөн  
Со мый сійө сывліс:

«Лөсьыд эськө вөлі,  
Эз кө некод скөрмыв,  
Мөда-мөдөс пурны  
Некод эз кө вермыв!

Лөсьыд эськө вөлі,  
Югдісны кө юръяс,  
Чегисны кө дзикөдз  
Пемыдыслөн сюръяс!

Лөсьыд эськө вөлі,  
Шогъясыд кө быри,

Долыдлунөн, гажөн  
Сьөлөмыд кө тыри!

Лөсьыд эськө вөлі,  
Тырмыліс кө няньыд,  
Быд лун яя шыдсө  
Гумлаліс кө паньыд!

Лөсьыд эськө вөлі,  
Вөльнөйөн кө чужим...  
Сэки эськө овныд  
Мөд ногөн ми кужим!»

Микулай дядь өні  
Тадзи оз нин сывлы,  
Татшөм сыланкывсө  
Сылысь он нин кывлы.

Сы вөсна мый ставыс  
Микулай ног лоис:  
Сылы лөсьыд олөм  
Вөльнөй муын воис.

## ЗЫБКАДОРСА СЬЫЛАНҚЫВ

Өввө, өввө, ичөт пиёй,  
Сьөлөмшөрөй, узы!  
Пемыд войыс нинөм повны,  
Войыс абу кузь.  
Асья кыа бөрын лоас  
Бара гажа лун.  
Зыбка дорыс тэнад мамыд  
Некытчө оз мун.  
Ог ме дона пиөс энөвт,  
Некодлы ог сет.  
Менам зарни, мича кага  
Бура узяс мед!  
Эзыс лэптысьөма төлыс,  
Быттьө еджыд юсь...  
Өввө, өввө, муса пиёй,  
Сьөлөмшөрөй, узы!  
Понда висьтавын ме тэныд  
Уна-унатор:  
Мыйла, кызди тэнад батыд  
Томөн лоис дзор;  
Мыйла уджалігас сійө  
Шойччөгсө эз төд;

Кызди усътөдз сійө тільсис,  
Сөмын эз вөв пөт.  
Сэки уджалысьыс вөлі  
Медся ичөт морт.  
Сэки уджалысьлөн вөлі  
Көрталөма борд.  
Өні олөм миян вежсис,  
Батыд лоис сюсь...  
Өввө, өввө, дона пиёй,  
Сьөлөмшөрөй, узы!  
Коркө быдман, пондан  
төдны  
Өнъя оласног.  
Өтув сиктсаяскөд овны  
Лоас тэнад мог.  
Төлыс кисьтө эзыс югөр,  
Пышйө пемыд вой.  
Өні тэнө, ичөт кага,  
Бубуля оз сөй.  
Нинөм повны, көть и буксө  
Вой шөр войын сюзь.  
Өввө, өввө, зарни пиёй,  
Сьөлөмшөрөй, узы!

## МАМ И ЧЕЛЯДЬ

Коді челядь вөсна шогсьө,  
Челядь гөгөр зіля ноксьө,  
Видзө найөс вой и лун,  
Ылө на діныс оз мун?  
Налөн муса мамыс!  
Коді на вөсна и олө,  
Найөс кывйөн дойдны полө,  
Сетө чөскыд сөянтор,  
Аслыс водзөссө оз кор?  
Налөн дона мамыс!

Челядь быдмөны кө бура,  
Оз кө лоны пемыд юра,  
Коді сэки медся рад,  
Оз и аддзыв гажтөм кад?  
Налөн зарни мамыс!  
Оз кө челядь шаня овны,  
Лөксө вөчны оз кө повны,  
Коді жугыльтчөма сэк,  
Быттьө арся лунө көк?  
Налөн коньөр мамыс!

## ДЗОЛЯ ЧЕЛЯДЬ

Дзоля челядьбөн ми шусям.  
Муса миянлы детсад.  
Сэн ми олам, ворсам, узям,  
Гажа колляламō кад.

Гожся лунō, шоньд лунō,  
Сыланкывъяс сьылігтыр,  
Ставбөн гуляйтны ми мунам  
Да и гуляйтам зэв дыр.

Ветлам паськыд муяс вылō,  
Видлам, кызди быдмō нянь.  
Шептыс сьоктаммō кō  
сылбөн,  
Ставыс лоас сэки шань.

Лэччылам и Эжва дорō,  
Сэні уна-уна цвет,  
Нетшкам алōйсō лōз сорбн,  
Вбчам мичаник букет.

Вбрын кисьмō чбскыд озйис,  
Сэтчб уськбдчам ми пыр.  
Озсб вотам бтув дозйб,  
Кытчбдз дозйис оз ло тыр.

Гуляйтам ми кыпыд лолбн.  
Татшбм гажыс дыр оз вун.  
Садйын долыд миян олбм,  
Он и тбдлы, кольб лун.

## ИЧБТ НЫВЛБН СЫЛАНКЫВ

Мыйла нб оз кывсы  
Ичбт нывлбн гблбс?  
Сыланкывсб сйб.  
Тбдб уна пблбс.  
«Кывзбй,— сйб шуис,—  
Заводита сывны!»  
Ылб-ылб кутис  
Гблбс сьлбн кывны:  
«Гажа садйись локтб,  
Котбртб ме бнб.

Гбрдбдбма, кисьмб  
Чбскыд бмидз сэні.  
Ловзббдисны сйбс  
Зэр да югыд шондб.  
Жугыльтчыны арбдз  
Сйб оз нин понды!..»  
Ланьтис, эз кут кывны  
Гблбс ичбт нывлбн.  
Матбник и вблб  
Помыс сьыланкывлбн.

## МОЙДБМ

Тбвся войын бшинь сайын  
Кбдзыд вой тбв жургб.  
Мыйкб сьылб, мыйкб горзб,  
Код вылб кб мургб.  
Шоньд паччбр вылын челядь  
Кбдзыдыс оз повны.  
Пбрыс пбчкбд, муса пбчкбд  
Лбсьыд налы овны.  
Пбчыс чуня кепыс кьб,  
Ассьыс уджсб вбчб.

Эз на некор прөста пукав  
Паччөр вылын пөчө.

Челядь видзөдөны, кызди  
Пөчлөн уджыс содө.  
Өти шуө: «Кузь на войыс.  
Огөй на ми водө».

Мөдыс шуө: «Кепысь кыан,  
Муса бабөй, пукты.  
Сэсся шойччигмозыд мойдышт,  
Уджавнысө дугды».

«Мойдышт, мойдышт, муса бабөй!—  
Коймөд-нөльөд горзө.—  
Зіля кывзыны ми кутам  
Тэнсьыд мойданторсө».

Пуктіс пөчө кепысь кыан.  
Мый пө накөд керны?  
Челядь виччысьөны мойдөм,  
Ку пытшкө оз төрны.

«Мойда, мойда,— шуө пөчө,—  
Пукалөй да кывзөй.  
Ичөт Сашө, ичөт Машө,  
Ланьтөй, энө чивзөй!»

Паччөр вылын челядь ланьтіс.  
Пөчлөн гөлөс кылө.  
Мойдө сійө, кызди вөрын  
Ручыс олө-вылө.

Кызди ошкөд мужик мортыс  
Өтув сёркни көдзис.  
Кызди көнкө зарни чери  
Ыджыд дивө вөчис...

Пөчлөн уна мойданкывйыс.  
Помыс налөн ылын.  
Лөсьыд челядьыслы овны  
Шоньд паччөр вылын.

Ошинь сайын көдзыд вой төв  
Ёнджыка на жургө.  
Пырны керкаө оз вермы,  
Сы вөсна и мургө.

## ШКОЛАЫН

Талун, вокöй, меным лои  
Мунны школа öшинь увті.  
Кор ме школа весьтö вои,  
Восьса öшинь водзö сувті.  
Уна челядь сэні вöлі —  
Ставныс шаньöсь, шыльыд юра.  
Ачыд тöдан, найö öні  
Овны велöдчöны бура.  
Тöдан, вокöй, тайö школа  
Пемыд йöзлы — югыд шонді!  
Гажөн тыри менам лолöй,  
Кор ме кывзыны сэн понді.  
Гижöм вöлі налөн мунö:  
Быдөн кутö киас перö,  
Быдөн гижö мыйкö уна,  
Перö кокныдика вөрö...  
Сэсся велöдысьыс шуис:  
«Тöдны школьникъяслы колö,  
Кытысь лои-чужи муыс,  
Коді, көні, кызди олö!»  
Кутіс висътавлыны сійö...  
Дыр ме сулалі да шензи.  
Татшöм тölка морткөд, пиö,  
Ми вок, буракö, он вензьи!  
Сэн ме кылі, вокöй, кызди  
Муыс шонді гөгөр ветлö.  
Ентөг артмöма пö сідзи.  
Енмös ыдждöдлыны петлö \*!  
Сэсся кылі, тöдны понді:  
Көні лымйыс во чөж усьö,  
Көні би моз сотö шонді,  
Битөг сёянторйыс пусьö.  
Көні эмöсь ыджыд карьяс;  
Көні миян моз оз овны;  
Көні озырьяс да царьяс  
Вирсö кисьтны оз на повны.  
Унатор ме кылі, вокöй,  
Унатор ме тöда öні.  
Эз и мудзлы эськö кокöй,  
Көть ме рытөдз олі сэні!

\* Петлö — тырмас.

## ВАНЮК

Дзоля Ванюк эз на тӧдлы,  
Кутшӧм велӧдчӧмыд эм.  
Гортысь некытчӧ эз ветлы,  
Чайтис овны тадзи нэм.

Отчыд мамыс сылы шуӧ:  
«Пасьтась Ванюк, муса пи.  
Тэнӧ школаӧ ме нуа,  
Тшӧтш и мунам сэтчӧ ми».

Ванюк бӧрддзис, Ванюк повзис.  
Сийӧ вывтӧ вӧлі рам.  
«Со пӧ олӧм менам овсис!  
Кытчӧ нуӧ менӧ мам?»

Нинӧм тэныд, Ванюк, бӧрдны.  
Омӧлинӧ тэ он сюр.  
Тэнӧ некытчӧ оз йӧртны,  
Тэныд югдӧдасны юр.

Тэныд велӧдчӧмыс колӧ,  
Кызди лӧбачьяслы борд,  
Кодӧ школаясӧ волӧ,  
Сийӧ овлӧ шуда морт.

Сэтшӧм мортыд оз нин тӧдлы  
Пемыд олӧм, гажтӧм лун.  
Ванюк, велӧдчыны ветлы,  
Югыд туйӧд водзӧ мун!

## ВЕЛӧДЧӧЙ, ЧЕЛЯДЬ

Велӧдчӧй, челядь,  
Югдӧдӧй юр.  
Велӧдчӧм вайӧ  
Тянлы бур.

Понданныд тӧдны  
Быдсяматор:  
Шондӧйс, муыс  
Лоӧма кор;

Гожӧмын мыйла  
Гымалӧ гым;  
Ар бӧрын кытысь  
Локталӧ лым;

Кӧдзтӧгыс кызди  
Лӧптысьӧ вӧр;  
Кысь сӧні лоӧ  
Пӧтка да зверь;

Му вылын кутшӧм  
Дивӧяс эм;  
Мый вӧсна йӧзыс  
Уджалӧ нэм.

Понданныд тӧдны  
Омӧль и бур.  
Велӧдчӧй, челядь,  
Югдӧдӧй юр!

## КУИМ ДРУГ

Геня, Славик да Серёжа,  
Куим школьник, куим друг,  
Тондзи шулісны, мый некод  
Налысь дружбасо оз дзуг.

Отчуд мөдөдчисны найо,  
Гожся лунсо коллигмоз,  
Мөдлапөвса видзьяс выло  
Вотны сэтөр либо оз.

Видзьяс вылын тайо кадө  
Некөн ловья морт эз вөв,  
Сулаліс сэн уна зорөд.  
Ворсіс турун чирөн төв.

«Страдна эштіс,— шуис Геня.—  
Эз и кыссы сійо дыр.  
Эстөн, көні джуджыд сёныс,  
Юрьяс кыскалі ме пыр».

«А ме курті,— кайтіс Славик.—  
Буретш тані, кывзы, Гень.  
Сыысь пасйисны колхозад  
Меным кызь кык трудодень».

«А ме талялі дас зорөд,  
Турун, төдөмысь, оз пөд»,—  
Шуис ёртъяслы Серёжа,  
Сэсся содтіс мунан өд.

Өдйө восьлалісны водзө  
Куим школьник, куим друг.  
Зорөдъясянь налы паныд  
Төлыс вайис чөскыд дук.

Небесаын ломзис шонді,  
Би кодь югыд, би кодь гөрд,  
Жарөн лолалө да дзирднас  
Окалө став видзлысь эрд.

Славик индіс: «Эстысь, сёнсьыс,  
Озйыд сюрлывліс нин мем,  
А со сэні, васөдінас,  
Уна зэв сьөд сэтөр эм».

Геня сылы вочавидзис:  
«Медся муса меным оз.

Сійос зіля мōда вотны,  
Тырта чукийōн ассьым доз».

Юрнас пыркнитіс Серёжа:  
«Да и сэтōрыд зэв бур!  
Сійос сакарōн кō пуан,  
Сыысь чōскыдыс оз сюр...»

Тайō здукō омōль делō  
Казялісны куим друг:  
ōти зорōд йōрō пырис  
Уна мōс да уна кук.

Найō мутшкōны кос турун,  
Орōдōны зорōд кок.  
«Дерт жō, пырасны,— Генъ шуис,—  
Дзонь кык прасла пōрōм со».

Гōгōр видзōдліс Серёжа:  
«А мōс видзысьыс нō кōн?  
Гашкō, водōма да, узьō  
Кōнкō кустьяс улас сэн...»

Эз дыр думайтны том войтыр:  
Быдōн босьтис киō ньōр.  
Скōтсō вōтлалісны ставсō,  
Но кызд потшны зорōд йōр?

Кинас шеныштіс Серёжа:  
«Ог жō воштō тані лун!  
Вайō вотчанінад мунам,  
Менам, ёртьяс, татшōм дум...»

«Кызд нō мунам!— пузис Славик.—  
Он мōй гōгōрво, он тōд:  
Зорōдсō кō тадз ми колям,  
Нōшта уна локтас скōт.

А од туруныд колхознōй,  
Сійōн вуджны колō тōв.  
Ми кō ставным татысь мунам,  
Сэки омōль лоас тōлк».

«Дерт жō, сідзи,— шуис Геня.—  
А мый вōчны вермам ми?  
Миян сьōрысь абу черным,  
Сідзнад потшōстō он йит».

Аслас ёртъясыскөд Славик  
Лишнөй сёрнисө эз пан,  
А зэв дженъыдика налы  
Висьталіс, мый вöчны тан:

«Кывзы, Геня, öдйö-öдйö  
Гортö котöртлы тэ бөр,  
Пыр жö мортöс татчö вайöд  
Потшны тайö зорöд йөр.

А Серёжалөн да менам  
Тані öти лоас мог:  
Видзны скöтысь турун зорöд,  
Кытчöдз корём морт оз лок.

Сэтчö содтыштіс Серёжа:  
«Тэнад, Геня, кокыд чожд.  
Төв моз лэбзы! Аски вотчам!  
Сэтöрыд öд оз на вош...»

Муніс Геня, а збой Славик  
Да Серёжа сәні пыр  
Видзисны колхознөй турун  
Кыпыд песня сьылігтыр.

Коркө рытнас сэтчö воис  
Том колхозник, тэрыб зон,  
Сылөн уджыс регыд эштіс,  
Потшöс лои ёнысь-ён.

Долыд вöлі куим друглы,  
Ворсіс сьөлöманыс би:  
«Мед көть сэтöр воттöм лои,  
Зато зорöд видзим ми!»

## ЙÖЛА

Рытлань ланьтіс пемыд вөр:  
Лунся уджсö оз нин кер.  
Гашкö, узьö, гашкö, оз.  
Шойччö пожöм, шойччö коз.  
Вөрö локтіс кыйсьысь морт,  
Быттьö вайис сійöс борд.  
Эз и ветлы сәні дыр:  
Аддзис көчöс пырысь-пыр.  
Көть и көчыс вöлі сюсь,  
Мортлөн пищальыс эз узь.

Порок-пуля эз на сiм,—  
 Мортыс кочос лыйис: гым!  
 Садьмис, ловзис пемыд вөр,  
 Аслас ку пытшкө оз төр.  
 Лыйом бөрын чөв оз ов:  
 Гымакылө — кув да ков!  
 Увгө тани, шувгө сэн,  
 Он и вермы тодны көн!  
 Ылын, матын — гув да гув!  
 Кытчөдз лыйом шы оз кыв?!

## БУР ОЛАННОГ

Шондiысь югыд да мича	Важысянь Бур оланноглөн
Отитор му вылын эм.	Лөккөд эз лөсявлы вир.
Некор оз пемдывлы сiйө,	Пыр сiйө бырөдө Лөксө.
Югъялө, дзирдалө нэм.	Лөкыскөд вермасьö пыр.
Ветлөдлө му кузя сiйө,	Велөдө бур вылө йөзсө,
Быдлаын эм сылы мог.	Бөрдысьлысь пальөдө шог...
Ветлөдлө, шойччөг оз	Дзирдалө, шондiысь югыд,
төдлы,	Му вылын Бур оланног!
Ним сылы — Бур оланног.	

## ТУЛЫС

Аддзө югыд шондi:	Юяс ваөн тыри,
Кыммөны бур йөз.	Гымалө нин гым.
Ёна сотны пондiс,	Надзөникөн киссьö
Оз ков сылы пес.	Муяс вылын зэр.
Төвся көдзыд быри,	Сулалө да мысьсö
Сылис еджыд лым,	Зэрнас пемыд вөр.

## ТУВСОВ ЛУНӨ

Тувсов лун лои кузь.	Мунам водзө, бур пи.
Локтө дзодзөг да юсь.	Воам видз вылө ми.
Абу му вылын лым.	Сэни турун оз узь,
Көнкө гымыштiс гым...	Быдмө, лэптысьö кузь.
Мунам ветлыштам ми	Вежмө пасьтала видз,
Пемыд вөрын, бур пи.	Быттьö сералө сiдз,
Они югдөма вөр,	Мича дзоридзөн тыр
Сiйөс мысьсөдiс зэр.	Турун копрасьö пыр...
Сэсся кывзыштам вай,	Дыр на гуляйтам ми
Кыдзи сьылө быд кай:	Тувсов лунө, бур пи.
Сылысь кайяслөн дыр	Тайө гуляйтан лун
Гажа сьылөм оз быр...	Во чөж миян оз вун!

## ӨТЧЫД ГОЖӨМ ОВЛӨ

Во пиас, бур вокъяс,  
Өтчыл гожөм овлө.  
Өтчыл миян муыс  
Гожся паськөм новлө.  
Өтчыл турун быдмө,  
Арладорыс кулө,  
Дзоридз сылөн косьмө,  
Копыртчөма улө...

Томдырся бур олөм —  
Мортлы сэтшөм гожөм:  
Туша сэки веськыд,  
Быттьө мича пожөм,  
Кияс, кокъяс ёнөсь,  
Сьөлөм öйө-пуө.  
«Нинөмысь ог повзьи!»—  
Мортыс сэки шуө...

Помасьөма гожөм —  
Пөрысьмөма мортыс,  
Гуляйтны оз петав,  
Муса сылы гортыс,  
Вежыньтчөма туша,  
Вирө көдзыд пырө,  
Сьөлөм оз нин öйы,  
Эбөс ставыс бырө...

Өтчыл, муса вокъяс,  
Том пөраыс волө,  
Том пөрасө бура  
Колльөдлыны колө.  
Том дырйи кө кутам  
Лөсьыдджыка овны,  
Сэки огө пондөй  
Пөрысьмөмысь повны!

## ВОГӨГӨРСЯ ОЛӨМ

### 1. ТУЛЫС

Заводитіс шонді  
Төвлысь вежны лад,  
Яра сотны пондіс,  
Воис тувсов кад.

Көдзыд лун-вой быри,  
Сыліс еджыд лым,  
Юыс ваён тыри,  
Гымалө нин гым.

Надзөникөн киссьө  
Муяс вылө зэр.

Сулалө да мысьсө  
Зэрнас пемыд вөр.

Нимкодьясьө сэтөн  
Небыд коръя кыз.

Мича турун петө,  
Вежөдөма видз.

Мөдлапөлын кылө  
Утка, дзодзөг, юсь.  
Колипкай нин сьылө,  
Колипкай оз узь.

Зіля гөрө, көдзө  
Муяссө колхоз.

Трактор вылө пөчө  
Дзоргө шензигмоз.

Челядь котыр ворсө,  
Котралө лунтыр.  
Тувсов гажа горсө  
Кылан сәні дыр.

### 2. ГОЖӨМ

Вылө шонді кайө,  
Ерө йөзлысь син.

Жарыс сылөн вайө  
Мулы ыджыд вын.

Быдмө, йывмө йöрын  
Картупель да лук.  
Няньыс зэрöм бöрын  
Лэптысьöма сук.

Вöччöмаöсь пуяс,  
Паськөм налөн веж.  
Ляпкалöны юяс,  
Содö лыа бöж.

Видзяс вылын пуö  
Уджыс лун и вой.  
Ытшкысь, куртысь жуö,  
Вына налөн сой.

Мича турун вöчö  
Отувтчöм бур йöз,  
Зорöдьясö тэчö —  
Пöтас вöв да мöс.

Вöрын уна вотöс:  
Мырпом, пув да чöд.  
Шондi найöс сотö,  
Кисьмыштасны мед.

Няньыс быдмө, кайö,  
Сьöктö сьлөн юр.  
Гожöм мортлы вайö  
Уна пöлöс бур.

### 3. AP

Шондi мыйкö дышмис,  
Чинтiс ассьыд öд.  
Гожся моз оз ышмы,  
Ыджыд жар оз сет.

Рудов кымöр чукöр  
Панлö ськөд вен.  
Шондiлөн гөрд югөр  
Вошлывлö нин сэн.

Мукöддырйи зэрö,  
Мукöддырйи — пуж,  
Видзöдлан кö йөрö,  
Градьясыд нин куш.

Колхозса бур войтыр  
Идралö выль нянь.

Тöждысян кö войдөр,  
Олөм лоас шань.

Рыныш дорын кылö  
Гора вартан шы.  
Лэптысьöма вылö  
Арся уджлөн гы.

Вартөм бöрын позьö  
Кыйны сьöла-ур,  
Зверкөд пырны косьö,  
Пищальыс кö бур.

Луныс көть и чинö,  
Няйтыс көть оз быр.  
Жугыльтчыныд нинöм,  
Йёртöдыд кö тыр.

### 4. ТÖВ

Югыд шондi тöдö:  
Эштiс арся удж.  
Зэв нин сёрөн петö,  
Ветлö öти сутш.

Лэптысьö и лэччö,  
Кусö пырысь-пыр,  
Аски дыша чеччö,  
Узьö вывтi дыр.

Луныс быри, воши,  
Помтöм лои вой.

Локтiс еджыд тоша  
Кöдзыд, би кодь збой.

Дорис юяс, шорьяс,  
Вöчис йиа пос,  
Чирсiс пулысь корьяс,  
Лои гөгөр кос.

Потшöс пöлөн тола  
Пукталö тöv ныр.  
Шоньд сиктса школа  
Велöдчысьөн тыр.

Көдзыдысь оз повзы  
Ыж ку пая морт.  
Керкаын оз овсы,  
Дзескыд сылы горт.

Вөрө сійө муно  
Лэдзы шпал да кер.  
Төвся уджыс уна,  
Сөмын зіля вөр.

## МЕДСЯ ИЧӨТ ЗВЕРЬ

«Сьөкыд менам олөм,—  
Шуис өтчыд көч.—  
Некод меным бурсө,  
Коньөрлы, оз вөч.

Ручыс менө сөйө,  
Кыйө менө морт.

Ог ме весиг төдлы  
Ассым шоныд горт.

Вөрьясын ме, коньөр,  
Медся ичөт зверь.

Меысь, позьө шуны,  
Ичөтыс оз төр.

Татшөм сьөкыд олөм  
Абу выя нянь.

Муна ваө пыра,  
Мучитчыныд шань!»

Синва көчлөн киссьө,  
Мөвпыс абу бур.

Муно сійө ваө  
Сюйны ассыс юр.

Кыркөтш дорас сэки  
Пукалөма шыр.

Повзис сійө көчысь,  
Пышйис пырысь-пыр.

Шырлысь пышйөм аддзис  
Көчлөн гөгрөс син,

Долыд лои көчлы,  
Соді сылөн вын.

«Эм на тай со,— шуө,—  
Меысь ичөт зверь.

Позьө на мем овны,  
Бергөдча ме бөр!»

Косьмис көчлөн синва.  
Ваө көч оз пыр:

Медся ичөт зверьд  
Вөлөма тай шыр.

## ОЛІС-ВЫЛІС ВӨРЫН...

Оліс-выліс вөрын, оліс-выліс ягын,  
Эжва дорын удал зон.

Аттө дивө-дивө, аттө ыджыд дивө,  
Эжва дорын удал зон.

Усьяс сылөн лөсьыд, кудритчөма юрси,  
Ачыс вөлі збой да сюсь.

Аттө дивө-дивө, аттө ыджыд дивө,  
Ачыс вөлі збой да сюсь.

Уна ошкөс сійө лэчыд шыөн сутшкис,  
Уна кыйліс еджыд көр.

Аттө дивө-дивө, аттө ыджыд дивө,  
Уна кыйліс еджыд көр.

Ручыс сылы шедліс, урыс сылы  
сюрліс,

Кывзіс сійӧс сьӧла-тар.  
 Атӧ дивӧ-дивӧ, атӧ ыджыд дивӧ,  
 Кывзіс сійӧс сьӧла-тар.  
 Ӧтчыд сійӧ муніс мудер ручӧс кыйны —  
 Эз шед сылы мудер руч.  
 Атӧ дивӧ-дивӧ, атӧ ыджыд дивӧ,  
 Эз шед сылы мудер руч.  
 «Мый нӧ тайӧ лон? Кыйсьӧм эз удайтчы!»—  
 Шуӧ-шензьӧ удал зон.  
 Атӧ дивӧ-дивӧ, атӧ ыджыд дивӧ,  
 Шуӧ-шензьӧ удал зон.  
 Муртса тадзи шуис, аддзӧ: кыськӧ локтӧ  
 Паныд сылы тӧдтӧм ныв.  
 Атӧ дивӧ-дивӧ, атӧ ыджыд дивӧ,  
 Паныд сылы тӧдтӧм ныв.  
 Тӧдтӧм нылыс мича, тӧдтӧм нылыс авъя,  
 Абу жугыль, абу тшап.  
 Атӧ дивӧ-дивӧ, атӧ ыджыд дивӧ,  
 Абу жугыль, абу тшап.  
 «Кытчӧ, зонмӧ, ветлін? Висьтав, кодӧс кыян?  
 Мыйла нинӧмтор он вай?»  
 Атӧ дивӧ-дивӧ, атӧ ыджыд дивӧ,  
 «Мыйла нинӧмтор он вай?»  
 «Ветлі ручӧс кыйны,— зонмыс вочавидзӧ.—  
 Эз шед меным мудер руч».  
 Атӧ дивӧ-дивӧ, атӧ ыджыд дивӧ.  
 «Эз шед меным мудер руч».  
 «Коньӧрӧй тэ мортӧй, жалита ме тэнӧ:  
 Прӧста воши тэнад лун».  
 Атӧ дивӧ-дивӧ, атӧ ыджыд дивӧ.  
 «Прӧста воши тэнад лун».  
 «Эг ме лунсӧ вошты,— нывлы зонмыс кайтӧ.—  
 Сюрин ӧні меным тэ!»  
 Атӧ дивӧ-дивӧ, атӧ ыджыд дивӧ.  
 «Сюрин ӧні меным тэ!»  
 Руч пыдди ме тэнӧ, мича нылӧй, кыя.  
 Радейт менӧ, мича ныв».  
 Атӧ дивӧ-дивӧ, атӧ ыджыд дивӧ.  
 «Радейт менӧ, мича ныв».  
 Нылыс оз и повззы, нылыс оз и пыксыс,  
 Муса сылы кыйсьысь морт.  
 Атӧ дивӧ-дивӧ, атӧ ыджыд дивӧ,  
 Муса сылы кыйсьысь морт.

Окасны ёна нылыс удал зонкӧд.  
 Гортӧ локтис удал зон.  
 Аттӧ дивӧ-дивӧ, аттӧ ыджыд дивӧ,  
 Гортӧ локтис удал зон.  
 Руч пыддыс кыйис, руч пыддыс вайис  
 Аслыс муса мича ныв.  
 Аттӧ дивӧ-дивӧ, аттӧ ыджыд дивӧ,  
 Аслыс муса мича ныв.

## ТУЙ КУЗЯ МЕ МУНА

Туй кузя ме муна  
 Кӧлӧкӧла вӧлӧн.  
 Кӧлӧкӧлыс сьылӧ,  
 Оз и тупкыв вом.  
 Вӧрыс вывті уна  
 Югыд Эжва пӧлӧн,  
 Видзӧдан кӧ ылӧ —  
 Абу сылы пом!

Кыпӧдчӧны сәні  
 Коз да шыльыд пожӧм.  
 Быдмӧ накӧд сора  
 Небыд ема ныв.  
 Пемыд вӧрсӧ ӧні  
 Ловзьӧдӧма гожӧм.  
 Кылӧ сәні нора  
 Тӧвлӧн сьыланкыв...

Керӧс вылысь лэчча,  
 Эжва дорӧд муна.  
 Вӧрыс шочмӧ, югдӧ,  
 Воссӧ паскыд видз.  
 Чукӧртчӧма сэтчӧ  
 Коми войтыр уна.  
 Быдӧн турун пуктӧ  
 Гажапырысь сідз.

Коса ытшкӧ-ворсӧ,  
 Куран зіля куртӧ.  
 Шойччӧг оз и тӧдлы  
 Ытшкысь-куртысь йӧз.  
 Кодкӧ, кылӧ, горзӧ:  
 «Ваяв татчӧ юртӧ!  
 Тэрыбджыка ветлы!  
 Дзик жӧ нин тэ мӧс!»

Мунан туйыс кежӧ  
 Бара пемыд вӧрӧ.  
 Зумыштчӧма, шувгӧ,  
 Оз и ланьтлы вӧр.  
 Вынсӧ сійӧ чӧжӧ,  
 Быдман уджсӧ керӧ,  
 Скӧрмылас кӧ, увгӧ,  
 Ку пытшкас оз тӧр.

Сувтӧдлӧма сәні  
 Пӧтка кыян лэчъяс.  
 Тар кӧ сэтчӧ шедлӧ,  
 Кыйсьысьлӧн оз вош.  
 Аттӧ, со тай кӧні  
 Чеччалӧны кӧчъяс!  
 Гашкӧ, матын ветлӧ,  
 Тапикасьӧ ош...

Водзӧ муна-муна  
 Кӧлӧкӧла вӧлӧн.  
 Пыр на локтӧ паныд,  
 Оз и бырлы вӧр.  
 Вӧрыс вывті уна  
 Югыд Эжва пӧлӧн.  
 Дыр на сійӧ тані  
 Чер улын оз пӧр.

Пуяс костын ыркыд,  
 Оз нин киссьы пӧсьыд,  
 Уналаын гора  
 Жургӧ парма ёль.  
 Нитш вывті оз пыркӧд,  
 Сьӧлӧмыдлы лӧсьыд,  
 Кӧлӧкӧлыс нора  
 Сьылӧ: зель-зель-зель.

## ЭЗЫСЬ ТӨЛЫСЯ ВОЙ

«Кутшөм шоньд да лөнь  
Эзысь төлыся вой!

Надзөн визувтө ю,  
Абу лунся кодь збой.

Юас видзөдчө вөр,  
Вөрас эм колипкай.  
Сылөн сьылөмыс мем  
Долыдлунсө оз вай.

Тэныд норася ме,  
Эзысь төлысь, бур вок:  
Муса ныв, зарни ныв  
Оз нин ме динө лок!

Сылы мөд бурлак морт  
Лоис дона да бур.  
Важ моз пукавны вой  
Сыкөд меным оз сюр.

Талун со кутшөм кыв  
Сийö горөдис мем:  
Мун пö син водзьсь тэ,  
Менам вьль мусук эм!

Ог ме висьтавны куж,  
Кыдзи лоöма сідз,  
Мыйла ачымөс ме  
Татшөм шогысь эг видз?

Вай тэ лөнь, колипкай,  
Гажапырысь эн сьыв!  
Долыд лун мем оз ло,  
Эз кө ло муса ныв!

Кывзы вылысянь тэ,  
Эзысь төлысь, бур вок:  
Оз нин му вывтi дыр  
Менам ветлөдлы кок.

Югьд ю дiнысь ме  
Ог нин бергөдчы бөр,

Менö, коньөрөс, босьт,  
Югьд ю, сьөлөмшөр!»

Сувтис кыр вылө зон,  
Ваыс гудыр да сьөд.  
Татчө пыран кө, дерт,  
Сэссия бөр он нин пет.

Көть и олөмыс лөк,  
Вөйөм абу жө бур.  
Дыркодь сулалис зон,  
Сэссия гыжйыштитис юр.

«Татшөм смерть вылө ме  
Эг на, буракө, чуж.  
Да и джуджыдкодь тан —  
Ог ме вартчыныд куж.

Коркө ковмас кө смерть,  
Кула ме мукөд ног.  
Ловйөн муна ме тась,  
Гашкө, палялас шог.

Кувны ныв вөсна мем,  
Удал зонлы, оз туй.  
Пемыд кыркөтшө ме  
Бурөн юрөс ог суй!»

Гортө мөдөдчис зон,  
Гудыр ваө эз пыр.  
Эзысь төлысь, бур вок,  
Туйсө югдөдис пыр.

Надзөн визувтис ю,  
Юас видзөдчис вөр,  
Дзольгис сэн колипкай,  
Вөрлысь гажөдис сер.

Тайö дзольгөмыс зэв  
Вөли мича да збой:  
Кутшөм шоньд да лөнь  
Эзысь төлыся вой!

## МЫЙЛА НӨ, ШОНДИЙ, ВӨР САЙӨ ЛЭЧЧӨМЫД...

Мыйла нө, шондiй, вөр сайö лэччөмыд,  
Му вылө ыстин сьөд вой?  
Мыйла нө, мича ныв, омөля вөччөмыд,  
Абу нин важ кодь тэ збой?

Тэнö ме öтикöс радейтлі, окавлі,  
Некор эг шулы лёк кыв,  
Кырныш моз, варыш моз тэнö эг кокавлы,  
Тöдан тэ сійöс, бур ныв!

Нинöмла, мусаöй, сьöлöмтö повзьöдны,  
Шогсьыны, бöрдны быд лун.  
Сьöлöмыд кулас кö, сьöкыд нин ловзьöдны,  
Олöмыд водзö оз мун.

Мича шöвк платьöтö öдйöджык пасьтавлы,  
Синватö чышкы дзык пыр.  
Мый öнi вöлöма — мöдысь эн казътывлы,  
Пузьöдлы ассьыд том вир.

Кутам ми сьылігтыр му вывтi ветлыны,  
Шогыд кö тэнад оз ло.  
Дугдам ми кымöра лунъяссö тöдлыны,  
Кöть сэсся олам сё во!

## РИМСКÖЙ ПАПА ШУИС ТШАПА

Римскöй папа  
Шуис тшапа:  
«Сöвет властьлы вöча пом!  
Аслам киöн  
Сота биöн,  
Сöмын коляс öти шом!  
Тадзсö керны —  
Биöн зэрны —  
Оз кö отсав меным ен,  
Войска öкта,  
Сэсся тшöкта  
Ставсö путкылявны сэн!  
Уна миян  
Буржуй пиян,  
Уна перна новлысь морт.  
Му выв страстьлы —  
Сöвет властьлы —  
Регыд вундыштам ми борд!»  
Тадзи горзic,  
Бинас ворсic  
Римын олысь папа Пий.  
Увгис збоя:  
«Ме пö сёя  
Эсэсэртö, кöть тэ мый!»

Шуис сылы,  
Кристос пилы,  
Сöвет увса вöльнöй йöз:  
«Кöть тэ скöрман,  
Сöмын верман  
Синтöм гутлы кыны вез.  
Эсэсэрын  
Октябрь бöрын  
Этша коли синтöм гут.  
Кывзы, папа,  
Тэнад лапа  
Синма войтырöс оз кут!  
Тэысь повны,  
Ен ног овны  
Важöн вунöдiм нин ми.  
Тэнад Римыд,  
Сэсянь гымыд  
Некор миянöс оз ви!  
Дзöбрныд дугды,  
Пурттö пукты,  
Пиньтö весьшöрö эн йир.  
Сöвет властьыд —  
Тэнад страстьыд —  
Миян му вылысь оз быр!

Эгö тешöн  
Нель во чöжөн  
Тыртим ми вит вося план.  
Регыд рамман,  
Ланьтыд сямман,  
Война öзтысь Ватикан!

Регыд потас,  
Няйтö водас  
Капиталлөн енэж выв,  
Тэныд, папа,  
Зарни шляпа,  
Татшöм мян воча кыв!»

## ПРАЗДНИК УДЖАЛЫСЬ МОРТЛÖН

Воис кöдзыд төв  
Еджыд паськöма.  
Сандрö Петырлөн  
Уджъяс эштöма:  
Няныс вартöма,  
Бура изöма,  
Джуджыд йöртöдö  
Ставсö кисьтöма.  
Сьөлöм гажмöма  
Сандрö Петырлөн:  
«Öнi позьö пö  
Праздник вöчыштны!»  
Тшöктö гöтырлы  
Сийö öдйöджык  
Керка мыськавны,  
Гөгөр пелькöдны.  
Тшöктö унатор  
Пуны-пöжавны,  
Чöскыд сёянъяс  
Тшöктö лөсьöдны.  
Сылөн гöтырыс  
Керка мыськалис,  
Быдтор лөсьöдис,  
Пуис-пöжалис.  
Ыстö-мөдөдö  
Сандрö Петырыс  
Муса гөстьясöс  
Корны-чукöртны.  
Гөстьяс локтöны  
Корадодьясөн.  
Гажа керкаö  
Ставныс пырöны.  
Сандрö Петырыс  
Найöс ыдждöдлө,

Мелi кывъяссö  
Налы шуалö:  
«Локтöй, пуксялöй,  
Муса гөстьясöй!  
Мый ме лөсьöдi —  
Энö дивитöй!  
Танi ставным ми  
Гöрысь-кöдзысьяс,  
Сиктса олысьяс,  
Бур колхозникъяс.  
Öнi уджъясным  
Мян эштöма.  
Позьö мянлы  
Праздник вöчыштны!»  
Гөстьяс ыдждавны  
Оз и кöсийны,  
Пызан гөгöрыс  
Ставныс пуксьöны.  
Найö сёйöны,  
Оз и увгыны,  
Оз и кодавны.  
Увгöм-кодалöм  
Бөрö кольöма,  
Курыд винатöг  
Йöзыс шаньмöма.  
Сандрö Петырыс  
Муса гөстьяскөд  
Унатор йылысь:  
Сёрни панöма  
Кыдзи гöрысьлөн  
Уджъяс мунöны,  
Кыдзи нянъясыс  
Бура воöны.

Қызди вöляыс  
Йöзлы петöма.  
Қызди вöлясö  
Колö паськöдны...  
Гöстьяс сөйöны,  
Гöстьяс юöны,

Праздник вöчысьöс  
Ёна ошкöны.  
Сандрö Петырлөн  
Сьöлөм бурмөма:  
Қурыд винатөг  
Праздник артмөма!

## МЕ КÖ ЭСЬКÖ ВЕРМИ

Ме кö эськö верми  
Пөткаяс моз лэбны,  
Позйö ассьым юрöс  
Эг кут эськö дзебны.  
Ме кö эськö верми  
Колипкай моз сьывны,  
Вöрын менам гөлöс  
Дугдiс эськö кывны.  
Гажöдчöм да дзольгöм  
Менам эськö вунi.  
Öдйö эськö вöрсьыс  
Мöдлаö ме мунi.  
Мунi эськö сэтчö,  
Қытчö сьöлөм нуö,  
Кöни буржуй чукөр  
Гöльлысь вирсö юö.  
Кöни югыд лунсö  
Уджалысь оз тöдлы  
Кöни сийö збоя  
Миян моз оз ветлы.  
Мунi эськö, лэби,  
Пөткаöн кö лои.  
Регыд эськö тадзи  
Öти карö вои.  
Карас уна озыр,  
Уна лөк сьöд кырныш.  
Буржуй муын найö  
Öнiöдз эз бырны.  
Қар шöрас зэв ыджыд  
Тюрьма джуджыд стена.  
Вир юысь жандармьяс  
Видзысьясыс сэнi.  
Сюялөма сэтчö  
Йöзсö тюрьма тырыс.

Мукöдöс ме аддза  
Векни öшинь пырыс.  
Пукалысьыс ставыс  
Уджалысь да гöрысь.  
Некод сэнi абу  
Мортлы лөктор керысь.  
Му да вöля вöсна  
Тышкасисны найö.  
Сы понда и быдөн  
Сюри иган сайö.  
Дорөм йöзлөн сьöлөм  
Қурыд шогөн тырö.  
Пемыдинö шоча  
Шондi югөр пырö.  
Сөян-юан этша,  
Пукаланiн дзескыд.  
Буржуй кипод улын  
Овны абу чöскыд...  
Пөтка тэрыб бордйөн  
Эг ме эськö дзугсьы,  
Тюрьма öшинь водзас  
Вылö эськö пукси.  
Колипкай моз гора  
Пондi эськö сьывны,  
Мед эськö став тюрьма  
Вермис менö кывны.  
Сьыли эськö тадзи:  
«Вокьяс, энö полö.  
Вой шөр бöрад пыр на  
Гажа асыв волö.  
Қыпöдчас кö тулыс,  
Кöдзыд тöлыс бырö.  
Öтутвчас кö гöльыс,  
Озырьясöс нырö.

Тыдало нин матын  
Кырнышъяслон помыс.  
Миян муын налы  
Тупкөма нин вомыс.

Оз нин югид луныс  
Гудыртчывлы миян.  
Онө кө ті повзёй,  
Сідз жө лоас тиян.

Жугөдласны көртсө  
Дорөм кияс-кокъяс.  
Тюрьма өдзөс воссяс  
Тиянлы, бур вокъяс.

Пукаломыд тани  
Регыд сэсся вунас.  
Татшөм сьёкыд олөм  
Ставнас му пыр мунас.

Нартитысь лёк котыр  
Ачыс сюрас рельё.  
Мырсьысь-тільсьыс йөзлы  
Локтө зарни вөля!

Тайө вөля некор  
Оз нин сэсся бырлы.

Озыр кипод улө  
Уджалысь оз пырлы.

Пролетариатлөн  
Выныс быдмө, содө.  
Капиталлөн кокыс  
Чорыда нин чотө.

Виччысьыштөй, вокъяс,  
Мый ме шуа — лоас:  
Муса зарни вөля  
Тиян динө воас!»

Тадзи эськө сьылі  
Тюрьма водзас сэні,  
Миян дорөм вокъяс  
Пукалоны көні.

Менам сьылөм налы  
Збойлун эськө сетіс,  
Долыдысла налөн  
Синва эськө петіс,—

Сэтшөм синва, коді  
Сьөлөмөс оз орөд,  
Коді лютөй врагкөд  
Тышкасьөмө корө.

## ШОНДИА ЛУН

Визувтө паськыда, лөня  
Югьялігтыр Эжва ю.

Бытьёкө выль эзысь вөня  
Пармаса войтырлөн му.

Шондйыс сы весьтын ворсө,  
Нюмъялө, ёна оз сот.

Ю кузя ветлө да горзө  
Вель уна юсь-пароход.

Ва шөрти гөрд рөма флагөн  
Кывтө пур бөрся пур.

Лэдзөма кер коми ягын  
Рөднөй страналы зэв бур.

Ю пөлөн — муяс да видзьяс.  
Налөн көзяин — колхоз.

Вадорын юргөны сиктьяс,  
Отувйөн уджалігмоз.

Гымалө поездлөн мунөм.  
Кылө заводлөн гудок.

Быдторсö аддзан сэн уна,  
Сöмын он аддзывлы шог.

Видзöдö Эжва да шуö:  
«Со кöни олöмлөн мич!

Шуд коми войтырлөн туö,  
Тулысын тула ме кыз!

Дзоргы кöть ылö, кöть матö,  
Вывлань кöть увлань тэ мун,

Быдлаын выль миян кадö  
Куслытöм шонди лун!»

## КОМИ ВÖР ШУВГÖ

Лыдтöм во чöж сулаліс да шувгис

Небыд шыөн пöрысь коми вөр,

Лэчыд төвкөд яра вензис, увгис,

Скөрмылігас ку пыткас оз төр.

Уна эмбур видзис сійö муас,

Ас улас, мед ловъя морт оз тöд.

Мукöддырйи шувган шынас шуас:

«Озырлунöс некодлы ог сет!»

Тадзи вöвлі коркö важөн-важөн.

Му пыр муніс важся шуштöм кад.

Коми вöрыс тырис югыд гажөн,

Лоис быттö дзоридзалан сад.

Сöветса сюсь войтыр коми вөрö

Воис корсьны муысь озырлун.

Смела, збоя пырис парма шөрö,

Кызди мойдын ыджыд вына тун.

Озырлунсö перйигөн сэн вöлі

Сьöкылдункөд чорыд-чорыд кось.

Коми вөрлөн шувгöм вöлі мелі:

«Муса войтыр, лок да ставсö босьт!»

Ми и босьтам, ми и перьям сэтысь

Нефть да ылі войвывса из шом.

Миян муным лышкыд, быдтор сетысь,

Миян озырлунлы абу пом.

Эжва юсянь Печоралань мунö

Поезд бöрся поезд лун и вой.

Йитчасны көрт туйгөн гажа лунö

Эжва ю да Печора, кык чой.

Видзöдö көрт туй вылö да шуö

Шензигтырйи пöрысь коми вөр:

«Зэв чудеснõй олõм Сõвет муын,  
Вежсис весиг мян парма шõр.  
Кытi сõмын шõйтiсны лёк зверьяс,  
Паравозьяс грымõдõны сэт.  
Быдтор вõчас, артмõдас да перьяс  
Большеви́стскõй водзмõстчõм да õд».

## ГОРД АРМИЯО МУНОМ

Горд армияо муно  
Кызь арõса том морт,  
Прõшайтчысь локтис уна —  
Дзик тыри сылõн горт.

Мам шуис: «Дона пиõй,  
Зэв ыджыд тэнад шуд!»  
Бать содтис: «Зумыд киõн  
Винтовкатõ тэ кут!»

Чой-комсомолка кайтис:

«Тэ комсомолец бур.  
Но ёнджыка, ме чайта,  
Сэн югдас тэнад юр!»

«Тшõтш тэкõд эськõ муни,—  
Ки лэптис дзоля вок:—  
Да толькõ ичõтлунõй,  
Со мыйысь меным шог!»

И муса ныв сэн шуис:

«Видз Сõвет мусõ тэ!  
Зэв югыд тэнад туйыд,  
Ог вунõд тэнõ ме!»

Став йõзлõн юргис-кылис:

«Куж служитны, бур пи!»  
А õти зон нин сьылис,  
Кыз врагõс нõйтлим ми.

И том морт вочавидзис:

«Сэн быдмас менам борд.  
Сэн индас, овныд кызди,  
Мем Ворошилов ёрт!»

## СТАЛИНГРАД

Волга дорын юрсӧ лэптис  
Сталинград крут берег вылын.  
Кутшӧм кыпид сылӧн баныс,  
Кутшӧм мича нимыс сылӧн!

Мыйла ӧшйис сэн сьӧд кымӧр?  
Мыйла пемдӧс Волга ваыс?  
Тайӧ сы вӧсна, мый воис  
Сэтчӧ Гитлерлӧн ордаыс.

Пансис грозной поединок  
Волга ю дорын кык вынлӧн —  
Дикӧй, вир юысь ордалӧн  
Да советской исполинлӧн.

Лун и вой оз лӧньлы битва,  
Оз и ланьтлы канонада.  
Зильӧ полчище фашистской  
Овладейтны Сталинградӧн.

Гымалӧны лыдтӧм пушка,  
Миномётъяс, пулемётъяс,  
Помся шыблалӧны бомба  
Гитлеровской самолётъяс.

Вывсянь, увсянь биыс резӧ,  
Уна керка киссьӧ карас.  
Равзигтырйи людоедъяс  
Штурмӧн уськӧдчисны яра.

Славной кар оз сетчы враглы.  
Красной флаг пыр шпоргӧ вылын.  
Повтӧм сьӧлӧма да ёнӧсь  
Храбрӧй дорйысьясыс сылӧн.

Дзонь квайт тӧлысь бойлӧн гымыс  
Сыркӧдис карбердса мусӧ,  
Биӧн, тшынӧн сийӧс вевтгис,  
Гызьӧдліс и Волга юсӧ.

Ыджыд доблесть да геройство  
Петкӧдліс боец советской.  
Воштіс водзӧ мунан ӧдсӧ  
Рӧзбой чукӧр людоедской.

Мыйла морӧс вылӧ ӧшйис  
Паулюслӧн пӧрысь юрыс?  
Нинӧм чайттӧг став орданас  
Стальной кытшӧ сийӧ сюрис.

Чирсіс зверёс красной воин,  
Уна дас сюрс босьтис пленё.  
Мездіс карёс — и Берлинлань  
Мөдіс чорыд наступление.

Слава тэныд, кар великой,  
Сталинград непобедимой!  
Слава тэныд, слава, слава,  
Красной Армия родимой!

## МЕД ДЗИРДАЛАС ШОНДИ

Мед дзирдалас шонди!  
Мед югьялас луныс!  
Мед дзоридзён тырас  
Да нюмьялас му!  
Мед шондилань быдён  
Пыр восьлалас, мунас!  
Мед шондиа туйсё  
Оз вевттыв съод ру!

Ми уджалысь войтыр,  
Зэв кыпыда олам.  
Ми жугыля некор  
Ог ёшөдлөй ныр.  
Көть кытчө ми мунам,  
Москваө көть волам,  
Збой котырөн повтөг  
Ми ветлөдлам пыр.

Ас муын, ас гортын  
Ми шудаёсь ставным.  
Лёк гөльлунлысь важён  
Ми косялім вез!  
Выль олөм ми тэчам  
Кыдз велөдө Ленин,  
Кыдз вөчас ас кадын  
Став муывса йёз.

Ми уджалам зіля  
И удж вылын сьылам.  
Кор долыда овсьө,  
Сэк кызди он сьыв!  
Быд карын, быд сиктын,  
Быд пельёсын кылө  
Том войтырлөн ворсөм  
Да збой сьыланкыв.

Лёк врагысь ми видзам  
Рөдимой странаёс.  
Советской быд сьөлөм  
Отвагаөн тыр.  
Ми жугөдім, вөтлім  
Фашистской ордаяс.  
Европалы вайим  
Свобода и мир.

Мед дзирдалас шонди!  
Мед югьялас луныс!  
Мед дзоридзён тырас  
Да нюмьялас му!  
Мед шондилань быдён  
Пыр восьлалас-мунас!  
Мед шондиа туйсё  
Оз вевттыв съод ру!

## ГЕРОЙЛӨН ГОРТӨ ВОӨМ

Помасис медбөрья бой.  
Гымалө победа.  
Славной воин, том герой,  
Полкысь гортө мөдө.

Тышьяс дырйи сийө пыр  
Вөлі повтөм мортөн.  
Морёс вылас, дзирдөн тыр,  
Кык медаль да орден.

Со и паськыд Коми му  
Син водзас нин сълӧн.  
Лӧня шлывгӧ Эжва ю,  
Вӧрлӧн шыыс кылӧ.

Со и рӧднӧй сиктыс, со!  
Том геройлы долыд.  
Аслас гортӧ куим во  
Сійӧ ӧд эз волы.

Кутлӧ сійӧс пӧрысь бать,  
Мам да дедӧ Петыр.  
Кутлӧ, радлӧ сы ни садь  
Даша — муса гӧтыр.

Шуис батыс: «Венід ті  
Лютӧй супостатӧс.  
Чолӧмалам тӧнӧ ми —  
Сӧветскӧй салдатӧс!

Тані ми, колхознӧй мир,  
Вермӧмӧн жӧ петім.  
Краснӧй Армиялы пыр  
Ыджыд отсӧг сетім!»

Воча шуис том герой:  
«Та йылысь ме тӧда.  
Став народкӧд лун и вой  
Дорим ми победа.

Онӧ бара мирнӧй труд  
Сӧвет муын пуӧ.  
Онӧ бара миян шуд  
Тувсов ва моз туӧ!»

Том геройлы долыд зӧв,  
Рӧднӧй гортын гажа.  
Сійӧс окалӧ сӧ пӧв  
Муса гӧтыр Даша.

## КЫВТӧ ВӦР

Гожся шонді улын лӧня  
Увлань шлывгӧ Эжва ю.  
Юас видзӧдчӧны сиктьяс,  
Веж колхознӧй видз и му.

Эжва кузя молльӧн кывтӧ  
Уна, уна мича кер.  
Сійӧс мӧдӧдӧ страналы  
Миян томмӧм коми вӧр.

Лун и вой пыр водзӧ мунӧ  
Вӧля вылӧ лӧдзӧм моль.  
Куръя вомъясӧ оз сетсы,  
Лыа бӧжъясын оз коль.

Лӧчыд багыръяса войтыр  
Туйсӧ индӧ сылы пыр.  
Мудз оз тӧдны зильмӧм ӧртъяс,  
Кыпыдлунӧн сьӧлӧм тыр.

Лыблӧ налӧн гажа сьылӧм.  
Кывлӧ шмонитана кыв:  
«Ноко, ноко, зарни керйӧй,  
Лючкиджыка водзӧ кывт!»

Дона Рӧдиналы сетны  
Ассьыс вынсӧ быдӧн рад,

Мед пыр дзирдалас олѳм,  
Кыдзи тувсов кадѳ сад.

Налѳн уджыс ключѳн пуѳ  
Эжва кузя кывтїгчѳж.  
Зїля, зїля, дружнѳй войтыр,  
Вѳтлѳ, весалѳ моль бѳж.

## ТРАКТОРИСТ

Фронт вылын танкистѳн  
Бѳлі ме вель дыр.  
ѳні трактористѳн  
Уджала ме пыр.

Бура кывзїс менѳ  
Бойяс дырїи танк.  
Трактор сїдз жѳ ѳні  
Кывзѳ менѳ тан.

Муртса рульсѳ сылысь  
Босьтас менам ки.

Вѳрзям места вылысь  
Грымгигтырїи ми.

Тракторѳн ме гѳри  
Сѳ кызь гектар му.  
Быдмѳ колхоз йѳрын  
Зарни ид и сю.

Вундынысѳ сѳмын  
Воѳм няньсѳ куж.  
Вывтї муса меным  
Трактор вылын удж!

## КОЛХОЗНѳЙ СЫЛАНҚЫВ

Кутшѳм паськыд, кутшѳм мича  
Тѳ, колхознѳй муѳй!  
Кыдз тї лѳптысяд, шыльквидзад,  
Шобдїѳй да сюѳй!

Вына тракторѳн ми тѳнѳ,  
Дона муѳй, гѳрим  
Да машинаѳн зѳв бура  
Радлїгтырїи кѳдзим.

Коркѳ мырсис ѳтка олысь  
Кашкигтырїи танї,  
Сѳмын шоча-шоча волїс  
Сылы пѳтмѳн няньыс.

А со ѳні идїыс, сюыс  
Кыдзи быдмѳ, кайѳ,  
Кыдз колхознѳй паськыд муыс  
Урожайсѳ вайѳ!

Миян быдтор бура чужѳ,  
Видзѳдлы кѳть кытчѳ.

Миян дружной удж да кужом  
Ота-модкөд йитчө.

Быдты няньсө уна, уна,  
Миян зарни муёй,  
Мед колхозной озырлуныс  
Тувсов ва моз туө!

## ЛЕНИНГРАДЛЫ ВОЧА КЫВ

### *Сыланкыв*

«Нель во чөжөн пятилетка  
Тыртам!»— шуис Ленинград.  
Славной карыс абу өтка,  
Сы ног вочны быдөн рад.

Тайө миян сыланкыв —  
Ленинградлы воча кыв.

«Тыртам, тыртам!— шуө збоя  
Бодрой войвывса шахтёр.—  
Из шом перьям вына соён,  
Некор миян план оз ор».

Тайө миян сыланкыв —  
Ленинградлы воча кыв.

«Тыртам, тыртам!— клятва сетө  
Ухта вывса нефтяник.—  
Вочам сідз, мед миян петө  
Өти норма пыдди кык».

Тайө миян сыланкыв —  
Ленинградлы воча кыв.

«Тыртам, тыртам!— вөрын кылө.  
Вөр лэдзысылөн пила-чер.—  
Мөдөдам выль стройка вылө  
Милльон лыдөн мича кер».

Тайө миян сыланкыв —  
Ленинградлы воча кыв.

Шуда йөзлөн уджыс пуө,  
Мудз оз төдлысылөн ки.  
Пятилетка Коми муын  
Нель во чөжөн тыртам ми!

Тайө миян сыланкыв —  
Ленинградлы воча кыв.

## МИЯН ҚОЛХОЗЫН

Во чөж колхозаным миян  
Юралө кыпыд удж гор,  
Арсяныс му вылө сійө  
Петкөдө куйөд да торф.  
Эбөслун сүйөны муө,  
Тонна лыд кытчөдз оз тыр.  
Зіль йөзлөн уджыс тан пуө,  
Зіль йөзлөн выныс оз быр!

Бур инвентарьяс ми вөчам,  
Дасьтысям-керам быд лун,  
Мөдысь мед гөриг да көдзиг  
Весьшөрө кадыс эз мун.  
«Быдтор ми лөсьодам»,— шуө,  
Нюмъялө том бригадир.  
Зіль йөзлөн уджыс пыр пуө,  
Зіль йөзлөн выныс оз быр!

Матыстчис шондіа тулыс,  
Ставыс сэк ловзис өтдруг.  
Тырмө колхозной став мулы  
Көйдыс, и трактор, и плуг.  
Пөрысь и том сәні жуө,  
Уджалө, гөрө лунтыр,  
Зіль йөзлөн уджыс тан пуө,  
Зіль йөзлөн выныс оз быр!

Гожөмын нянь быдмө бура.  
Видз вылын воссис выль удж:  
Ытшкөны, куртөны турун,  
Лунтыр оз пуксьывны сутш.  
Ёрт шуө ёртыслы: «Суөд!  
Ытшкам вай ордйысигтыр».  
Зіль йөзлөн уджыс пыр пуө,  
Зіль йөзлөн выныс оз быр!

Арланьыс босьтчисны ставөн  
Му вылысь идравны нянь.  
Бур урожай воис таво.  
Муркөдчө сәні комбайн.  
Озырлун содө да туө,  
Няньөн колхозной склад тыр.  
Зіль йөзлөн уджыс пыр пуө,  
Зіль йөзлөн выныс оз быр!

## ПЕРВОМАЙСКОЙ

Тувсов шонді дзирдсö койö,  
Югыз сьлөн чужöмбан.  
Тулыс восьлалö зэв збоя  
Сьылігтырйи сэн и тан.

Ваыс туö ёна, ёна,  
Ойдіс ставнас Эжва сай.  
Олан-вылан, миян дона,  
Миян зарни Первомай!

Сиам став Сöветскöй мулы  
Водзö восьлалöм да шуд.  
Сиам, мед выль воём тулыс  
Öддзöдас колхознöй труд.

Мед жö тракторист оз мудзлы,  
Бура небзьöдас быд йөр.  
Сиам кылöдчысьлы — друглы  
Нуны местаöдз став вөр.

Нефтяниклы да шахтёрлы  
Выль победа сиам ми.  
Сиам, уджным мед оз орлы,  
Мед оз мудзлы миян ки.

Сиам муяс выльсь таво  
Босьтны озыр урожай.  
Биа чолём, честь и слава  
Тэныд, зарни Первомай!

## КОЛХОЗНÖЙ АСЫВ

Видзöд, кызди петö шонді,  
Кызди ворсö дзирдыс сьлөн,  
Кызди сійö кайны пондіс  
Зарни шор моз вөр пу йылöд.

Пемыд вөрлөн югдіс баныс,  
Нюмъялöны кызъяс, козъяс.  
Жаворонок сьылём паніс,  
Оз нин лöня пукав позъяс.

Сиктыс садьмис. Йöзыс жуö,  
Дыр оз узьны гожеся кадö!  
Мöс видзысь со вöтлö, нуö  
Лудланьö колхознöй стада.

Мөсьяс мөда-мөдсьыс бурөсь,  
Шыльыд мышкуаось, пөтөсь.  
Дерт, оз видзны кызисюрө  
Өтүв картаясын скөтөс.

Со звено колхозной мөди  
Тэрыб шагөн муяс вылө.  
Мича вежөдө том көдза,  
Төвру улын кышакылө.

«Колө весавны став ёгсө!—  
Тадзи сёрнитөны аньяс.—  
Могмөдам кө тайө могсө,  
Бура кыпөдчасны няньяс!»

Со конюшня дорын зия  
Доддялөны сизим вөлөс.  
Жөдзө сэни конюк Пиля,  
Кылө сылөн лэчюд гөлөс.

Вөла войтырлы мый керны,  
Рытсаян индөма нин стөча.  
Зэв на колө збоя вөрны,  
Көть и помалөма көдза.

Со и кузнеча нин воссис,  
Лөзов тшын нин сэтысь кайө.  
Кузнеч Митрей дорны босьтчис,  
Муса сылы уджыс тайө.

Сьökыд мөлөт камгө гора,  
Грымган шынас быттьө шуө:  
«Пыр ме дора, өдийө дора,  
Уджным мунө гажа шумөн!»

Со нель плөтник вына киөн  
Тшупөны вель ыджыд школа.  
Арся кадыс воас мыйөн,  
Сэни велөдны нин колө!

Эштас школа, восьтас өдзөс,  
Шуас: «Дона челядь, пырөй!—  
Аддзад, кутшөма ме вөччи!»  
Школа сэки гажөн тырас...

А со слесарь ывла вылын  
Кык косилка дзоньтө-керө,

Страдна кадыс абу ылын,  
Оз кө вештышт сійос зэрём.

Тошка дядьё вöчö куран,  
Лосьöдалö чöвтан вила.  
Быдөн олö югыд юрөн,  
Тöдö ассьыс ыджыд сила.

Шондi öзйö зарни биөн.  
Гөгөр радлö ловзьём муыс.  
Асывводзсянь гажа шыён  
Быд колхозын пуö уджыс.

### ВИДЗ ВЫЛЫН \*

Шондiыс дзирдалö, пöжö.  
Енэжыс пасьтала лöz.  
Идралö мичаён, вежөн  
Турунсö уджалысь йöz.

Видз вылын куртöны талун  
Зэв уна баба да ныв.  
Кыпыда удж мунö налөн,  
Лэбалö збой сьыланкыв.

Сьылöны нывъяс, кызд пуис  
Звермём фашистьяскөд бой;  
Кызд ёна лыйсьёмла муыс  
Тiралiс сэк лун и вой;

Кызд миян вын врагöс венiс,  
Кызд сдaiтчис миянлы враг;  
Кызд Берлин босьтiгөн сэнi  
Гордöя шпоргис гёрд флаг.

Юр весьтын чикыш кай чивгö,  
Вөр дорсянь кылыштö көк.  
Син водзын Эжва ю шлывгö,  
Эзысь моз югъялö век.

Челядь сэн купайтчö уна.  
Жарыс сэн найöс оз сот.  
Ю кузя котöртö, мунö  
Еджыд да збой пароход.

Мöд пароход гыпкö, ызгö  
Ва шöрсö поткөдiгмоз.

\* Сетöма дженьдöдöмөн.

Увланьö пур сійö кыскö  
Öтпырйөн дзонь куим гоз.

Кыліс гудок кустьяс сайын,  
Дыр сылөн шыыс эз лөнъ.  
Электростанция тайö  
Уджалö, буткөдчö сэн.

Мөдлапөв берегын кылö  
Тракторлөн уджалан гор.  
Шыалö кытөнкö ылын  
Автомобильнöй мотор.

«Со, зонмöй, олөмным миян!—  
Гоньгөдіс юр Павел дед.—  
Оз прöста шуны мем пьян:  
Гажнас пö тыр вöльнöй свет!

Кысь тайö босьтсис да чöжсис?  
Та мында вьльторйыс кысь?  
Кутшöма Коми му вежсис!  
Гижан кө, артмас бур висът...»

«Да, öнi мөд ногса олөм,—  
Төдчөдіс том бригадир.—  
Удж водзын абу нин полөм,  
Абу нин важ ытшкандыр.

Öнi со ытшкö машина,  
Муркөдö страднаса удж,  
Сöмын эн коль ытшканiнас  
Весавтөм бадь куст да вутш.

Көн өтка олысьлы бурсö  
Помасьтөм мырсьөм эз сет,  
Сэни колхоз лэптіс юрсö,  
Сэн быдөн озыр и пөт.

Көсйисны немецьяс торкны  
Миянлысь шудлун да труд,—  
Эз на тай чег миян бордным,  
Эз на тай быр миян шуд!»

Павел дед кайтіс: «Ми ставөн  
Фронтлы сэк отсасим тан.  
Сідзжö ми зильмөдчам таво  
Тыртны став удж кузя план!»

Бригадир нюммуни: «Дедö,  
Некор тэ уджысь он пов.  
Зильлунтö тэнсьыд ме тöда.  
Том на тай, буракö, лов».

«Олöмыд томмöдö öни,—  
Вашмуни дзор Павел дед.—  
Сизимдас арöс кöть меным,  
Ог на ме удж вылад пöд!»

Збыль, Павел дед вöли збой на,  
Мый кöть и юрсиыс дзор,  
Быдсяма удж пöрысь сойнас  
Муркöдис зiля кöть кор.

Юр весьтын гораа мöдис  
Жургыны аэроплан.  
Павеллөн долыда петiс:  
«Бур тэныд туй, шондiбан!»

«Сотчан яг кусöдны лэбзьö,—  
Чатöртис юр бригадир.—  
Вөр бныд öни оз дзевсьы,  
Аддзасны пырысьтöм-пыр.

Гашкö, и висьысьöс нуны  
Кытыськö кöсийö пилот.  
Смертьыслы сийöс не суны,  
Öддзöдлас кор самолёт!..

Ставсö кö сывйыштны синнад,  
Сьöлöмыд кызди оз пу!  
Тырöма техника выннад  
Пармаса войтырлөн му.

Сьöд пемыд вөр дзикöдз югдiс,  
Палялiс шувгысьлөн ун.  
Вөр пытшкысь, му пытшкысь чуктiс  
Шудлункöд тшöтш озырлун.

Керсö сё сюрсьясөн лэдзам,  
Перьям ми нефть да из шом;  
Кöрт туйяс водзö пыр вöчам,—  
Важ туйтöминьяслы пом!

Көн коркö ошъясысь повлiм,  
Öни сэн юргö завод.

Кыпыда, гажаа олө  
Пармаын коми народ.

Шондыс лолалө жарөн.  
Туруныс мича да кос.  
Куртöны, чөвтöны яра  
**Ас** костын ордйысигмоз.

Зиль йөзлөн шойччөмыс вунө.  
Некод оз пуксьывлы сутш.  
Гажаа, кыпыда мунө  
Видз вылын öтувъя удж.

## МИЯН ВÖРЫН

Шувгө, увгө гажа шыөн  
Миян паськыд коми вөр.  
Некор чөв оз овлы сылөн  
Гажа яг выв, парма шөр.

Ар и тулыс, төв и гожөм  
Сийө сулалө пыр веж.  
Сус пу, ньыв пу, коз и пожөм  
Мичаөсь во гөгөр чөж.

Парма пытшкын помся юргө  
Ыджыд уджлөн кыпыд гор.  
Электропилалөн жургөм  
Лунтыр кылө водз и сёр.

Дружнөй войтыр öтув вынөн  
Лэдзö Рөдиналы кер.  
Уджлысь öд оз торклы нинөм —  
Төвся лым ни арся зэр.

Вдохновеннөй трудөн тані  
Миян войтыр дорө шуд.  
Война öзтысьяслы паныд  
Тайө кыпыд мирнөй труд.

Шувгө, увгө гажа шыөн  
Миян вөрным вой и лун,  
Дона Рөдиналы сийө  
Сетö ассьыс озырлун.

## Басняяс

### КОЛХОЗНИК МИТРОПАН

Колхозо пырис Митрöпан  
Да омоль сёрнияс эз пан.  
Пыр долис: «Ладсö оз ков дзугны  
Да сёянторсö бура колö юкны,  
Мед быдөн лоас пöт  
Дай тшыгъялём оз төд!»  
Прöдукта сеталигөн горзис сийö яра:  
«Мем колö нянь, мем колö сов,  
Мед пöтас менам лов!  
Тi, гашкö, ладсö дзугны кöсьяд бара?  
Тадз, ёртъяс, уджавны оз позь.  
Ме ачым ёсь  
Дай лэпта дзугысьяскөд кось!»  
Му гөрём-көдзём водзын заводитис зiля  
Колхозса войтыр пöвстын жöдзны Митрöпан:  
«Тэ кылан, Ваньö, кылан, Пиля,  
Ми кыксё прöчент вылö тыртам көдза план!  
Соцордйысьём ми муяс вылас восьтам  
Да ладсö лöсьöдам, мед пузяс миян вир.  
Ударной норма серти сёянторсö босьтам  
Дай петам гөрны пырысь-пыр!»  
Ударной норма складысь гортö вайис  
Дай шуис шпыннiлiгтыр виль ударник-дядь:  
«Ме код юра кöть садь  
Пыр ошка тэнö, колхоз-бать!»  
Тадз шуём бöрын пöлать вылö кайис  
Да куйлис дас кык лун,  
Му гөрны эз и мун.

Кык төлысь мысти сиктса йӧзлы воис  
Зэв тэрмасына турун пуктан кад.  
Ударной норма Митропан дядь сёйис  
Дай бара кутіс корсьны ассьыс лад.

Колхоз правленьёеьсь оз петав,  
Пыр тоньгӧ юралысьлы: «Кывзы менӧ, зон,  
Тэ войдӧр няньтӧ унджык сетава,  
Мед ми вок уджалысьыд лоас збой да ён.  
Тэ ачюд, дона ёртӧй, тӧдан:  
Тшыг вӧлыд сёйӧдтӧг оз гӧр  
Дай корӧ бурджык зӧр.

А вӧлыдлы кӧ зӧртӧ горшас лӧдан,  
Сэк, муса вок,  
Зэв чожа сылӧн ветлӧ кок!»

Колхоз правленье ытшкысьяслы лэдзис  
Нянь норма, шыдӧс, сакар, чай.  
Кыз колӧ вӧчны, сідз и вӧчис.  
Тшӧтш Митропанлы сюрис пай.

Дась сетӧм няньсӧ сійӧ кутіс кӧтны,  
Но страдна чӧж эз вермыв гортсьыс петны:

Кор висьӧ мыш,  
Кор висьӧ юр.  
Кор сылы пыж  
Оз некысь сюр.

Кыз эсэся видзьяс вылӧ вуджан  
Да пуктан вын ударной уджын?  
Эз ытшкыв, куртлыв Митропан,  
Эз гожъяв сылӧн чужӧмбан.

Нянь идралігӧн зія куйліс сійӧ,  
Колхозлысь мырсьӧмсӧ эз тӧд.  
Пыр вӧлі паччӧр вылын тӧрӧканӧс кыйӧ  
Да лудік вылӧ лэдзӧ уна сӧт.

Ар бӧрын тӧвся кӧдзыд воис,  
Дыш Митропанлы лои мат.  
Медбӧръя шӧрӧм сійӧ сёйис  
Да бара петіс корсьны лад.

«Нянь юкан плансӧ, ёртъяс, энӧ дзугӧй!—  
Ёсь гӧлӧс лэптис Митропан.—  
Быд членлы ӧтмындаӧн сёянторсӧ юкӧй!  
Зэв лада тайӧ план!»

Сэк шызис-гызис став колхозник котыр:  
«Эн бӧбӧд, зонмӧ, шань!

Тэ паччӧр вылын куйлін, быттьӧ кань.  
Колхозсянь оз ло тэныд нянь!  
Тэ, Митропан, медыджыд лодыр!

Колхозной удж вылын эз пессыв тэнад сой.  
Тэ эн кө уджав, он и сэй!»

Дыш мортос он кө чорыджыка велөд,  
Да он кө чырышт да он өлөд,  
Пыр коляс сийо дыш  
Дай удж вылын оз копырт ассыс мыш.

## ГРИША ДЯДЬ ДА КӨИН

Потш кералігөн аддзис Гриша дядь,  
Кыз мисьтөм көин личкис сылысь ыжсө  
Да ыжлы бокас сатшкис лэчыд гыжсө.  
Дерт, Гриша сэні пузис сы ни садь:

«Ак, ад горш, мый тэ вөчан?

Ак, яндысьтөм тэ син!

Тэ мыйла кусо оьтукыслысь лэдзан?

Тан тэныд абу бальо начканін!

(А көин ыжлысь горшсө йирө

Да пиньнас пыдөджык на пырө.)

Ой-ой, эн вөрзёд, муса зонмой, эн!

Бур сямьд тэнад көн?

Тэ мыйла ловья ловсө пөдтан?

Эн, дона көин, дур.

Мун мукөдлао корсьны кынөмпөттө

Да балюктө эн пур!

(А көин косялө нин коньор ыжлысь кусо

Да пось вир-яйнас лякөсьтө съод мусө.)

Ой-ой! Ой-ой!

Эн ставнас сэй!

Тэ збыль тай вөлөмыд рөзбой!

Ме та бөрын ог казътив тэнө бурөн,

Пыр понда тэнө шуны: вөрса шыш!

Мед тэныд эськө вöйны көнкө нюрын

Да шөрипөв мед чегас тэнад мыш!..»

Дыр таdzi Гриша көин водзын бовгис

Да лэдзис чорыд сөт.

А көин ыжсө помаліс да довгис,

Дзик голяөдзыс пөт.

Ме эськө вөзйи кодлысюрө

Со кутшөм индөд босьтны юрө:

Куш больөдчөмнад нинөм сэн он кер,

Көн колө шы да чер.

## САМОВАР

Выль самовар  
Трубасыс лэдзё пар.  
Зэв яра варгё-пуё  
Да пызан вылө кыпөдчөмөн шуё:  
«Ак, кутшөм мича менам чужөмбан!  
Ме тан  
Став мукөд пөлөс дозмукъясысь дона!  
Өд быдөн вермас гөгөрвоны,  
Мый көн ме югъяла да пуа-варга тадз,  
Сэн позяс шыбитны став гырнич, пөрт да рач!»  
Тшап самоварлы вочавидзис  
Сьöd чугун пөрт:  
«Ме шензя, мыйла ошйысян тэ сідзи.  
Тэ мича, дерт,  
Но пузырьны куш васё сөмын верман,  
А ковмылас кө пуны шыд да рок,  
Тэ дзик пыр йөрман  
Да шогмытөмөн лоан гөгөрбок.  
Быд дозмуклөн эм аслас удж да мог».

Оз уна бурыс сэтысь чукты,  
Кор пуксяс веськөдлысьö асьсё ошкысь морт:  
Пыр чатөртөма нырсё татшөм ёрт,  
А мукөдъяслысь уджсё пыдди оз и пукты.  
Куш больгөм вылө сөмын сійö яр.  
Кызд пузырьөм самовар.

## СИЗИМ УР ДА ГАЙКА

Колхозник Якö  
Тшак вотны ветліс ягö  
Да өктіс рыжик куим гоз.  
Сэсь гортö локтігмос  
Пыр ропкис: «Лёк жö сямыд тайö туйлөн!  
Со кутшөм няйт! Он таті өдйö тюр!»  
А видзөдлас да, куйлө  
Туй шөрас деньга — сизим ур.  
«Ак,— сувтіс Якö,— босьтны тайöс лоас!  
Көть сизим урыд вывтi ичөт сьөм,  
А век жö истөг көрөб шедас мем.  
Дерт, этша барыш татысь воас,  
Но кольны аддзөмтор оз позь.  
Мый тэныд сюрö, сійöс босьт!»

Тадз шуом бөрүн сизим урсө лэптис  
Да суйис зептас,  
А сэссия, зепсө кутігтыр,  
Туй кузя водзө муніс пыр.  
«А тайө мый нин?— бара сувтіс Якө.—  
Мөд, гашкө, сизим ур? Да часлы... Тьфу, лешак!  
Тан куйлө гайка, няйтөн лякөм,  
Кыз быттө ыргөн юра гаг.  
Тан неважөн на трактор вөлі кылө.  
Дерт, сідзкө, тайө гайка сылөн.  
А усьома кө, абу меным шог.  
Од трактористлөн тайө мог!»  
Эз сэссия сәні Якө мөдтор бовгы,  
Эз лэпты гайка, гортө довгис.  
А тайө вошөм гайка вөсна дзик  
Колхозной трактор сулаліс лун кык.

Көн гөгөрвотөмъясыс эмось  
Да налөн омөля кө уджалө юр вемыс,  
Сән медся лоас бур,  
Кор налы югдөдыштан юр.

## СЬӨЛА ДА ТАР

Гөрд пельсы сөйны дзоля Сьөла пуксис  
Дай лэчкө дзугсис.  
Дерт, сэтчө дзугсян кө, он мын,  
Оз судзсы ордчыны вын.  
«Ме пөда, пөда!— коньөр Сьөла горзө:—  
Ме ог нин аддзыв локтан ар!..»  
Сэк кыскө вывсянь муө лэччис Тар  
Дай нерсигтырйи Сьөла водзын ворсө:  
«Вай,— шуө,— мекөд лэбзям, ичөт ёрт!  
Да мыйкө оз нин кыпөд тәнө борд...  
Тэ кызди вермин дзугсянінад пырны?  
Көн тэнад синмыд, муса вок?  
Тэ ачyd эськө татчө эн кө лок,  
Бур олөм тэнад эз на вермы бырны!  
Тэ мыйла лэчкад сюян юр?  
Со ме тай, майбырөй, ог сюр!..»  
Тадз шуом кості коньөр Сьөла пөдіс,  
Да сералысьыд ачыс лэчкас шедіс,  
Көть вөлі вывті збой да яр...  
Көн абу теш, эн серав, муса Тар!

## ЧАСЛЫ, ЧАСЛЫ...

Кõtь кутшõм ковмас тыртны план,  
Колхозса юралысь Степан  
Пыр дольö: «Часлы, часлы, ставсö вöчам  
Ми бурджыка да стöча!»  
А уджсö панны ковмас кор,  
Степанлөн сэки юрыс луддзö.  
«Дерт,— шуö,— вынним миян судзсö.  
Но... часлы, часлы... абу на öд сёр.  
Тан вöйдөр колö артыштны мем аслым,  
Кыз заводитны уджсö... Часлы, часлы...  
Дай мукöд пöлöс уджыс мед оз коль...  
Ме... часлы, часлы... мөвпыштла лун нель».  
Кад муно водзö, а Степанлөн  
Оз некыз нюжмасьöмыс быр.  
Срок зэв нин матіник, а планлөн  
Оз весиг коймöд юкөн тыр.  
«Вай öддзöдышт!»— кодсюрö шуö сылы.  
А та вылö Степансянь сöмын кылö:  
«Ме... часлы, часлы... лöсьöда бур лад,  
Кор воас кад.  
Ме та вылö зэв рад!»  
Тадз сійö часлысасис сэтчöдз,  
Мый весиг джынвыйöдз эз вермы тыртны план.

Ми содтам тан,  
Мый уджлөн öдыс улö сәні лэччö,  
Көн ставыс «часлы» ногөн вöчсö,  
Кõtь веськөдлысьыс абу нин Степан.

## Мойдьяс

### СЁРКНИ \*

Көдзис пөльө сёркни,  
Быдмис сёркни ыджыд,  
Сэтшөм ыджыд сёркни,  
Кутшөм эз на вөвлы.  
Сёркни пөльө кыскө —  
Кыскыны оз вермы!

Пөрысь пөчөс пөльө  
Отсөг вылө корө.  
Воис пөрысь пөчө  
Отсөг вылө пөльлы.  
Кыскөны нин кыкөн —  
Сёркни оз и вөрззы.

Корис сэки пөчө  
Нывлысь ичөт нывсө.  
Тильсёны зэв зіля  
Ыджыд сёркни гөгөр.  
Оз и вөрззы сёркни,  
Куимлы оз сетчы!

Нывлөн ичөт нылыс  
Корис сэки понсө.  
Кутчысисны нельбөн  
Оти сёркни корйө.

Сёркни вылө налөн  
Оз на судзсы выныс!

Понйыс сэки корис  
Отсөг вылө каньсө.  
Надзөникөн локтис  
Шыльыд юра Машук.  
Мырсёны нин витөн —  
Оз на кыпты сёркни!

Ветліс сэки каньыс  
Рыныш дорө шырла.  
Шыркөд сәні лои  
Сёркни перйысь квайтөн,  
Шыркөд налөн выныс  
Бура уна содіс.

Кутчысьөма пөльыс  
Кутчысьөма пөчыс,  
Кутчысьөма нылыс,  
Кутчысьөма понйыс,  
Кутчысьөма каньыс,  
Кутчысьөма шырыс,  
Кутчысисны квайтөн —  
Нетшыштісны сёркни!

\* М. Н. Лебедев гижлөма «сёртни».

## БОМ, БОМ, БОМ, БОМ...

### *Дзоля челядьлы майдкы*

Бом, бом, бом, бом!  
Звөнён тырö кывтыд пом...  
Петук лэптис сорссö,  
Курögгьяслы горзö:  
«Öзйис каньлөн шоньд чом!  
Он кö кусöд, лоас шом!  
Отсалыштам каньлы,  
Шыльыд юра аньлы».  
Бом, бом, бом, бом!  
Звөнён тырö кывтыд пом...  
Курög котыр шызис,  
Ывла тырнас гызис:  
«Биьд, зонмö, абу теш!  
Кöни ведра? Кöни кöш?  
Öдийö ваям васö,  
Вала лэччам дасөн».  
Бом, бом, бом, бом!  
Звөнён тырö кывтыд пом...  
Курögгьяс оз узыны,  
Кок йылысь оз усьны.  
Коді босьтö ведра гоз,  
Коді мукöд пöлöс доз.  
Котöртöны вала.  
Каньыс жалькодь налы.  
Бом, бом, бом, бом!  
Звөнён тырö кывтыд пом...  
Петук горзö бара  
Курögгьяслы яра:  
«Ванад зiля локтöй тi!  
Ватög дурны кутiс би,  
Кöсийö сотны ставсö.  
Каньыд, кылад, нявзö».  
Бом, бом, бом, бом!  
Звөнён тырö кывтыд пом...  
«Мый тэ равзан, Петра?  
Тыр нин миян ведра.  
Васö ваям пырысь-пыр,  
Огö нюжмасьöй ми дыр,  
Катöдам да збоя  
Би вылас и коям».

Бом, бом, бом, бом!  
Звөнён тырö кывтыд пом...  
Курög котыр кашкö:  
«Кусöдам на, гашкö».  
Чомйись петö курыд тшын,  
Сейö курögгьяслысь син.  
Биьс ортсö письтö.  
Каньыс синва кисьтö.  
Бом, бом, бом, бом!  
Звөнён тырö кывтыд пом...  
Курög котыр мырсö,  
Бикöд вензьö, зырсьö.  
Öтик курög сотiс кок,  
Мöдлөн чишкасьöма бок,  
Петук пиньсö йирö:  
«Биад энö пырö!»  
Бом, бом, бом, бом!  
Звөнён тырö кывтыд пом...  
Биьс чомсö öвтö,  
Кутчысьö лыс вевтö.  
Трачкакылö-сотчö лыс.  
Петук сэтчö васö — быз!  
Кисьтiс дас кык ведра  
Курögгьяскöд Петра.  
Бом, бом, бом, бом!  
Звөнён тырö кывтыд пом...  
Петук индöд кузя  
Кусöдчöны сюся.  
Пöдтiс бисö кодзыд ва.  
Петра равöстiс: ура!  
Дзоньён коли стеныс.  
Позьö овны сэни.  
Бом, бом, бом, бом!  
Со и звөнлы воис пом...  
Каньыс чомйö пырö,  
Долыдлунөн тырö.  
Клопкö курögгьяслөн борд.  
Тшапа ветлö петук ёрт,  
Юрсö лэптö вылö,  
«Кикируллю» сьылö.

## ЗАРНИ ЧУКОР

Оти сиктын, оти грездын  
Бура олісны кык вок.  
Налөн некор зык эз вөвлы,  
Некоднанныс эз вөв лёк.

Отчыд мөдөдчиҥны найо  
Отув кыйны сьөла-ур.  
Асьныс думайтоны сідзи:  
«Ещё ручыс оз-ө сюр».

Өдйө вөсьлалөны вокьяс.  
Ылө коли налөн горт.  
Ягын паныдасис накөд  
Еджыд тошка пөрысь морт.  
«Кывзөй, энө мунө водзө,—

Шуис налы тошка дед.—  
Тайө туйөд, муса пиян,  
Нинөм тиянлы оз шед».

«Гашкө, шедас, мыйөн төдан,—  
Вочавидзис оти вок.—  
Миян видзөдөмөн, ягыс  
Тані абу вывті лёк».

Пөрысь дед кык воклы бара  
Шуис: «Кывзөй менө ті.  
Тані абу ур ни сьөла,  
Абу руч ни көин пи.

Бур кө колө, энө мунө.  
Матын куйлө ыджыд змей.  
Кывзөй менө, пөрысь мортөс.  
Пөрысь мортыд абу йөй.

Мунад водзө — змейыд сёяс,  
Кызди мөскөс сөйлө ош.  
Гортө бергөдчөй, бур пиян,  
Кытчөдз лов тиян эз вош».

Старик пуяс сайө пырис.  
Вокьяс сулалісны дыр.  
Сэсся сёрни бөрын налөн  
Пузис сьөлөмъясын вир.

«Мунам водзө, нинөм повны.  
Кывзы, Ваньө, мунам лок!»  
Сідзи ыджыдыслы шуис  
Өнө нима ичөт вок.

Ыджыд вокыс пищаль лэптис:  
«Змейлы со мый миян эм!  
Тэнад чер да менам пищаль

Сылы дженьдодасны нэм!»  
Водзё уськөдчисны вокъяс.

Онью кутё киас чер.  
Модыс лосьодчёма лыйны.  
Киныс некодлөн оз дзөр.

Недыр котөртисны найё.  
Воссис пуяс костын луд.  
Мича дзоридз сәні быдмё,  
Турун лэптысьёма сук.

Гөгөр видзөдөны вокъяс,  
Оз-ё мыччысь змейлөн юр,  
Оз-ё вайдөр сийё ачыс  
Налы лыйём улё сюр.

Змей оз мыччысь, змей оз тыдав.  
Кышакылё луд выв эрд.

Онью аддзис ыджыд чукөр  
Би кодъ югыд, би кодъ гөрд.

«Мый нё тайё синмөс ёрө?  
Кодкё пестис өмөй би?—  
Шуис сийё.— Ветлам, Ваньё,  
Тайё дивё дінад ми».

Би кодъ югыд чукөр дінё  
Вокъяс воисны дзик пыр.  
Кияс шевгөдісны найё  
Шензигтыр да горзигтыр:

«Зарни деньга! Зарни чукөр!  
Лыдтём, помтём озырлун!  
Деньга та мында он аддзы,  
Көть тэ море сайё мун!

Тайё озырлунөн быдмас  
Миян пельпом сайын борд.  
Тайё деньгаён ми олам,  
Кыдзи олё купеч морт.

Вичко ыжда керка лэптам,  
Пондам сёйны еджыд нянь.  
Ньобам эзысь самоваръяс,  
Эзысь тасьті, эзысь пань.

Базар вылё ковмас мунны:  
Кучер, доддяв тройка вөв!  
Барскөй олём сәки лоас:  
Кокныд, лосьыд, гажа зэв!»

Тадзи сёрнитисны вокъяс,  
Татшөм вөлі налөн кыв.  
Зарни чукөрыслөн ыжда  
Лои гөгөр өти сыв.

«Со и кывзы пöрысь дедöс,—  
Кайтис Ваньö радлiгтыр.—  
Татчö эгö кö ми локтöй,  
Гöля олим эськö дыр».

«Тайö деньга,— мöдыс шуис,—  
Пöттöдз вердас уна вом.  
Миян челядьнымлөн челядь  
Оз на аддзы сылы пом».

Асьныс мöвпалöны гусьöн:  
«Делö сийöн абу бур,  
Мыйла тайö озырлуныс  
Меным öтнамлы эз сюр».

Дыркодь сулалисны найö.  
Зарни ёрис налысь син.  
Юрын öти дум и вöли:  
«Этша лоас чукöр джын!»

Ваньö ичöt воклы шуис:  
«Нопйö зарниыс оз тöр.  
Ставсö ас вылад он кыскы,  
Вöвтöг нинöмтор он кер.

Ветлы, Öньö, гортö вöвла.  
Тэнад томджык меысь кок:  
Тани зарнисö ме видза,  
Кытчöдз вöлөн тэ он лок».

Öньö пыксыны эз понды:  
Мем пö мунны абу дыр.  
Черсö киняулас босьтис,  
Гортö мöдiс пырысь-пыр.

Регыд Öньö гортас воис,  
Асьсö радысла оз чайт.  
«Баба, баба, мый ми аддзим!  
Деньга уна-уна шайт!

Ягын куйлö зарни чукöр,  
Лыдтöм, помтöм озырлун.  
Деньга та мында он аддзы,  
Кöть тэ море сайö мун!

Ыджыд вокöй зарни видзö,  
Кытчöдз вöлöс ме ог вай.  
Сийö көсийö сэтысь босьтны  
Чукöр джынсö, асьыс пай.

Кывзы, баба, огö сетö  
Воклы зарни чукöр джын.  
Тайö чукöрысь мед миян  
Öти куим ур оз чин.

Öдйö, öдйö, баба, пöжав,

Кулан зелля вылын нянь.  
Тайё няньён вокёс верда  
Ставыс лоас сэсся шань».

Баба мужикыслы шуис:  
«Дзик пыр пёжала, эн пов.  
Зарни чукөр миян лоас,  
Воккөд юксыны оз ков».

Корсис сійё кулан зелля.  
Пуктіс няньё чеполь кык.  
Сэтысь пёжаліс дас көвдум  
Выйён мавтіс ставсё дзик.

Онью көвдумъяссё босьтіс,  
Шуис: «Бур жё вёчин тэ!  
Вок кө кулас, зарни чукөр  
Дзоньнас аслым кыска ме!»

Вөвсё доддяліс да мөдіс  
Сійё тэрмасигтыр бөр.  
Вөтлө Рыжкоёс да горзё:  
«Ноко, өддзөд, сьөлөмшөр!..»

Сійё ветлігкості Ваньё,  
Зарни видзысь ыджыд вок,  
Дзик жё сэтшөм горшлун кузя  
Думсё думайтөма лёк:

«Регыд, регыд Онью локтас,  
Сыысь некыдзи он мын.  
Ковмас зарни чукөр юкны,  
Ковмас сетны чукөр джын.

Ог ме сыкөд бурён юксы,  
Өти куим ур ог сет!  
Сійёс пищальысь ме лыя,  
Ставыс меным коляс мед».

Водіс Ваньё чукөр сайё,  
Төдө, керны колө мый:  
Пищаль пельпом дінё пуктіс,  
Курөк лэптис, сөмын лый.

Из кодь лои сылөн сьөлөм,  
Мустөм лои сылы вок.  
Сөмын өти зарни муса,  
Сөмын зарниысь и шог.

Дыр-ё, недыр сійё куйліс,—  
Кылө: матын рөдтө вөв.  
Аддзө: телегаён локтө  
Ичөт вокыс өдйё зэв.

Киыс Ваньёлөн оз тірав,  
Лыйсысь вөлі сійё бур.

Плешас воклы пуля лэдзис,  
Мед пö потас сылөн юр.

Пуля ассьыс туйсö аддзис,  
Пуля мөдлаö эз мун.  
Онью усис, Онью кулі.  
Эз ло сылы озырлун.

Ванью öдийö муысь чеччис  
Гöгрöс лои сылөн син.  
«Онi,— шуö,— оз ков сетны  
Ичöt воклы чукöр джын.

Онi зарни менам лоас,  
Арся нянь моз, йöртöд тыр.  
Онi менам барскöй олөм  
Оз и помась, оз и быр.

Озыр купеч пöвстö петны  
Онi воссис меным туй.  
Онi весиг старшинаыд  
Менö арестö оз суй!»

Сэки доддысь сийö аддзис  
Мича кöвдум, небыд нянь.  
«Часлы, сёйышта пö войдөр.  
Тшыгйөн овны абу шань».

Сёйис сийö öти кöвдум,  
Сёйис куим, сёйис нель.  
Сёйис ставсö, мыйта вöлі,  
Öти кöвдум джын эз коль.

Бердi, пемдiс сылөн синмыс,  
Смертьыс босьтiс сылысь лов.  
Кулан зелья сийöс виис,  
Зарни нуны эз и ков.

Олөм помасис кык воклөн.  
Пöрысь мортыс эз вöв йöй:  
Сийö шуөм кузя, сэнi  
Збыльысь куйліс ыджыд змей.

## ЗАРНИ ЧЕРИ

### *Пушкин серти*

Олісны-вылісны важөн  
Ю бердын дзор пöрысь гозъя.  
Гозъялөн вөлөма сэнi  
Пывсян кодь ичотик керка.

Ичөтик керкаын найö  
Комын во олісны бура.  
Старикыс черияс кыйис,  
Бабаыс кудельяс печкис.

Гожöмын пöрысь морт öтчыд  
Кыйсьыны ю вылö пегіс.  
Ва шöрö тыв сійö чөвтис —  
Нинöм эз шед сылы тывйö.  
Мöдысь на тыв сійö чөвтис —  
Тыв бара воöма тыртöм.  
Коймöдысь тыв сійö чөвтис —  
Кыянтор стариклы шеді.  
Шедöма ичөтик чери,  
Вöвлытöм чериыс — зарни.

Лэптыштіс юр зарни чери,  
Тыв пиысь стариклы шуис:  
«Эн менö кут, пöрысь дедö,  
Öдйöнджык лэдз менö ваö.  
Сы пыдди теныд ме сета,  
Мый тэнад лолыдлы колö».

Ыркмуни стариклөн сьölöм,  
Син сылөн паськыда воссис.  
Некор на сійö эз кывлы  
Кыйсигөн черилысь гөлöс.

«Оз меным ков тэсянь нинöм,—  
Сідз сійö черилы кайтіс.—  
Бур кузя тэнö ме лэдза  
Ветлыны, гуляйтны ваын».

Пöрысь морт черисö лэдзис,  
Вадорысь бергöдчис гортö,  
Висьтавны гöтырлы кутіс  
Му вылын вöвлытöм дивö:  
«Лун шöр кад шедліс мем тывйö,  
Верит көть эн, зарни чери.  
Миян моз сёрнитіс сійö,  
Кевмысис бөр сійöс лэдзны.  
Сы пыдди көсийсис сетны,  
Мый менам лолöйлы колö.  
Ваö ме пыр сійöс лэдзи,  
Нинöм эг лысьт сылысь корны».

Стариклөн бабаыс скöрмис,  
Мужикöс лёк ногөн видіс:  
«Дзик жö тэ йöй, пöрысь выжыв,  
Сизимдас арöса челядь!  
Мыйла тэ черисö лэдзин?»

Мыйла эн босът сылысь донсö?  
Видзöдлы бугыльнад татчö:  
Песласян вор менам поті.  
Кöть эськö вор сылысь корин,  
Ачyd кö вöчны он слöймы».

Вадорö пöрысь морт лэччис.  
Кыр йывсянь горöдiс гора:  
«Ме дiнö лок, зарни чери,  
Тэкöд ме сёрнитны кöсья!»

Дыр зарни чери эз ыдждав,  
Ва пиысь мыччыштiс юрсö:  
«Локтi ме тэ дiнö, дедö,  
Мый тэныд, дедöлы, колö?»

Пöрысь морт копыртчис улö,  
Черилы висьтавыны пондiс:  
«Ме вылö бабаöй скöрмис,  
Чиршöдлö сы вöсна менö,  
Мыйла ме, кор тэнö лэдзи,  
Нинöм эг куж тэнсьыд корны.  
Песласян вор сылы колö,  
Важыслөн пыдöсыс поті».

Шпыньмунi, серöктiс чери  
Стариклы воча кыв видзис:  
«Мöдöдчы гортланьыд, дедö,  
Вор тэнад бабалөн лоас».

Бергöдчис пöрысь морт гортö,  
Выль вöчöм вор сэнi куйлö.

Стариклөн баба эз бурась,  
Ещö на ёнджыка видчö:  
«Дзик жö тэ йöй, пöрысь выжив,  
Сизимдас арöса челядь!

Уна-ö сулалö ворйыд?  
Ыджыд-ö ворйыдлөн доныс?

Чукöстлы черисö бара,  
Кор сылысь мичаджык керка.  
Важас ме ог вермы овны,  
Вывтi нин омöлик сiйö».

Вадорö пöрысь морт лэччис,  
Кыр йывсянь горöдiс гора:  
«Ме дiнö лок, зарни чери,  
Тэкöд ме сёрнитны кöсья!»

Дыр зарни чери эз ыдждав,  
Ва пиысь мыччыштiс юрсö:  
«Локтi ме тэ дiнö, дедö,  
Мый тэныд, дедöлы, колö?»

Пёрысь морт копыртчис улö,  
Черилы висьтавны пондiс:  
«Бабаöй менам эз бурась,  
Ещё на ёнджыка видчö.  
Выль вöчöм вор сылы этша.  
Ковмöма сылы выль керка:  
Важас пö ог вермы овны,  
Вывтi пö омöлик сiйö».

Шпыньмунi, серöктiс чери,  
Стариклы воча кыв видзис:  
«Мöдöдчы гортланьыд, дедö,  
Мича выль керка тэ аддзан».

Бергöдчис пöрысь морт гортö,  
Видзöдö гöгöр да шензьö:  
Абу нин важ, омöль керка,  
Бытьöкö некор эз вöвлы.  
Сы пыдди сулалö сэнi  
Мича вит öшиня керка.  
Пытшкöсыс югыд да гажа,  
Ортсысянь вöчöма кильчö,  
Бокысянь тшупöма посводз,  
Бöрсяньыс сарай да гидня.

Öшиньöд видзöдö баба,  
Мужикöс лёк ногөн видö:  
«Дзик жö тэ йöй, пöрысь выживь,  
Сизимдас арöса челядь!  
Мыйла тэ керкасö корин?  
Мый танi кута ме керны?  
Слугаяс керкаын абу,  
Аслым мем уджавны ковмас,  
Идрасьны, ломтыны пачьяс,  
Пöжасьны, öбедьяс корсьны.  
Мун зарни черилы висьтав,  
Мед ме ог ло прöстöй баба,  
Медым ме озыр да мича  
Гуляйтись баруня лоа».

Сьöкыда лолыштiс старик,  
Гöтырлы кыв эз лысьт шуны,  
Коймöдысь вадорö лэччис,  
Кыр йывсянь горöдiс гора:  
«Ме дiнö лок, зарни чери,  
Тэкöд ме сёрнитны кöсья!»

Дыр зарни чери эз ыждав,  
Ва пиысь мыччыштiс юрсö:  
«Локтi ме тэ дiнö, дедö,

Мый тэныд, дедöлы, колö?»

Пöрысь морт копыртчис улö,

Черилы висътавны пондiс:

«Бабакöд пöгибö вои —

Веськыда сёйöмөн сёйö.

Оз сылы ков татшöм керка.

Мöдтор нин ковмöма сылы.

Оз сйö талунсянь кöсйы

Уджалысь бабаөн овны.

Мед пö ме озыр да мича

Гуляйтысь баруня лоа».

Жугылькодъ вöлöма чери,

Зарни вом сылөн эз шпыннав.

Лайкнитчис гы вылын сйö,

Сэтшöм кыв пöрысьлы шуис:

«Мöдöдчы гортланыд, дедö,

Бабаыд баруня лоас».

Бергöдчис пöрысь морт гортö,

Синъяссö паськöдiс, чуймис:

Воши вит öшиня керка

Сарайнас, гиднянас, ставнас.

Сы пыдди лэптысис сэни

Зэв ыджыд кык судта керка.

Вевт сылөн краситöм кöртысь,

Стенъясыс кирпичысь тэчöм,

Балконъяс кыкнанлабоксянь,

Туй вылын комын вит öшинь.

Кык судта керкакöд орччөн

Гажа сад дзордзалö-быдмö.

Сад кузя стариклөн гöтыр

Зонтика гуляйтö-ветлö.

Дзирдалö сы вылын шöвкыс,

Кок вылын колошыс югыд.

Слугаяс баруня гөгөр

Томъяс и пöрысьяс уна.

Баруня на вылö скöрмö,

Зонтикнас кучкалö-нöйтö.

Бабаысь пöрысь морт повзис,

Шапкасö босьтiс да шуис:

«Кутшöма, баруня, овлан?

Кутшöма гуляйтан садйын?

Öни, ме думайта, тэнад

Сьöлöмыд тырвыйö бурмис».

Зымнитiс баруня кокнас:

«Кытчö тэ, сьöд мужик, пыран?»

Шызисны слугаяс сылөн,  
Старикөс вөтлісны садйысь,  
Удж вылө ыстісны сійөс —  
Сеөдны вөвъяс да мөсьяс.

Та бөрын кык вежон мысти  
Старикөс гөтырыс корө.  
Бара нин скөрмөма, видчө,  
Сы вылө лөк ногөн горзө:  
«Дзик жө тэ йөй, пөрысь выжив,  
Сизимдас арөса челядь!  
Мыйла тэ черилысь сэки  
Баруня чин меным корин?  
Баруня чин меным этша,  
Ыджыдджык чин меным колө.  
Мун зарни черилы висьтав,  
Мед сійө царство мем сетас,  
Мед ме царицаөн лоа,  
Мед сэні царствуйта кувтөдз».

Гыжйыштіс пөрысь морт юрсө,  
Воча кыв смелмөдчис шуны:  
«Кутшөм тэ царствуйтысь, баба,  
Вывті нин вылө тэ каян!  
Менө йөй выживөн видан,  
Ачyd тэ вөлөмыд выжив!»

Югнитіс синъяснас баба,  
Старикөс пель бокас кучкис:  
«Эн мекөд вензья, съөд мужик,  
Вөч кызди баруня тшөктө!»

Вунөдіс пөрысь морт вензьям,  
Аслыс туй регыдик аддзис,  
Котөрөн вадорө лэччис,  
Кыр йывсянь горөдіс гора:  
«Ме дінө лок, зарни чери,  
Тэкөд ме сёрнитны көсья!»

Дыр зарни чери эз ыждав,  
Ва пиысь мыччыштіс юрсө:  
«Локті ме тэ дінө, дедө,  
Мый тэныд, дедөлы, колө?»

Пөрысь морт копыртчис улө,  
Черилы висьтавны пондіс:  
«Дурмөма бабаөй менам,  
Бара нин видчө да ёрччө.  
Пель бокө косьыштіс меным,  
Мыйла ме паныд кыв шуи.  
Тэ дінө мөдөдіс бара

Зэв ыджыдтор тэнсыд корны.  
Баруня чин сылы этша,  
Ковмөма сылы дзонь царство:  
«Мед пө ме лоа царица,  
Мед пө ме царствуйта кувтөдз».

Суныштис ва пытшкө чери,  
Недыр мысыт бөр сэтысь петис.  
Өвтыштис ичөтик бөжнас,  
Мөвпыштис мыйкө да шуис:  
«Мөдөдчы гортланьыд, дедө,  
Бабаыд царствуйтны кутас».

Бергөдчис пөрысь морт гортө,  
Видзөдө, синлы оз верит.  
Лэптысис вичкоысь ыджыд  
Царыслөн дворечыс сәни.  
Вевт сылөн дзирдалө зарни,  
Өдзөсьяс, кильчөяс эзысь,  
Стенъясыс стеклө кодь югыд,  
Гөгөрыс сулалө войска.  
Пытшкөсас стариклөн гөтыр.  
Пируйтө, винаяс юб.  
Сы вылын паськөмыс царскөй,  
Сы водзын слугаяс — князьяс.  
Ывлаас крестьяна котыр  
Милөсть царицалысь корө.  
Князьяслы тшөктө царица  
Син водзысь вөтлыны найөс.  
Бурөн кө оз кутны мунны,  
Велөдны пуляөн, штыкөн.

Пернапас пөрысь морт чөвтіс,  
Көсйис двореч пытшкө пырны,  
Казяліс старикөс стража,  
Мышкуас гымөдіс, вөтліс.  
Адзисны салдатъяс сійөс,  
Саблянас муртса эз вины.

Төлысь джын царствуйтіс баба,  
Гажөдчис, винаяс юнс.  
Төлысьсө тыртны эз вермы,  
Бара нин старикла ыстө.

Дворечө пөрысь морт пырис,  
Бабалы копыртчис муөдз.  
Скөрмөма сы вылө баба,  
Важ дорысь ёнджыка видчө:  
«Дзик жө тэ йй, пөрысь выжив,  
Сизимдас арөса челядь!»

Мыйла тэ черилысь сэки  
Царствосö öтикöс корин?  
Коркö ме кодлыськö кивлі:  
Муыс зэв ыджыд да паськыд.  
Мун зарни черилы висьтав:  
Мем öти царствоын дзескыд.  
Мед сійö öтнамлы меным  
Став мусö ки улö сетас.  
Мед зарни чериыс ачыс  
Бура мем служитны пондас,  
Мед зіля котралас-ветлас,  
Кытчö ме кесйöдла сійöс».

Бабалы паныд кыв шуны  
Стариклөн смеллун эз тырмы.  
Вермисны царскöй палачьяс  
Пыксёмсьяс джагöдны сійöс.  
Сьökыда лолыштіс сійö.  
Окыштіс бабалысь кисö,  
Витöдысь вадорö лэччис,  
Кыр йывсянь горöдіс гора:  
«Ме дінö лок, зарни чери,  
Тэкöд ме сёрнитны кöсья!»

Дыр зарни чери эз ыждав,  
Ва пиысь мыччыштіс юрсö:  
«Локті ме тэ дінö, дедö,  
Мый тэныд, дедöлы, колö?»

Пöрысь морт копыртчис улö,  
Черилы висьтавны пондіс:  
«Бара нин бабаöй менам  
Ёма моз видчö да ёрччö.  
Тан, öти царствоын, сылы  
Царствуйтны лоöма дзескыд.  
Öні став мусö нин корö.  
Сідзи и висьтавны тшöктіс.  
Мед пö и тэ, зарни чери,  
Тшöтш сылы служитны пондан.  
Мед пö тэ котралысь слуга,  
Кесйöдантор сылы лоан».

Сьöм зарни черилөн пемдіс,  
Гудыртчис сы гөгөр ваыс.  
Дедлы эз шу сійö нинöм,  
Кучкыштіс берегö бöжнас,  
Бергöдчис, суныштіс ваö,  
Ю шөрö уйкнитіс, муніс.

Дыр сэні сулаліс старик,

Мыйкō на виччысис сійō.  
Виччысьны нинōм эз вермы,  
Вадорсянь мōдōдчис гортō.  
Локтис да видзōдō гōгōр:  
Некутшōм двореч нин абу.  
Сы пыдди сулалō важ моз  
Пывсян кодь ичōтик керка.  
Бабаыс пукалō, бōрдō,  
Потōм вор сы дорын куйлō.

## ЯГ МОРТ

Уна тōдліс коми войтыр  
Шудтōм лун да гажтōм кад.  
Коркō важōн сылы вōлі  
Парма пытшкын веськыд мат.  
Ветліс сәні, пашкыр ош моз,  
Гундыр сяма гōна морт.  
Гашкō, вакуль пōвстысь петысь,  
Гашкō, вōрсаяслōн ёрт.  
Туша сылōн вōлі ыджыд —  
Бытгō увтōм пожōм пу.  
Паськōм пыдди сійō новліс  
Куим вуртōм йōра ку.  
Вой шōр войын быдтор аддзис  
Сылōн мисьтōм гōрдов син.  
Кōнкō шуштōм пемыд вōрын  
Вōлі сылōн оланін.  
Мукōддырйи оти киōн  
Сійō шыбитліс кыз кер.  
Татшōм вōлі Яг Морт нима  
Вōрса гундыр нисьō зверь.  
Йōзыс садьтōг сыысь поліс,  
Дзоргис гōгōр лун и вой:  
Оз-ō кыськō пуяс костысь  
Мыччысь сылōн гōна сой?  
Уна вōралысьлысь сійō  
Кыйсянінас босьтис лов.  
Шоч нин вōлі сәтшōм мортыс,  
Коді гундырысь эз пов.  
Изьва дорын, Кыпыд сиктын,  
Оліс сәки пōрысь пōль.  
Бура сәйис, бура юис,

Эз вöв озыр, эз вöв гöль.

Сылöн вöлі шань да мича

Райда нима öтка ныв.

Öтка нылöс шог эз босьтлы —

Быд лун сьыліс сьыланкыв.

Асывводзсянь рöмыд рытöдз

Сійö пуксьылöм эз тöд,

Лэбач моз пыр чеччаліс да

Сьывтöг ывлаö эз пет.

«Мый пö жугыльтчöмөн овны.

Яг Морт татчö эз на лок!

Коркö пöрысьма да сэки,

Гашкö, надзмас менам кок».

Мамыс нимкодясис нывнас,

Ошкис сійöс пöрысь ай:

«Со пö миян донаторйыд

Сьылö, быттö колипкай!»

Томджык войтыръяслөн сьölöм

Висис Райда вöсна пыр:

«Мый пö верöсöс оз бөрйы

Сійö миян костысь дыр?»

Райда шмонитöмөн шуліс:

«Оз ков верöсьясыд мем.

Натöг лöсьыда на позьö

Меным колльöдлыны нэм!»

Татшöм сёрни öтка нывлөн

Водзö, тöдöмысь, эз мун,

Регыд сылы удал зонкöд

Воис чунькытшасян лун.

Зонлөн нимыс вöлі Туган.

Кыйліс сійö уна ош.

Вöралігөн сійö вöлі

Медся повтöм, медся чож.

Свадьба лунлы паныд Райда

Муніс вотны чöскыд оз.

Сьöрас босьтіс вугъя чуман —

Вотанторлы ичöt доз.

Енэж вылын шонді ворсö,

Пöльтö лунвив шоныд тöv.

Небыд турун пövстын дзоридз

Быдмö уна-уна зэв.

Ветлö Райда, озсö öктö,

Зіля вөрö сылөн ки.

Ачыс сьылö: «Муса зонкöд

Аски öтлаасям ми!»

Мый нӧ тайӧ вадор ягас  
Лыбис пӧткаяслӧн зык?  
Мыйла кӧрыс сэтысь лэбзьӧ,  
Вомсьыс лэччӧ весиг быг?  
Повзис сьӧлӧм ӧтка нывлӧн:  
«Оз-ӧ Яг Морт татчӧ лок?»  
Кылӧ: зымӧдӧ нин матын  
Чорыд муӧд сьӧкыд кок.  
Руч-рачмуні ӧти пожӧм,  
Чегис-усис сьлӧн йыв,  
Вывлань качис шӧркодь сус пу...  
Весьӧпӧри коньӧр ныв.  
Вӧрсьыс петіс ыджыд шыӧн,  
Бытӧ тӧв ныр, гӧна морт.  
Ош кодь мисьтӧм... гашкӧ, збыльысь  
Вӧрса мутияслӧн ӧрт.  
Сьлӧн тушаыс кык сывйысь,  
Дерт жӧ, ляпкыдджык эз вӧв.  
Сылысь юрсисӧ да тошсӧ,  
Идзас нӧб моз, летіс тӧв.  
Пельпом вылас вӧлі паськӧм —  
Куим вуртӧм йӧра ку.  
Веськыд киас сійӧ кутіс  
Шӧри чегӧм пожӧм пу.  
Кӧні Райда озсӧ вотіс,  
Вӧлі паськыд вӧртӧмин.  
Вотчысь нылӧс ылысь аддзис  
Гӧна мортлӧн югыд син.  
Ош моз равӧстіс лӧк гундыр.  
Уси Райда сы ни садь,  
Кыдзи кералигӧн усьӧ  
Небыд корья вӧсни бадь.  
Яг Морт пусӧ муӧ сутшкис,  
Шудтӧм вотчысьӧс эз ви.  
Сэсся садьтӧм нылӧс босьтіс  
Сьлӧн кӧрт кодь чорыд ки.  
Мича сюрӧмторнас сійӧ  
Муніс чеччалігтыр бӧр.  
Дзедис, тупкис сылысь туйсӧ  
Тшӧкыд корнас пемыд вӧр...  
Воши Райда Кыпыд сиктысь.  
Висьмис шогла сьлӧн ай.  
Мамлӧн шор моз синва киссьӧ.  
Кӧні налӧн колипкай?  
Арся кымӧрьяс кодь жугыль

Лои Туган, удал зон,  
Сомын некодлы эз норась,  
Важ моз вӧлі збой да ён.

«Тӧда, тӧда,— сійӧ шуис:—

Коді вӧчис татшӧм шог.  
Муса нылӧс Яг Морт нуис.  
Сійӧс корсьны — менам мог!»

Матигӧгӧрса том йӧзӧс  
Сійӧ чукӧртис дзик пыр:  
«Локтӧй татчӧ, дона ёртъяс,  
Локтӧй, кодлӧн пуӧ вир!

Кывзӧй, вокъяс, коми муын  
Олӧм вывті лои лӧк.  
Быд лун пельным миян кылӧ  
Нора горзӧм: ок да ок!

Тӧрыт воши миян Райда,  
Аски вошас кодкӧ мӧд.  
Коньӧр нылӧс Яг Морт нуис.  
Код нӧ та йылысь оз тӧд.

Петам повтӧг, дона ёртъяс,  
Корсьны сылысь оланін!  
Лӧбзям варышъяс моз ставӧн,  
Кодлӧн сьӧлӧм абу кын!

Кӧнкӧ ылын, тӧдтӧм ягын  
Сылӧн лӧсьӧдӧма чом.  
Сэтчӧ суӧдам кӧ сійӧс,  
Гашкӧ, вӧчам сылы пом.

Гашкӧ, Райдаӧс ми аддзам,  
Сійӧс Яг Морт эз кӧ сӧй.  
Гашкӧ, оз на сылӧн туплясь  
Гундыр керка дорын шой».

Би моз ыпнитис том войтыр.  
Быдӧн лӧптис веськыд ки:  
«Дасьӧсь мунны тӧкӧд, Туган,  
Мисьтӧм гундыр вылӧ ми!

Дыр нин кӧчъяс моз ми олім,  
Дыр нин сьӧлӧм вӧлі рам.  
Ӧні бура гӧгӧрвоим:  
Вывті омӧль татшӧм сям.

Муса вокӧй, тэныд паныд  
Некод кыв ни джын оз шу.  
Кытысь гӧна морттӧ чайтан,  
Сэтчӧ миянӧс и ну!»

Ловзис Туган, эз ло жугыль,  
Асьсӧ радысла оз чайт.

Мунысь войтыръяссö лыддис:

Буретш лои комын квайт.

Öдйö босьталісны зонъяс

Гортсьыс зверöс виантор:

Черъяс, шыяс, ньöввуж көлуй,

Вöлі весиг ёсьтöм зор.

Петіс сиктысь том зон котыр:

Туган юралысьöн сэн.

Көн нин бара Яг Морт шöйтö?

Сылөн кок туйясыс көн?

Зіля кытшлалісны найö

Вöрас уна гожся лун.

Туган шойччыны эз пуксьыв,

Сылөн Райдаыс эз вун.

«Шойчча сэки,— сійö шуліс,—

Тайö понсö виа кор!»

Öтчыд налы парма пытшкын

Сюри джуджыд гудыр шор.

Шоркөд орччөн, паськыд вор моз,

Яг Морт талаялöма туй.

Эз тай, майбыр, коксö көтөд,

Гудыр ва питі эз уй.

«Аддзад, вокьяс,— Туган шуис,—

Кодлөн ветліс таті кок.

Сійöс кыйöдны да вины —

Öні öти миян мог!

Смертысь, ёртъяс, энö полöй,

Кыкысь кулöмыд оз ло.

Вайö тшöкыдінас дзебсям,

Кытчөдз гундыр эз на во».

Муö водалісны зонъяс.

Гөгөр лои шы ни төв.

Из моз чорзис налөн сьөлөм,

Полөм некодлөн эз вөв.

Вöрыс надзöникөн шувгис,

Быттьö небыд саридз гы.

Недыр мысти кыськө кывсис

Сьökыд коклөн локтан шы.

Вылö качис рака чукөр,

Нора равзö: крав да крав!

Шызис-гызис тар да сьöла,

Гажтöм лои налы дав.

Водөм зонъяс пөвстөд төвзис

Садьтөг повзьöм еджыд көр.

Ошъяс бызгысисны шорас,

Сэсся уськөдчисны бөр.

Бөрсъыс мыччысис лёк гундыр,  
Вылас куим йёра ку.  
Аслас туйёд сійө мунис,  
Киас нинөмтор эз ну.

Зэлыд ньөввужъяс том йөзлөн  
Водзё чургөдөма дась:  
«Көть пө ставным татчө усям,  
Огө бөрыньтчөй ми тась!»

«Лыйлөй морөсас да юрас!»—  
Тшөктис налы Туган ёрт.  
Сувтис, бугжылясьны кутис  
Гөрдов синнас гөна морт.

Мый нө тайө лэбзьө-тиньгө,  
Сьылө вөсньыдика зэв?  
Отпыр сатшкысис Яг Мортлы  
Бокас комын кымын ньөв.

Сылы юрас, гашкө, воис:  
«Со пө кутшөм гырысь ном!»  
Весиг шензьөмысла вөссис  
Сылөн көинлөн кодь вом.

Сэсся гөгөрвоис сійө,  
Кытысь киссьө чушкан зэр.  
Кутшөм повтөм йөзөс дзебө  
Аслас коръяс улын вөр.

Кокнас зымнитис лёк гундыр:  
Муас лои джуджыд гу.  
Вужнас нетшыштіс да босьтіс  
Киас увъя конда пу.

Коми зонъяс ылө вөрас  
Сійө уськөдчис дзик пыр.  
Увъя пунас гөгөр өвтө.  
Сөмын кылө: жбыр да жбыр!

Водө гундыр водзын понөль,  
Чегө, усьө вөсни коз,  
Пөрө муас шөркодь пожөм,  
Бытьтө чышкө найөс рос.

Кызджык пуяс сайө ставныс  
Одйө саймовтчисны сэк.  
Кытчө вешйыны, мый керны —  
Туган индө налы век.

Вөтчө найө бөрся гундыр,  
Куас лёкысла оз төр.  
Вөрыс кызмө, вөрыс сукмө,  
Оз нин Яг Морт водзын пөр.

Тшөкыд пуяс костын сылы  
Кернас өвтчыны оз позь.  
Сійос гөгөртисны зонъяс.  
Пансис, лыбис ыджыд кось.

Равзө, эргө мисьтөм гундыр,  
Кучкө, вачкө: кув да ков!  
Көсийь вины, көсийь босьтны  
Коми войтырыслысь лов.

Сылы воча, чорыд щөть моз,  
Уна чургөдчөма шы,  
Бөрсянь, водзянь сійос сутшкө,—  
Доймө гөна мортлөн лы.

Туган куимысь нин слөймис  
Черөн сөтны сылысь кок:  
«Со пө тэныд мясянь козин,  
Сюра мутияслөн вок!»

Тэрыб зонъяслы оз инмы  
Гөна мортлөн увъя кер.  
Видзө найос дзескыдіныс,  
Видзө найос тшөкыд вөр.

Рытөдз косясисны найө.  
Воис шонді лэччандор.  
Веськыд бугыляс Яг Мортлы  
Пырис ёсьтөм кыз пу зор.

Юрсянь кокөдз сылөн киссис  
Туша кузялаыс вир.  
Эз нин вермась сэсся гундыр  
Коми войтырыскөд дыр.

Шыөн сутшкөм, черөн сөтөм  
Эз вөв чөскыд, эз вөв бур.  
Петі сы пытшкысь став выныс,  
Кутіс бергөдчыны юр.

Эбөс быри, эбөс абу.  
Кокыс водзө эз нин ну.  
Коръяс костө сійө усис,  
Бытьтө ыджыд пожөм пу.

Куйлө вокьяс водзын гундыр,  
Дугдіс лолавны, оз вөр.  
Юрсө керыштисны сылысь,  
Мед оз чеччы сэтысь бөр.

Шойсө гуалисны муө,  
Вылас пукталісны из.  
Мукөд изйыс сэні вөлі  
Гөна мортсыс, гашкө, кыз.

«Тэкөд артасим ми, гундыр!—

Шуис Туган чорыд кыв.—  
Онi тӧдны меным колӧ,  
Кӧнi Райда, вошӧм ныв?»  
Водзӧ мӧдӧдчисны зонъяс.  
Быдӧн тӑрыб, быдӧн сюсь.  
Вӧрӧд-ягӧд ветлӧм-корсьӧм  
Эз ло войтырыслӧн кузь.  
Сюри налы мича Райда.  
Яг Морт сийӧс эз на сӑй.  
Вевта гуын сийӧ олис  
Сизим лун да сизим вой.  
Аддзис Туган вошӧмторсӧ.  
Воссис сылы долыдлун.  
Лӑбзис невестанас гортӧ,  
Эз нин надзӧникӧн мун.  
Гажа свадьба сылӧн пансис.  
Ставыс лои сӑсся шань.  
Удал зонлӧн гӧтыр лои  
Медся мича коми ань.

## КӦРТ АЙКА

Коркӧ важӧн Коми муын  
Лыдтӧм, помтӧм вӧли вӧрыс.  
Сийӧс некод эз на керав,  
Эз на водзсась ськӧд черыс.  
Эжва юыс вӧли джуджыд,  
Ваыс ямӧмсӧ эз тӧдлы.  
Гожся кадын коми мортлы  
Уна чери сӑтысь шедли.  
Лӧсьыд вӧли пыжа туйӧд  
Мунны ылӧ, мунны матӧ.  
Сылигтырйи вӧли йӧзыс  
Эжва кузя кывтӧ-катӧ.  
«Ми кӧть шоганырысь олам,  
Кужам шогсӧ гажӧ пӧртны!»—  
Тадзи шулисны, но регыд  
Лои войтырыслы бӧрдны.  
Кыськӧ воис Коми муӧ  
Ош кодь лӑк да мисьтӧм тӧдысь,  
Паськыд тошка, югыд синма,  
Гашкӧ, саридз сайысь петысь.

Локтіс сійӧ тувсов луно  
Шыа, пурта, лэчюд чера.  
Сьӧрас кокныдика вайис  
Вӧрысь кыйӧм ыджыд йӧра.

Вадор керӧс вылӧ пуксис,  
Ульнас сӕйис йӧра джынсӧ;  
Кызкодъ пожӧм кинас чегис —  
Видліс сӕйӧм бӧрас вынсӧ.

Льӧм пу пӧвстын колипкайяс  
Сьывны мӧдӧдчисны нора.  
Тӧдысь кабыръяссӧ лӕптіс,  
Сэсся равӧстіс зӧв гора:

«Меным, кӧртысь дорӧм тунлы,  
Ловъя мортъяс оз ков повны!  
Ме, Кӧрт Айка, тані кута  
Джуджыд керӧс вылын овны!

Тайӧ мича паськыдіныс  
Меным сьӧлӧм вылӧ воӧ.  
Татчӧ, майбырӧй, ме тӧра.  
Йӧзлы дзескыд, гашкӧ, лоӧ!»

Чери кыйысь матын вӧлі,  
Сылӧн юрсиясыс сувтіс.  
Весиг гынас дугдіс ворсны  
Эжва юыс керӧс увті.

Сэні овмӧдчис Кӧрт Айка,  
Мыйкӧ мусьыс зіля корсьӧ,  
Мыйкӧ перйӧ, мыйкӧ сотӧ,  
Сьӧкыд мӧлӧтъясӧн дорччӧ:

Мырсис, камгис, би кинь кисьтіс.  
Уна пӧсьсӧ ассьыс лӕдзис.  
Кӧрт да уклад сылӧн артмис.  
Кӧртсьыс гез да майӧг вӧчис.

«Вай жӧ, шуӧ, муса майӧг,  
Сир моз тювгысь Эжва сайӧ.  
Майӧг бӧрся, гезйӧй, кыссьы,  
Тэныд кутӧд лоӧ тайӧ».

Вуджис майӧг мӧдлапӧлӧ,  
Китӧг, коктӧг збоя варччис.  
Эжва вомӧн гезйыс водіс,  
Помнас майӧг гӧгӧр гартчис.

Муӧ пырис лэчюд майӧг,  
Гезсӧ зӧлӧдіс да кутӧ.  
Кывтысь-катысь сӕтчӧ локтас,  
Гезьяс зургыяс да тутӧ.

Пикӧ воис пыжа войтыр,

Туйыс абу водзё мунны,  
Оз позь вадор вылө кайны.  
Пыжнас ваё оз позь сунны.  
    Быдён видзёдө да шензьё,  
Оз куж нинём гөгөрвоны:  
«Кызд пө тайё путшкөм көртыс  
Эжва вомён вермис лоны?»  
    Петіс нёрыс вылө тёдысь,  
Синмыс көинлөн кодь югид:  
«Менам со пө кутшөм баныд,  
Регыд аддзад, кутшөм гугыд!  
    Коми мусё, коми йёзсё  
Чорыд кабырө ме босьта.  
Ме кө скөрма, Эжва юсё  
Дзик пыр пыдөсөдзыс косьта.  
    Ме, Көрт Айка, лёк кө лоа,  
Ловья юрөн мортгө сёя,  
Вур-вар вөча, көртөн варта,  
Гырийё сюяла да тоя.  
    Кодлы колө водзё мунны,  
Тулан куён меным сетөй.  
Зіля, зіля, энё узьёй,  
Татчө керөс улас лөдөй!»  
    Ланьтіс гөлөс мисьтөм тунлөн.  
Пыжа войтыр ставныс шемөс:  
Кытысь уси татшөм гундыр?  
Мый нө тайё — вөт-ө, вемөс?  
    Оти шуё: «Муса вокьяс,  
Такөд вензьыны он вермы.  
Коранторсё лоас сетны,  
Кытчөдз ёнджыка эз скөрмы».  
    Мөдлөн кылө сэтшөм сёрни:  
«Ог ме жалит тулан кусё,  
Паськыд горшас сылы сюя,  
Мед оз косьты Эжва юсё».  
    Коймөд гусьоникөн кайтө:  
«Вывті уна сылы колө».  
Нельөд видзёдө да тірзьё,  
Ваё шыбитөмысь полө.  
    Бара равөстіс Көрт Айка:  
«Мый ті унмовсинныд сәні?  
Менө онө кө ті кывзөй,  
Кута лёкавны ме өні!»  
    Аддзё йёзыс: кыв кө шуан,  
Внас туныс сэтшөм мыжысь.

Одйö чукöртисны ставöн  
Оти куөн öти пыжысь.

Тунлы нимкодъ сэки лои.

Вайöмторсö сійö öктис.  
Сэсся кöртысь путшкöм гезлы  
Вöйны пыдöсöдзыс тшöктис.

«Öнi,— серöктис Кöрт Айка,—  
Водзö мунö, коми пиян.  
Бурөн кывзінныд кö менö,  
Туйыд восьса лои тiян!»

Сир моз öддзöдчисны пыжъяс,  
Зiля идрасисны сэтысь.  
Сьöлöм пыжаяслөн тёпкö:  
«Кыз пö письтан татi мöдысь?»

Эжва дорын гажа нöрыс  
Муса лон мисьтöм тунлы.  
Сэтчö керка сійö тшупис,  
Ылö некытчö эз мунлы.

Чорыд кöртөн лунтыр грымгö,  
Вадор пöлөн ветлö-шöйтö,  
Ворсiгтырйи мукöд мортсö  
Увлань юрөн юас вöйтö.

Лыдтöм омöльторсö вöчис  
Джуджыд керöс вылын олысь.  
Пыксём некодсянь эз аддзыв:  
Коми йöзыс вöли полысь...

Отчыд пукалö Кöрт Айка,  
Чужва вийöдö да сьылö.  
Сылөн сьылöм, сылөн равзöм  
Сизим чомкост сайö кылö.

Кывзö сійöс югыд Эжва,  
Гынас жугылякодъ ворсö.  
Кыз да бадъ пу шогапырысь  
Муöдз öшöдiсны корсö.

Коликкайöс тэрыб бордйис  
Ылö-ылö сэтысь нуö:  
«Мед пö синмöй оз нин аддзы,  
Кыззи туныс вирсö юö».

Весиг ошлы шуштöм лои,  
Пышйö сійö пемыд вөрö,  
Юрсö копыртöма, кашкö,  
Мусö повзёмысла гөрö.

«Вияв, чужва, чöскыд чужва,  
Тэныд висьтала ме бурөн!  
Тюргы ворйö зiля-зiля,

Коркө лоан кода сурөн!

Ме кө видла кода сурсө,  
Усьтөдз гажөдча да йөкта!  
Вияв, тюргы, муса чужва,  
Тэныд өддзыны ме тшөкта!»

Тадзи сьыліс мисьтөм төдысь  
Чужва вийөдігөн сэні.

Аслыс долыд: «Ме пө өтнам  
Коми йөзсө ставсө вені!»

Мыйкө ланьтіс сэсса сійө,  
Сюся Эжва вылө дзоргө.  
«Аттө дивө, кутшөм повтөм»,—  
Быгйөсь вомыс сылөн боргө.

Аддзө тунлөн паськыд бугыль:  
Кодкө визувинті катө,  
Пыжыс сынтөг водзө мунө,  
Локтө нөрыс дорө матө.

Пыжас вольпась вылын куйлө  
Пөрысь пөльө еджыд юра.  
Ош ку пасьыс, руч ку гачыс  
Сылөн вурөдөма бура.

«Олан-вылан!— горзө пөльө:—  
Мырсян-уджалан, Көрт Айка!  
Тэнад чужваыд кө пусяс,  
Гашкө, ставсө тэнсьыд пайка!»

Скөрмис сэки чужва пуысь:  
«Тэ нө коді сэтшөм ачыд?  
Регыд йирө тэнө сюя,  
Көть и мича тэнад гачыд!»

Пөрысь пөльө тошсө лэптіс:  
«Надзөн сёрнит, муса мортөй.  
Менам нимөй: Еджыд Пама.  
Ем ю дорын менам гортөй.

Ме кодь ыджыд вына туныс  
Эжва вожын эз на чужлы.  
Ме моз тунъявнытө, зонмөй,  
Эн на, коньөрөй, тэ кужлы!»

Пиньсө йирыштіс Көрт Айка:  
«Көть тэ куим судта Пама,  
Ёна ме вылын он ыждав,  
Пондан овны тані рама!

Аддзан көртысь путшкөм гезсө?  
Туйыс пөдса тэнад пыжлы,  
Дугды ошйысьны, эн шпыньяв,  
Эм на мытшөд тэ кодь шышлы!»

Небыд вольпась вылысь чеччис,  
Сувтіс пыжас пӧрысь пӧльӧ:  
«Татшӧм кывсьыд мукӧд мортӧс  
Дзик пыр лэпти эськӧ рельӧ!

Ас кодь тунӧс ме ог вӧрзьӧд,  
Сӧмын водзӧ ачым муна.  
Тэнад мытшӧдъясыд — нинӧм,  
Найӧс аддзывлі ме уна».

Юсь моз гоньгӧдчыштіс сійӧ,  
Пуктіс морӧс вылас кисӧ,  
Витысь шутӧвтіс да корис  
Кымӧр улысь вой тӧв писӧ.

Локтіс тӧв ныр ыджыд шыӧн,  
Вывсянь Эжва вылӧ усис;  
Гӧгӧр кыпӧдчисны гыяс,  
Ваыс пыдӧсӧдзыс пузис.

Ӧти гылы Пама шуис:  
«Тэнӧ ёна ме ог уджӧд.  
Вай жӧ, тэрыб гыӧй, менӧ  
Тайӧ гез саяс тэ вуджӧд».

Гылӧн выныс абу ичӧт,  
Тшӧктӧмторсӧ сійӧ вӧчис:  
Потшӧм вывті пыжсӧ нуис,  
Саяс надзӧникӧн лэдзис.

Лӧнис, раммис сэки Эжва.  
Ем юдорса тунлы долыд:  
«Тэ, Кӧрт Айка, эн пӧ лёкав,  
Сідзнад петас тэнад лолыд!

Менам ёнлун тэысь уна,  
Қолӧ бура тайӧ тӧдны.  
Кыв кӧ шуа, тэнад пӧртсьыд  
Воръяд чужва оз кут петны!»

Чуймис, видзӧдӧ Кӧрт Айка:  
Збыль тай чужваыс оз тюрғы,  
Быттьӧ игнасьӧма пӧртъяд,  
Кӧть тэ кызди сэтчӧ мурғы.

Синнас югнитіс лёк тӧдысь,  
Кӧрт шыпуртӧн кучкис пуӧ:  
«Менӧ лӧгӧдін тэ, Пама,  
Эг кут тӧрны аслам куӧ!

Тэкӧд ӧні ог кӧ водзсась,  
Весиг кӧчыс менӧ увтас.  
Кызди сувтіс менам чужва,  
Сідзжӧ пыжыд тэнад сувтас!»

Пама кӧсйис водзӧ мунны,—

Пыжыс, ыръян вöv моз, дудö.  
Мый нö тайö? Кутшöм вакуль  
Сійöс пыдöсöдыс кутö?

Пöрысь пöльö оз нин серав,  
Еджыд юрыс сылөн луддзис:  
«Ён тай вөлöма Кöрт Айка,  
Сылөн выныс татчö судзсис».

Кыкнан тунлөн керанторйыс  
Некыдз, майбырöй, оз керсы:  
Чужва öтиклөн оз вияв,  
Пыжыс мöдыслөн оз вөрззы.

Куйлö кыр вылын Кöрт Айка,  
Пыжас чергöдчöма Пама.  
Асьныс мövпалöны сідзи:  
«Вензьöм лои омöль сяма».

Нельöд луннас пöрысь пöльö  
Пондiс дöзмöмысла пöдны:  
«Кывзы, зонмöй, дугдам дурны,  
Колö меным туйö мöдны.

Кöть тэ шышөн менö видин,  
Ог нин тэ вылö ме мургы.  
Тшöкта тэныд, юмов чужва,  
Важ моз воръяд бара тюргы!»

«Тадз кö вöчин,— тöдысь горзö,—  
Миян пинясьöмыд вунас.  
Мед жö тэнад кокни пыжыд  
Водзö лöсьыдика мунас!»

Тюргö ворйö чöскыд чужва,  
Эжва катчöс шывгö пыжыс.  
Эз нин корсьны сэсся тунъяс,  
Кодлөн вöли сэни мыжыс...

Тшапмис та бöрын Кöрт Айка:  
«Ме пö Памаыдкöд öткодь!  
Мый кöть сійö ыджыд вына,  
Сылөн выныс меным веськодь.

Сылөн тунъялöмыс меным,  
Позьö шуны, эз на мөрччы.  
Ме кö скöрми эськö ачым,  
Руч ку гачсö сылысь пөрччи!»

Пондiс гажöдчыны тöдысь,  
Кутiс юны кода сурсö;  
Öтнас нöрыс вылын йöктö,  
Ош моз тапикасьö, мурзö.

Йöктас, йöктас, узьны водас.  
Коркö садьмас. Колö сёйны.

«Муна, шуас, нуртор корсьны,  
Тырмас няйтсö тані лойны».

Модас шыон пемыд вөрö.

Көр да йöра сэтысь кыяс;  
Морт кө паныдасяс ськөд,  
Мортсö таялас да виас.

Сиктö веськалас кө, сэні  
Керка-карта ставсö кисьтас.  
Пыксьысь абу. Код нö тункөд  
Косьö-тышö пырны лысьтас?

Бара нöрыс вылö воас,  
Бара кода сурсö юас,  
Бара пыжаясöс вöйтас,  
Найöс гез дорас кө суас...

Эжва дорса коми йöзлөн  
Олём вывті лои дзескыд.  
Татшөм нартитөмсö нуны  
Сылі вылад абу чөскыд.

Кызкө öтчыд коньөр войтыр  
Гусьон чукөртчис сьöd вöрын.  
Коді тошка, петіс водзö,  
Коді тоштөм, сувтіс бöрын.

Дыркодь сёрнитісны найö:  
Кызди тунсьыс эськө мынны,  
Кытысь корсьны долыдлунсö,  
Кутшөм ногөн сэтчö инны.

Сэсся горөдісны ставөн:  
«Тунöс некод эз на венлы!  
Вай жö юрбитамöй, вокъяс,  
Енэжвывса Войпель-воклы!»

Пансис енлы ыджыд кевмөм,  
Уна синва киссьö-усьö.  
Войпель ланьтөма, оз шыась,  
Көть и коми енмөн шусьö.

Важ моз шаркьялö Көрт Айка,  
Паныд сюрсыяссö нырö:  
Кодöс кералö шыпуртөн,  
Кодöс суйö джуджыд йирö.

Йöзыс шуö: «Миян мусö  
Войпель сетіс тайö понлы».  
Сөмын мукөд пөлос мөвпьяс  
Пырис юрас кык том зонлы.

Оти вöлі Изьюр нима,  
Мөдлөн нимыс вöлі Эбös.  
Кыкнан зонмыс збой да повтөм,

Абу кӱдзыд вира кебӱс.

Кевмӱм вылӱ скӱрапырысь  
Кинас шеныштӱсны найӱ:  
«Войпель мянлы оз отсав,  
Позьӱ тӱдны вӱлӱ тайӱ.

Ми кӱ асьным огӱ пондӱй  
Мисьтӱм тунлы корсьны помсӱ,  
Войпель тшӱктӱм кузя сӱйӱ  
Оз на тупкы паськыд вомсӱ.

Некор кӱинӱс он вермы  
Вӱчны мортлы муса вокӱн.  
Лӱклы мелӱ кыв оз мӱрччы,  
Лӱксӱ бырӱдӱны лӱкӱн.

Мунам сы вылӱ ми кыкӱн,  
Коми вӱралысьлӱн пьян.  
Вынным этшаджык кӱ лоас,  
Мудерлунным эм на мян».

Черъяс войтырыслӱн лӱчыд,  
Полӱм абу, вирныс пуӱ.  
Эжва дорӱ гуся туйӱд  
Тӱрыб кокныс найӱс нуӱ.

Вадор керӱсбердса вӱрыс  
Вӱлӱ вывтӱ кузь да тшӱкыд.  
Тунӱс мудеритны найӱ  
Сӱтчӱ дзебсясисны регыд.

Вит лун помся Изъюр, Эбӱс  
Сӱнӱ кыйӱдчисны кыкӱн.  
Квайтӱд луннас гажа нӱрыс  
Ставнас тыри ыджыд зыкӱн.

Бара ышмӱма Кӱрт Айка,  
Юӱ-бруньгӱ кода сурсӱ.  
Бара чеччалӱ да сьылӱ,  
Бара дурмӱдӱма юрсӱ.

Сизим ведра тӱрмӱн пельса  
Сӱйӱ кокныдыка ректӱс.  
Асывводзсянь лун шӱр бӱрӱдз  
Пельса гӱгӱр зӱля йӱктӱс.

Сӱсся коддзӱмысла усис,  
Унмыс личкис сӱйӱс сӱнӱ.  
Ӑти зонмыс мӱдлы шуис:  
«Мян кадус воис ӱнӱ!»

Кӱть и шуштӱм вӱлӱ петны  
Пуяс сайсьыс вӱртӱминӱ,  
Ӑдйӱ матыстчисны найӱ  
Пельса дорын узьысь дӱнӱ.

Вылö лэптысисны черьяс,  
Пондiс кералöмыс кывны.  
Яра горзöны том войтыр:  
«Дугдан тани сэсся сывны!»

Кöсийс чеччыштны Кöрт Айка,—  
Ори сылөн кыкнан кокыс,  
Веськыд килөн джынйыс абу,  
Розя морöсылөн бокус.

«Ог на сетчы,— киргö сийö.—  
Менö виысыясöс ёра!  
Тэнсыд, кымөр, пемыд кымөр,  
Чардби на вылö ме кора!»

Юрсö чатöртiсны зонъяс:  
Енэж увтi кымөр лэбзё,  
Гымөн локтö, чардби кисьтö,  
Шондi жугыльмöма, дзевсьö.

Изьюр шуис: «Чардби-вуджöр  
Мортöс некор эз на сотлы!»  
Эбöс содтiс: «Вай жö, тунöй,  
Муас лöсьыдджыка водлы!»

Бара уджалöны черьяс.  
Ворсны-усьны чардби дугдiс,  
Кымөр быттьö эз и вöвлы;  
Вöрыс, юыс — ставыс югдiс.

Гора ружöктiс Кöрт Айка:  
«Кула! Помöй меным воис!  
Вермад нимкодьясьны öнi,  
Тiян збойлун менö сёйис».

Куньсис тунлөн паськыд бугыль,  
Морöс пытшсьыс лолыс петiс.  
Эз кö вины эськö сийöс,  
Уна морт на сийö летiс.

Тадзи кулис мисьтöм тöдысь,  
Эжва керöс вылын олысь.  
Коми йöзыс сэки вöли  
Аслас пемыдысла полысь.

## БУР АНЬ

Важся олём коми йöзлөн  
Онъя кодъ эз вöв.  
Кынöмпöтсö сэки корсьны  
Сьöкыд вöли зэв.

Му эз гөрлы, нянь эз кӱдзлы  
 Пемыд коми морт.  
 Парма пытшкын, гажтӱминын  
 Вӱлі сылӱн горт.  
 Ветліс сійӱ шыӱн, черӱн  
 Вӱравны быд лун.  
 Сюся корсис кыанторсӱ,  
 Быттьӱ лӱбач-тун.  
 Сюрліс сылы кӱр да йӱра,  
 Паньдасьліс ош.  
 Тӱдіс сійӱ: он кӱ вуграв,  
 Мырсьӱмыс оз вош.  
 Шыӱн йӱраӱс кӱ сутшкан,  
 Яйыс лоас дась.  
 Ошкӱс помавны кӱ кужан,  
 Вуран шоныд пась.  
 Низь да тулан — дона куяс —  
 Шедасны кӱ сӱн,  
 Кыйсьысь нимкодьясьӱ, шуӱ:  
 «Аттьӱ, ыджыд ен!»  
 Мукӱддырйи, шудтӱм кадӱ,  
 Нинӱмтор оз сюр.  
 Кыйсьысь гортас тыртӱг локтӱ,  
 Ӗшӱдӱма юр.  
 Яй ни чери сылӱн абу.  
 Кыдзи овны тадз?  
 Тувйӱ рушкутӱ он ӱшӱд.  
 Лоӱ сӱйны кач.  
 Мутшкӱ качсӱ шудтӱм кыйсьысь,  
 Дольӱ ӱтитор:  
 «Шондӱбанӱй, Войпель енмӱй,  
 Бурмӱдчан тӱ кор?»  
 Пӱтджык морт тшыг мортлы некор  
 Нинӱмтор оз сет:  
 «Кутшӱм мог пӱ меным корсьны  
 Мӱдлы кынӱмпӱт!»  
 Пармапытшса коми йӱзлӱн  
 Чорыд вӱлі лов.  
 Быдӱн ӱткӱн-ӱткӱн тильсис,  
 Ӗтувйӱн эз ов.  
 Сӱмын кевмысьысьяс \* сӱні  
 Гажӱдчисны пыр.  
 Паськыд рушку налӱн вӱлі

\* Кевмысьысьяс — жрецъяс, ӱнія ногӱн — попъяс.

Голяодзыс тыр.  
 Кыдзкө отчыл Нюрдор сиктө  
 Локтис тодтөм ныв.  
 Медся ичот чомйө пырис,  
 Шуис сэтшөм кыв:  
 «Олад-вылад, чойяс, вокъяс,  
 Чолөм тэныд, пөч!  
 Он-ө менө, муса войтыр,  
 Шонтысьыштны лэдз?»  
 Ставныс шыасисны: «Шонтысь,  
 Ветлысь-мунысь морт.  
 Кытчө мөдін? Кысь нө ачыл?  
 Көн нө тэнад горт?»  
 Шонді югөр моз том нывлөн  
 Озйис сэки син:  
 «Лёккөд вермасыны ме петі,  
 Кытчөдз судзяс вын.  
 Вывті уна коми йөзлөн  
 Чукөрмөма шог.  
 Тайө шогсө гажө пөртны —  
 Öти менам мог.  
 Көн ме чужи, кытысь локті —  
 Ловъя морт оз төд.  
 Сідз жө төдтөмөн ме коля  
 Тіян водзын мед».  
 «Пөрччысь, шойччы,— кайтис пөчө,—  
 Шонтысь, рочакань.  
 Он кө висьтась, тэныд нимтө:  
 Пуктам ми: Бур Аны!»  
 Пуксис гөстя, кисө шонтис,—  
 Көдзыд вөлі сэк.  
 Пөчө сөйны сійө вайис  
 Косьтөм чери пөк.  
 Нюрдор сиктын кутис тырны  
 Большөмөн быд чом:  
 «Лёккөд вермасысь пө воис,  
 Ачыс вывті том!»  
 Быдөн видзөдлыны мунө  
 Нывлысь чужөмбан:  
 «Татшөм дивөйд пө миян  
 Эз на вөвлы таң!»  
 Öшинь улын йөзыс жуө,  
 Ывлаас оз төр.  
 Гөгөр шуштөм, пемыд стен моз  
 Сулалө сьөд-вөр.

Пуяс пөвстти ветлө-мургө,  
 Шутьлялө вой төв.  
 Некор шойччыны Бур Аньлы,  
 Оз позь овны чөв.  
 Петис ывла ывлө сійө,  
 Лэптіс веськыд ки:  
 «Талун, муса чойяс, вокъяс,  
 Сёрнитыштам ми.  
 Важөн төда нин ме, кыззи  
 Мырсьö коми йöз,  
 Кыззи тiян гөгөр гартчө  
 Шоглөн зэлыд гез.  
 Төда: ыввті нин ті шоча  
 Аддзывланнуд гаж,  
 Төда: чужом ылад тiян  
 Оз и ворслы ваш.  
 Долыдлунсö тувсов шондi  
 Тiянлы оз вай.  
 Онö кывзылөй ті, кыззи  
 Сьывлө колипкай.  
 Весиг мукөддырйи тiян  
 Кынөмыд оз пөт.  
 Татшөм олөм абу олөм —  
 Помтөм мисьтөм вөт!  
 Вайө өні, дона ёртъяс,  
 Висьталбй ті мем,  
 Мыйла жугыля да гөля  
 Колльөдад ті нэм?»  
 Юрсö гыжйыштіс да шуис  
 Оти пöрысь пöль:  
 «Кыз нө, нылөй, он ло жугыль?  
 Кыз нө он ло гөль?  
 Менам пибй дас лун чөжөн  
 Көр ни көч эз кый.  
 Тадзнад, кач ылад кө усян,  
 Нимкодясьныд мый?»  
 Одйө-өдйө сэтчө содтіс  
 Варыш нима зон:  
 «Шудыд абу кө, мый вөчан,  
 Сойыд көть и ён?  
 Кытысь тэныд долыдлуныд,  
 Кынөмыд кө тшыг?  
 Пуыд сісьмөмла кө усьö,  
 Сійөс он нин пык».  
 Гөрдөв тошсö водзö мыччис

Наян синма морт:  
 «Коді кыдзи, ме тай пыр на  
 Тырта ассым норт.  
 Өкмыс йөра таво кыйи,  
 Косьті уна яй.  
 Ачыс вөралысьыд мыжа,  
 Нинөм оз кө вай!»  
 Кыськө кевмысьыс сэн босьтсис.  
 Вылас руч ку пась:  
 «Разьтөм гөрөдьяссө,— шуис,—  
 Ентөг он нин разь.  
 Колө Войпель енлы сетны  
 Медся дона ку.  
 Ентө бурөдан кө, некор  
 Шоглуныд оз су».  
 Кывзис, кывзис, сэсся юрнас  
 Пыркнитис Бур Аань:  
 «Аддза өні, мыйла тиян  
 Олөм абу шань.  
 Коді гөльдзык, сийө мыждө  
 Ассыс шудтөмлун.  
 Кисө лэдзөма да лөккөд  
 Вермасьны оз мун.  
 Коді судзянадзык, гөльлы  
 Отсөгсө оз сет:  
 Мед пө гөльыд көть и кулас,  
 Ме пө ачым пөт!  
 Войпель ен вылө ті ставныд  
 Ыштад лун и вой.  
 Чайтад, енмыд яйсө заптас,  
 Сөмын дасьсө сөй.  
 Эз на некор Войпель енмыд  
 Тшыгьялысьсөс верд.  
 Сылысь бурсө коми войтыр  
 Эз на аддзыв, дерт.  
 Коді шудтөм, аслыд шудтө  
 Войпельлысь эн кор.  
 Сысянь зэр моз эз на киссьыв  
 Мортлы нинөмтор.  
 Сылөн служитысьяс йөзсө  
 Вильөдөны век.  
 Со тай кевмысьысьыд тайө  
 Кутшөм гөрд да тшөг!  
 Колө отувтчөмөн, ертьяс,  
 Корсьны югыд туй.

Отув олысь костад лёкыс  
Нырсо оз нин сюй.  
Гольлы гольос колө тодны,  
Озырыс кө тшап.  
Шудтөм войтыр, юртө лэпты,  
Весьшөрө эн ляб!  
Эм на выныд тэнад сояд,  
Мывкыд, абу ййй.  
Югыд туй вылад кө петан,  
Шог пиад он вйй!  
Садьмы, збоймы, коньөр котыр.  
Эн ло вывті рам!  
Ентөг шудтө аслыд дорны  
Тырмас тэнад сям!»  
Тайө кывъяссө зэв гора  
Шуис төдтөм ныв.  
Кодос лэптис, кодлы чушис  
Сылөн мелі кыв.  
Гольлөн надзөникөн пондис  
Вежөрмыны юр:  
«Збыль пө отувтчөмыд ваяс  
Уна пөлос бур!»  
Скөрмис кевмысьысь да зепсыс  
Кыскис лэчыд пурт:  
Тупкы вомтө, вижля-дзодзув,  
Пучйй моз эн дзурт!  
Тэ ног некод оз кут овны,  
Больөдчы көть эн!  
Дзик пыр тані менам киөн  
Виас тэнө ен!»  
Пуртнас сутшкыны Бур Аньос  
Көсийс енлөн пи.  
Вылө лэптысис нин сылөн  
Небыд яя ки.  
Воча кевмысьысьлы сувтіс  
Варыш нима зон.  
Пуртсө нетшыштис да шуис:  
«Вещйы, тшөгөм пон!  
Татшөмторнад тані ёна  
Йөз водзад эн дур.  
Ме кө өвтышта, тэ ачыл:  
Он-ө татысь тюр!»  
Шызис-гызис кывзысь чукөр,  
Лыбис ыджыд зык.  
Ен дор олысьяслөн лёкла

Вомсыс петö быг:  
 «Эн тэ кевмысысьтö вöрзöд,  
 Сійö мян ай!  
 Кывзöй, ёртъяс, тайö нывтö  
 Вöтлам татысь вай!»  
 «Огö вöтлö, огö вöтлö!—  
 Горзö уна гöль.—  
 Татшöм велöдöмсö мян  
 Эз на кывлы пель!»  
 Лунтыр вензöм сэни мунис.  
 Матын вöли тыш.  
 Быдөн равзö, быдөн индö  
 Мöда-мöдлысь мыж.  
 Бөръяпомас бара воссис  
 Кевмысысьлөн вом:  
 «Войпель водзад тайö нылыд  
 Ичöтик на ном.  
 Энö полö, коркö сылысь  
 Лэдзам на ми сюв.  
 Йöзсö дзикöдз сійö дзугас,  
 Оз кö регыд кув!»  
 Тадзи шуис, сэсса пышйис  
 Озыръяслөн ай.  
 Томджык войтырыслысь скöрмöм  
 Казялис на тай...  
 Куим вежон Нюрдор сиктын  
 Велöдчис бур йöз:  
 Кыдзи мисьтöм курыд шоглысь  
 Косявлыны вез;  
 Кыдзи корсьны парма пытшкын  
 Мортлы долыдлун;  
 Кыдзи гажа öтув уджөн  
 Пальöдлыны ун.  
 Уна гöльы юрас пырис  
 Вöвлытöм на мöвп:  
 «Тывйөн тывйö он кö йитчы,  
 Паськыда он көвт».  
 Весиг пöрысыслөн сёрни  
 Вежсис, лои мöд:  
 «Збыль пö кокнъыдджыка тадзнад  
 Шедас кынöмпöт».  
 Ноксьöм-уджалöм Бур Аньлөн  
 Весьшöрö эз вош.  
 Лёкыс коксö сэтысь нуис,  
 Быттö повзöм ош.

Гӧльыс гӧлькӧд ӧтув кыйсьӧ,  
 Олӧмсӧ оз ёр.  
 Мӧда-мӧдкӧд сэсса бурӧн  
 Юкӧ кыйӧмтор.  
 Сиктын тшыгъялӧмыс чинӧ,  
 Пинясьӧм оз кыв,  
 Вежа ягын гора шыӧн  
 Кевмысьысь оз сыв.  
 Нельӧд вежон Нюрдор сиктын  
 Бур Ань эз нин ов.  
 Мукӧд йӧз вӧсна на висис  
 Сылӧн сӧстӧм лов.  
 Нюрдор сиктсалӧн кӧ муртса  
 Югдыштис юр вем,  
 Коньӧр мырсьысь парма пытка  
 Вель на уна эм.  
 Колӧ выльлаӧ нин мунны,  
 Шойччыны оз позь,  
 Лӧккӧд мукӧдлаын колӧ  
 Кыпӧдлыны кось.  
 Бара восьлалӧ нин сийӧ,  
 Мудзӧмсӧ оз тӧд.  
 Кутшӧм сиктӧ-грездӧ пырас,  
 Велӧдтӧг оз пет.  
 Сылӧн велӧдӧмыс восьтӧ  
 Войтырыслы син:  
 «Дерт пӧ, шыбитам кӧ важсӧ,  
 Содас мян вын!»  
 Ен дор олысь дӧзмӧ, скӧрмӧ,  
 Бызьӧ сылӧн вом;  
 Кӧсийӧ кевмысьыськӧд ӧтув  
 Нывлы вӧчны пом.  
 Оти арся лунӧ нора  
 Шувгис коми вӧр;  
 Енӧж вывсянь шлявгис-киссис  
 Йи кодь кӧдзыд зэр.  
 Татшӧм лунӧ оз и петав  
 Чомйысь кыйсьысь морт,  
 Тарлӧн, сьӧлалӧн оз лӧптысь  
 Лӧбзьӧм вылӧ борд.  
 Ошлы, кӧинлы да ручлы  
 Муса кобувин.  
 Вой тӧв пушкӧмысла муыс  
 Эрдяс вылас кын.  
 Сӧмын сьӧлӧмас Бур Аньлӧн

Яра ломзё би.  
Парма пышти сійо мунё,  
Оз и кынмы ки.  
Корис сійос ылі сиктё  
Гөля олысь йёз.  
Он тэ сувтёд сійос, зэрёй,  
Көть тэ кызди рез!..  
Код нё тайё куткырвидзё  
Поноль саяс сэн?  
Мыйла, нылёй, өтнад мунан?  
Дорйысь тэнад кён?  
Чеччис мусьыс куим кырныш,  
Куим руч ку пась.  
Ставныс равөстисны: «Сюрин!  
Он нин пышйы тась!»  
Куим кевмысьысылён пуё  
Морёс пышкас лёк.  
Нывсё кыйёдны да вины —  
Вөлі налён мог.  
Налы сійо эз и удит  
Шуны воча кыв.  
Би моз югнитисны черъяс...  
Кулі ветлысь ныв.  
Чужёмбансё сылысь мыськис  
Арся кодзых зэр .  
Шувгис сы вылын зэв нора  
Бөрдигтырйи вөр.  
Эз нин восьлав сэсса сылён  
Парма пышти кок.  
Кораниё, ылі сиктё  
Эз нин сійо лок.  
Кусі гөльлөн югыд шонди —  
Помасис Бур Ань.  
Эз вөв некод коми муын  
Сыысь бур да шань.

## Опереткаяс

### ТУН

#### Сьылёмөн-ворсантор

#### Медводдза юкөн

Оланіныс Тунлөн. Гажа, лөсьыд. Пызан-улөсьяс мичаёсь, эжёма уна пөлөс материалөн. Паныд стенас өдзөс. Отар-мөдар бокас гырысь моднөй өшиньяс. Став вежөсыс (комнатаыс) мойккыв сяма: югьялө, дзирдалө, синмө шыбитчө озырлуннас да баситөмнас. Паськөмыс Тунлөн да сійө слугаяслөн сэтшөм жө мича да фантастическөй. Хор (сьылысьяс) — сцена сайын. Занавес восьтігөн сцена вылын некод

абу.

#### Хор

Оліс-выліс мича Сашук,

Батьлөн-мамлөн өтка ныв.

Печкигтырйи туйс-быдмис,

Быд лун сьыліс сьыланкыв.

Өтка нывлөн жөник вөлі:

Павел нима удал зон.

Сійө нинөмысь эз повлы,

Багатыр кодь вөлі ён.

Воис чунькытшасьны Павел,

Пансис сиктын гажа пир.

Ворсө Сашуклөн том сьөлөм,

Пуө жөникыслөн вир.

Отка нывлы-невесталы  
Шудтём лои тайё лун.  
Кыськё локтіс, сійёс аддзис  
Еджыд тошка пёрысь Тун.

Мисьтём пёльлөн Сашук вылө  
Вежыс петіс пырысь-пыр.  
Мыйкё сэні сійё вёчис.  
Вёчны Тунлы абу дыр.

Пызаң сайысь Сашук воши,  
Быттьё некор эз и вёв.  
Сійёс качёдіс да нуис  
Саридз дорё жургысь төв.

Коркё садьмис коньёр Сашук.  
Мый нё тайё? Гашкё, рай?  
Сашук гөгөр зарни пуяс,  
Пуяс вылын — зарни кай.

Муас сэтшөм мича дзоридз —  
Весиг висьтавны он куж.  
Дзоридз вылысь масё өктө  
Зарни бордъя малямуш.

Сашук водзын зарни керка —  
Дзирдөн тырём оланін.  
Керка дінө Сашук мунө.  
Сюся дзоргё сылөн син.

Зарни өдзёс ачыс вощё.  
Некөн ловья морт оз кыв.  
Гажа горничаё пырө  
Полігтырйи өтка ныв.

Пырө мича платтьоа ныв, шензьёмөн видзөдө отарө-мөдарө, сувтө  
вежөс шөрө.

### С а ш у к

Кытчө, коньөрөй, ме сюри?  
Кодкё синмөс оз-ө пёрт?  
Таысь озыр оланінсө  
Он нин аддзыв сэсса, дерт.  
Төда, төда, менө вайис  
Татчө мисьтём пёрысь Тун.  
Ог ме Тунлы бурён сетчы.  
Менам Павелөй оз вун.

### Х о р

Небыд улөс вылө пуксис  
Мича Сашук, өтка ныв.

Сэсса ньѳжйѳникѳн пондїс  
Нора сывны сьыланкыв.

### С а ш у к

Дас квайт арѳсѳдз ме  
Шог ни бѳрдѳм эг тѳд.  
ѳні кажитчѳ мем  
Сэкса олѳмыд — вѳт.

Быдми ме, ѳтка ныв,  
Ай-мам борд улын пыр.  
ѳти том купеч морт  
Менѳ коралис дыр.

Вѳзйис баруня ним,  
Вѳзйис мем озырлун.  
Менам вежѳй эз пет,  
Эг ме сы сайѳ мун.

Сиктса зон, удал зон  
Вѳлі муса нин мем.  
Сыкѳд ме, сиктса ныв,  
Кѳсйи колльѳдны нэм.

Воис кикутан рыт.  
Жѳник пукалѳ том.  
Эг нин чайтывлы ме  
Гажлысь аддзыны пом.

Эз тай дыр менам ки  
Қисѳ жѳниклысь кут,  
Сыкѳд торйѳдчим ми.  
Менѳ эльтыштїс шуд.

Кѳн тэ, Павелѳй, кѳн?  
Тэкѳд аддзысьла ог?  
Қусї шондїыс мем.  
Пѳдтѳ сьѳлѳмѳс шог!

Тупкѳ кияснас чужѳмсѳ да бѳрдѳ.

### Х о р

Синва кисьтѳ мича Сашук,  
Гажтѳм сылы гажаин.  
Кѳть и вежѳс дзирдѳн тырѳ,  
Сылѳн курыд шог оз чин.

Чайтѳ сйѳ: пѳрысь Туныд,  
Гашкѳ, мутияс кодь ѳн.  
Чайтѳ сйѳ: оз куж корсьны  
Сйѳс Павел, удал зон.

Ымысянь кылö кутшöмкö ковтöм, быттьöкö вөссöны да пöдласьöны  
öдзöсьяс.

Повзис, повзис мича Сашук:  
Көнкö кылö — кув да ков!  
Öдйö улöс вылысь чеччис,  
Пыдö пырис сьлөн лов.

Сашук сулалö джодж шöрын да видзöдö öдзöс вьлö.

### С а ш у к

Овсис, овсис менам олöм:  
Локтö татчö пöрысь Тун.  
Тайö горничаö пырас,  
Дерт нин, мöдлаö оз мун.

Оцена сайын кылö сьылöм, кодi вочасөн матысмö. Тайö локтö Тун  
аслас слугаяснас, кодъяс ьджöдлöны сьысь ёнлунсö да озырлунсö.

### Т у н с л у г а я с л ö н с ь ы л ö м

Став йöзыс миян Тунысь полö.  
Став мусö кутö миян Тун.  
Кор миян Туныс ёна скöрмö,  
Сэк весиг пемдö югыд лун.

Кузь нэм! Кузь нэм!

Кузь нэм, бур олöм Тунлы! } кыкысь

Мед оз и кувлы миян Тун! }

Эм миян Тунлөн зарни керка,  
Эм сьлөн рай кодь зарни сад.  
Пыр ломзьö сэнi зарни шондi,  
Пыр овлö сэнi лун шöр кад.

Кузь нэм! Кузь нэм!

Кузь нэм, бур олöм Тунлы! } кыкысь

Мед оз и кувлы миян Тун! }

Тайö медбөрья кывьяс бöрын вөсьö öдзöс, öдйö пырöны кык де-  
тина, мича паськöмась, да сувтöны öтар-мöдар öдзöс бокö. Сөсся  
пырö Тун, крукымя ныра, зөв кузь дзор тошка, көлдун паськöма  
(мантия), да сувтö зөв тшапа джодж шöрас. Тун бöрся сьылiгтыр  
пырöны нель кымын слуга (свита), сувтöны Тун сайö, асьныс  
пыр сьылöны водзö.

Оз ошйысь Туныс озырлуннас,  
Дзик веськодь сылы озырлун.  
Дзор тошкыс Тунлы медся дона,  
Дзор тошнас вына миян Тун.

Кузь нэм! Кузь нэм!

Кузь нэм, бур олöм Тунлы! } кыкысь

Мед оз и кувлы миян Тун! }

Зэв абу пöрысь миян Туныс:

Сё комын арöс эзджык тыр.

Зэв сійö мича, мича, мича, П

Пыр пуö, пуö сылөн вир. Я

Кузь нэм! Кузь нэм! О

Кузь нэм, бур олём Тунлы! П } кыкысь

Мед оз и кувлы миян Тун! }

Оз радейт Туныс öтнас овны.

Том нывтöг пемыд сылы лун,

Кор нывъяс окалöны Тунöс

Оз скöрмы сэки миян Тун.

Кузь нэм! Кузь нэм! О

Кузь нэм, бур олём Тунлы! П } кыкысь

Мед оз и кувлы миян Тун! }

Т у н . (нюжöдö кияссö нывлань) О

Олан-вылан, дона гöстя, О

Югид шондi, рочакань!

Татшöм гöстякöд ме лоа

Бурьсь-бур да шаньбысь-шань.

С а ш у к

Лёкөн пышйöдiн тэ менö,

Абу гöстя тани ме.

Оз позь шуны тэнö шаньөн.

Му выв омöль лоан тэ.

Т у н

Ме кодь авъя мортöс видны,

Зарни Сашукöй, оз ков.

Радейт менö, окав менö,

Мекöд ичмонь пыдди ов!

С а ш у к

Ог ме вермы тэкöд овны.

Менам жöник гортын эм.

Коли менам муса Павел,

Медся дона сійö мем.

Т у н

Ылын, ылын тэнад Павел,

Батылөн-мамлөн ылын горт.

Радейт менö, окав менö,

Зэв ме мича жöник морт!

С а ш у к

Жӧник вылӧ тэ он шогмы:  
Тэнад морӧс пасьта тош.  
Сэтшӧм, сэтшӧм жӧ тэ мича,  
Кутшӧм вӧрысь петӧм ош.

Т у н с л у г а я с

Тунлы, мича ныв,  
Эн шу омӧль кыв.  
Скӧрмылас кӧ Тун,  
Пемдас югьд лун!

Т у н (скӧра)

Дугды тешитчыны, нылӧй,  
Ичӧт челядь моз эн дур,  
Радейт менӧ, окав менӧ,  
Зэв ме верӧс лоа бур!

С а ш у к

Ог ме, Тунӧй, тэно окав,  
Тэнад нырыд вывтӧ кузь.  
Дугды корасьны, йӧй выжыв,  
Мун да паччӧр вылад узь.

Т у н с л у г а я с

Паччӧр вылад Тун  
Оз на, майбыр, мун.  
Том на сылӧн вир,  
Ключӧн пуӧ пыр.

Т у н (скӧра)

Бур кӧ тэныд месянь колӧ,  
Менӧ выживӧн эн шу.  
Радейт менӧ, окав менӧ,  
Эн ло ыръян гӧтырпу!

С а ш у к

Муса Павеллы ме лоа  
Гӧтырпунад, тэныд ог.  
Тэысь мынны, гортӧ мунны —  
Оти менам ӧнӧ мӧг.

Т у н с л у г а я с

Гортад тэ он мун.  
Оз лэдз тэно Тун.

Важыд он нин ло.  
Со мый гөгөрво!

Тун (лөкысь зымнитö кокнас)

Аттö дивö, кутшöм чорыд,  
Кутшöм сямтöм тайö аны!  
Мелі кывсö он кө кывзы,  
Бурөн корасьнысö шань.

Он кө овмөдчы тэ мекöд  
Вунда тэнсьыд ки и кок.  
Тайöс мөвпавнысö сета  
Тэныд куим лунъя срок!

Тшапашырысь бергөдчö да надзöникөн петö вежöсысь. Сы бөрся муноны слугаясыс (свитаыс) да бара гораа сьылöны: «Став йöвыс мян Тунысь полö». Кор налөн сьылöмыс ылысмö, заводитö сьывны хор.

### Хор

Туныс слугаяснас муніс.  
Гөгөр лои шы ни төв.  
Пызан дорö пуксис Сашук  
Сідзи надзöникөн зэв.

Шогөн тыри сылөн сьөлөм,  
Улö копыртчöма юр.  
Төдіс сійö, иган сайын  
Тані олөм оз ло бур.

Төдіс сійö, морт оз кывлы,  
Көть тэ кыдзи тані бөрд.  
Төдіс сійö, аслад вынөн  
Оз нин мынлы татысь, дерт.

Сöмын надея и вöлі:  
Мездас сійöс удал зон,  
Коді нинöмысь эз повлы,  
Багатыр кодь вöлі ён.

Бара өдзöс ньöжйö воссис.  
Кыкөн пырисны том ныв.  
Зарни блюдыяс налөн киас,  
Ветлөм шыыс оз и кыв.

Пырöны кык ныв, русалкаяс, веж рöма дженъядик платтьöа-  
öсь, юрсияснысö пельном вылас лэдзöмаöсь, вайöны ыджыд блюдыяс  
чöскыд сёянөн.

Кык русалка (копрасьöны)

Аслас невесталы ыстіс  
Чöскыд сёян ыджыд Тун.

Радейт, радейт мяян Тунӧс,  
Бурӧн сы сайӧ тэ мун!

С а ш у к (*йӧткыштӧ блюдъяссӧ*)

Ог ме радейт мисьтӧм Тунӧс,  
Сылысь сѣянсӧ ог сѣй.  
Эз на лӧсявлыны некор  
Югыд лун да пемыд вой.

Х о р

Бара пырисны том нывъяс.  
Эз и дзуртышт ӧдзӧс дзир.  
Мукӧд пӧлӧс чӧскыдторнас  
Кыкнан кыс налӧн тыр.

**Пырӧны** мӧд кык русалка подносъясӧн. Ӧти поднос вылас  
мича судеяяс гӧрд винаӧн да гырысь румкаяс. Мӧдас — кампет,  
преник, яблук да мукӧдтор.

М ӧ д к ы к р у с а л к а (*копрасьӧны*)

Тані яблук, кампет, преник,  
Ма кодь вина сизим доз.  
Радейт, радейт мяян Тунӧс,  
Лӧсьӧд сукӧд ӧтув поз!

С а ш у к (*йӧткыштӧ подносъяссӧ*)

Тунлысь вина ме ог видлы,  
Кампет, преник мем оз ков.  
Кӧть ме му пыр татчӧ муна,  
Мисьтӧм тӧдыськӧд ог ов.

Х о р

Эз на помась Тунлӧн бурис,  
Сійӧ закучӧн \* эз вӧв:  
Синмӧ шыбитчана козин  
Нывлы ыстис уна зэв.

**Пырӧны** коймӧд кык русалка, вайӧны дзонь чукӧр уна пӧ-  
лӧс рӧма вӧччан платтӧяс паськыд поднос вылын.

К о й м ӧ д к ы к р у с а л к а (*копрасьӧны*)

Тунсянь тэныд дас вит платтӧ,  
Ставыс шӧвк да кашимер.  
Радейт, радейт мяян Тунӧс,  
Сійӧ тшӧктӧм кузя кер!

\* **Закуч** — горш да скуп.

С а ш у к (йӧткыштӧ платтьӧяссӧ)

Тунлысь платтьӧ ме ог новлы.

Менам аслам платтьӧ эм.

Зэв на чужӧм серти меным

Гортса паськӧм, гортса кӧм.

Квайтнан русалкаыс луктӧны вайӧмторъяснысӧ пызан вылӧ да улӧсь-яс вылӧ, сӧсса сувтӧны дорывыв Сашук водзӧ, копрасьӧны сылы да сьылӧны.

### К в а й т р у с а л к а

Эн тэ, мича нылӧй, ыждав, } 2-ысь

Эн тэ, мича нылӧй, ыждав, }

бурӧн сёрнит.

Миян Тун вылӧ эн лӧгась, } 2-ысь

Миян Тун вылӧ эн лӧгась, }

сийӧс окав.

Шондibanӧй миян Тунӧй, } 2-ысь

Шондibanӧй миян Тунӧй, }

ачыс мича.

Позьӧ тэныд ськӧд овны, } 2-ысь

Позьӧ тэныд ськӧд овны }

ичмонь пыдди.

Пондан нимкодьясьны ськӧд, } 2-ысь

Пондан нимкодьясьны ськӧд }

зарни садйын.

Пондан ськӧд сёйны-юны, } 2-ысь

Пондан ськӧд сёйны-юны }

зарни дозйысь.

Пондан кутчысьлыны ськӧд, } 2-ысь

Пондан кутчысьлыны ськӧд }

зарни вылын.

Радейт, окав миян Тунӧс, } 2-ысь

Радейт, окав миян Тунӧс, }

мича нылӧй!

### С а ш у к

Ош кодь мисьтӧм мути вылӧ

Менам вежӧй оз на пет.

Кодлы зарни чукӧр колӧ,

Сийӧ Тункӧд олас мед.

Ті нӧ асьныд кодъяс лоад?

Татчӧ веськалінныд кызд?

Мыйла му выв омӧльторсӧ

Меным ошканныд ті сідз?

Русалкаяс сувтöны кытшö кияснас кутчысьöмөн, ветлöдлöны да сы-  
ланкывйөн воча кыв видзöны.

### К в а и т р у с а л к а

Уна во нин миян  
Абу вир ни яй.  
Еджыд тошка Туныс  
Миян ыджыд ай.  
Му вылын ми чужлим,  
Кызди чужö морт.  
Бать-мам миян вöли,  
Вöли шоньд горт.  
Лöсьыда ми быдмим,  
Гажöдчим быд лун.  
Челядьдырся олöм  
Öнiöдз оз вун.  
Ыджыдöсь ми лоим,  
Пузис миян вир.  
Муса зонмöс корсьны  
Нывлы абу дыр.  
Муса зонмöс аддзан,  
Адзывлан и шог.  
Бурөн оз тай овлы  
Зонлөн оланног.  
Кутчысьлигад сьлөн  
Киссьö мелi кыв.  
Бөрвылас оз шогмы  
Сылы коньөр ныв.  
Пөръялисны зонъяс.  
Вошöмтор оз сюр.  
Уськөдчим ми ваö,  
Сюйим сэтчö юр.  
Пыдöс вылын садьмим,  
Ловзьöдчим выль пöv.  
Öнi ваын олам,  
Гажа сэнi зэв.  
Сэтчö курыд шогсö  
Некод оз нин вай.  
Служитам ми Тунлы.  
Сийö миян ай.

### С а ш у к

Коньөр нывъяс, муса чойяс,  
Ме кодь шудтöмöсь тай тi.  
Весиг кулöм бöрад ворсö  
Тян ловнад Тунлөн ки.

К в а и т р у с а л к а  
(ветлөдлігтыр гажаа сьылöны)

Нинöм мянöс, Сашук, жалитны,  
Нинöм йöз вöсна тэныд тöждысьны.  
Миян мувывса олөм овсьöма,  
Олөм мөд ногса миян пансьöма.  
Югыд юын ми ворсам, суналам,  
Эзысь тöлыськөд войнас сёрнитам.  
Муса зонгясным миян вунöма,  
Синва кисьтöмгяс ылö кольöма.  
Ыджыд Тунлы ми öнi служитам,  
Сійö борд улын кадсö колльöдам.  
Невестасö ми сылысь гажöдам,  
Невеста водзын бура йöктыштам!

Сцена сайын заводитö ворсны музыка. Русалкаяс йөктöны. Йөктөм  
бöрас копытчöны Сашуклы да мунöны.

Пом медводдза юкөнлөн.

### Мөд юкөн

Сійö жö вежöс. Джодж кузяяс ветлөдлө Сашук, сувтыштлө öшинь  
доргясö, чышкө синвасö.

### Х о р

Озыр жырыын, зарни пытшкын  
Оліс Сашук куим лун.  
Аддзö сійö: срокыс тырö,  
Регыд локтас пöрысь Тун.

Шогсьö Сашук, синва кисьтö,  
Чöскыд сёянсö оз сёй,  
Шылыд джодж кузяяс ветлө,  
Абу важ кодьыс нин збой.

Гажа горничаын сійö —  
Садöкын кыз колипкай.  
Гажа горничаыс сылы  
Долыдлунсö оз тай вай.

Оз ков сылы мича платтьö,  
Зарни, эзысьыс оз ков.  
Зарни вылө, эзысь вылө  
Оз на вузав сійö лов.

Куим лун-вой эз нин куньлы  
Коньöр Сашук ассьыс син.

Кылө сійө: өдзөс ковгө...  
Повзьём сьөлөм лои кын.

Ылысянь кылө унаысь ковгөм шы,

С а ш у к (*повзьёмпырысь*)

Локтө, локтө... татчө локтө...  
Сылөн тапиктө нин кок...  
Кытчө воштыся ме татысь?  
Мисьтөм төдысь өні лёк.

Сувтө дждж шөрас да кывзө. Ылысянь кылө сьылөм «Став йёзы миян Тунысь полө». Сьылысьяс вочасөн матыстчөны. Воссё өдзөс, сэсся пырө Тун аслас слугаяснас. Сылөн петкөдчөмыс воддза нога жө. Сьыланкыв сьывсё помөдз. Сьылігас Тун тшапитчигтыр малалө асьыс уссө да тошсө.

Т у н (*сьывсьём бөрын, мелиа*)

Видза олан, невестаёй,  
Эн тэ жөник мортысь пов.  
Мелі кывйөн тэныд шуа:  
Мекөд ичмонь пыдди ов!

С а ш у к

Кытчөдз пельпом вылын юрөй,  
Некор тэ ног ме ог вөч.  
Кодлы сё да комын арөс,  
Сылы колө пөрысь пөч.

Т у н

Дугды ыдждавны, йөй нылөй,  
Ноко окасьыштам лок.  
(*Көсйө кутлыны Сашукбс.*)  
Өні пыксыны он вермы:  
Куим лунъя коли срок.

Т у н слугаяс

Срокыд абу теш.  
Сійөс он нин веж.  
Шуөма кө кыв,  
Окась, мича ныв!

С а ш у к

Ог ме окась, сөмын шуа  
Тэныд, Тунөй, өтитор:  
Збыль тай выживөн тэ лоин,  
Збыль тай дурмин куландор.

## Тун

Абу выжив, абу пöрысь,  
Зэв на, Сашукöй, ме том.  
Менö окыштан кö, аддзан,  
Кутшöм чöскыд менам вом!

## Тун слугаяс

Чöскыд вома Тун  
Сетас долыдлун.  
Тэрыбджыка вөр,  
Окась да эн сөр!

## Сашук

Тэнад вомыд абу чöскыд,  
Абу мича чужöмбан.  
Ог ме кöсйы, ог ме вермы  
Тэкöд кутчысьлыны тан.

## Тун

Тайö ставыс тэнад лоас:  
Зарни керка, зарни сад!  
Зарни шондi улын пондан  
Мекöд колльöдлыны кад.

## Тун слугаяс

Кодзулөдз кöть кай,  
Оз сюр татшöм рай.  
Олан тани сiдз,  
Цар ныв олö кызд!

## Сашук

Зэв кö колö, еджыд тошöй,  
Озырлунтö аслыд чöж.  
Муса Павелос ме некор  
Мисьтöм пöль вылö ог веж.

## Тун (скöра зымнитö кокнас)

Ме кö тшöкта вежны — вежан!  
Ме кö скöрма, оз ло бур!  
Абу тэ водзын ме мисьтöм,  
Меысь мичаыс оз сюр.

Тэнö ог на дзик пыр джагöд,  
Сроксö содта öти лун.  
Сэсся йирö тэнö сюя,  
Он кö ме сайö тэ мун!

Тун аслас йӱзкӱд петӱ. Петигас бара сьылӱны: «Став йӱзыс миян Тунысь полӱ». Кор сьылысьяслӱн гӱлӱсныс ӱна ылысмӱ, бара заводитӱ сьывны хор.

## Хор

Мисьтӱм Тунлӱн, пӱрысь Тунлӱн

Вывтӱ чорыд вӱлӱ кыв.

Юрсӱ ӱшӱдӱма Сашук,

Батьлӱн-мамлӱн ӱтка ныв.

Джуджыд йирын пӱдны, вӱйны —

Абу долыд сэтшӱм пом.

Зӱв на ӱтша олӱс Сашук,

Зӱв на вӱлӱ сийӱ том.

Дерт нин, ӱнӱ, срок кӱ тырас,

Бурӱс виччысьны оз позь.

Тунсянь некытчӱ он дзевсьы.

Некӱн абу дзевсян розь.

Пуксис ӱшинь дорӱ Сашук,

Иган сайӱ шедӱм морт.

Лӱбзис, лӱбзис ӱськӱ гортас,

Сӱмын абу сьылӱн борд.

Абу мездӱм вылӱ лача,

Муса жӱник оз кӱ лок.

Пондӱс Сашук сьыланкывьӱн

Ассьыс висьтавлыны шог.

### С а ш у к (нораа сьылӱ)

Бур батькӱд-мамкӱд олӱм

Оз некор менам вун.

Ме сӱки шог ӱг тӱдлы,

ӱг адзыв гажтӱм лун.

ӱз видчыв, сӱкӱрмыв батьӱй,

Зӱв вӱлӱ сийӱ шань.

Пыр ошкис менӱ мамӱй:

«Тӱ миян рочакань!»

Кор гуляйтны ме ветлӱ,

Кор сьылӱ сьыланкыв,

Став йӱзыс вӱлӱ шуӱ:

«Зӱв шуда тайӱ ныв!»

Ме збыльысь шуда вӱлӱ.

Но кӱн нӱ тайӱ шуд?

Пышкай моз кысь лӱбзис.

А лӱбачтӱ он кут.

Мый вӱлӱ — оз нин лолыв,

Мый вошӱма — оз сюр.

Оз чеччав пуысь пуö  
Лёк понлы шедöм ур.  
Ме кула, кызди кулö  
Кöрт позйын колипкай.  
Бать-мамöй, муса зонмöй,  
Прöщай, прöщай, прöщай!\*

Медбöртя кыв сьылгöн Сашук тупкö чужöмсö кияснас да зэв ёна  
сыркьялöмөн бöрдö.

### Х о р

Бöрдö, бöрдö мича Сашук,  
Ловйöн кольны оз нин чайт.  
Зывök сылы зарни керка,  
Бытьö пемыд гидын няйт.  
Арся зэр моз синва киссьö,  
Из моз личкö сйöс шог.  
Шогтö сьöлöмысь он чышкы,  
Кыз чышкывлöны ёг!  
Дыркодь бöрдис сідзи Сашук,  
Дыр эз косьмы сылөн син.  
Сöмын коньöрлөн том нывлөн  
Шогыс бöрдöмнас эз чин.

Ывласянь керка стенö кодкö заводитö чорыда йиркөдны-зымөдны.  
Сашук шензьöмөн кывзö.

### С а ш у к

Мый нö тайö кöни кылö?  
Со тай бара — зым да зым!  
Оз-ö кодкö мыйкö горöд?  
Оз-ö казътыв менсьым ним?

Чеччыштö места вывсьыс да котöртö öшинь дорö. Ывласянь кылö  
Павеллөн гөлöс.

### П а в е л

Тэ, гашкö, татчö сюрин, муса Сашук?  
Тэ, гашкö, менсьым воёмсö он тöд?  
Ог узылы ме, пыр ветла, тэнö корся.  
Тэ збыль кö тани, гөлöс меным сет!

### С а ш у к

Ме тани, тани, тани, муса Павел.  
Ме иган сайын ола нельöд лун.

\* Тайö сьыланкывйыс лон народнöйөн, и кывъяссö вежлалыш-  
тöма.

Ог вермы татысь некытчö ме петны.  
Тан видзö менö мисьтöм пöрысь Тун!

П а в е л

Ме кыла тэнсьыд гөлöс, муса Сашук,  
Ме кыла, кыла тэнö, сёлöмшöр.  
Эн пов, эн бöрд, ме мезда тэнö татысь,  
Ме тэтöг тась ог бергöдчы нин бöр!

С а ш у к

Лёк мисьтöм Тунсьыс видзчысь, муса Павел.  
Зэв сийö тöдысь, мудер, вывті ён.  
Дзик пурсьысь пон кодь омöль тайö Туныс.  
Мед оз жö курччы тэнö тайö пон!

П а в е л

Ме понъясысь эг повлы, муса Сашук.  
Ме кытчöдз ловъя, некодысь ог пов.  
Ме ачым ён, ме ловсö сылысь перъя,  
Мед татшöм мути му вылын эз ов!

С а ш у к

Тэ кызди татчö пыран, муса Павел?  
Став öшинь тані вылын, стеныс кыз.  
Кöть зарни дзирда Тунлөн оланіныс,  
А зарни улас көрт да чорыд из!

П а в е л

Кыз стеныс меным нинöм, муса Сашук.  
Ме стен пыр письта, нетшка чорыд көрт.  
Мем оз ков ключ, ме ключтöг öдзöс вöсьта.  
Лёк мисьтöм тöдысь синмöс мем оз пöрт!

С а ш у к

Зэв скöрмис талун Туныс, муса Павел,  
Ме мыйла бурөн сы сайö ог мун.  
Тэ он кө рытöдз татысь менö мезды,  
Ме ола талун медбöрря нин лун.  
Тэ уна лун на олан, муса Сашук.  
Ми шудаöсь на лоам — тэ да ме.  
Ме локта, локта, тэ динö ме локта.  
Кöрт томан улысь регыд петан тэ.

---

Тайö шуöм бöрын бара заводитö йиркөдöм, зымгöм, көртөн грымгöм.  
Сашук видзöдö öшиньöд, виччысьö мездысьö.

## Хор

Стенсö кисьтö, көртсö нетшкö,  
Пыран туйсö вöчö зон.  
Мича нывлөн жöник Павел  
Багатыр кодь вöли ён.

Мисьтöм тöдысь вылö скöрмöм  
Вынсö содтö сылы сэн.  
Ставсö ёрöдö да жуглö,  
Весиг вөрö керка стен.

Öдзöс воссö, Павел пырö.  
Бөр нин Сашуктөг оз мун.  
Сэки быттö муысь быдмис  
Гажа горничаын Тун.

Зэв öдйö пырö Павел да сувтö ныв водзö. Киас сьлөн сабля.  
Дзик сэки жö быттöкö кыскö усö Тун, мича баситöм бедь (по-  
сох) киас кутöмөн.

Тун (*ырыштчö бедьнас*)

Мыйла мырдөн татчö пырин?  
Виа тэнö, он кө пет.  
Ловъя юрөн тэнö сёя,  
Тэнад яйөн лоа пöt!

Павел (*лэптö саблясö*)

Татчö Сашукла ме локті,  
Қылан менö, мисьтöм порсь!  
Сійöс босьта да и муна.  
Сэсса нинöм ме ог корсь.

Тун

Менсьым мича нывтö босьтны  
Зэв на дженьыд тэнад ки.  
Весась татысь... öдйö, öдйö,  
Қытчөдз тэнö ме эг ви.

Павел

Менö, Тунöй, тэ он повзöд,  
Абу тэ водзын ме көч.  
Татысь Сашукöс ме нуа,  
Көть тэ лэдзан, көть он лэдз.

Тун

Қылан, чукөртчöны татчö  
Менö видзысь шыа йöз.

Синмыс налөн — биа өгыр,  
Виртём чужёмъясныс — лөз.

Отарсянь-мөдарсянь котөрөн пырёны Тунлөн слугаяс. Быдёнлөн  
киас көрт шы. Лэпталёны шыяснысө, ырыштчёны Павел вылө.

Тун слугаяс

Бур кө колө, пет.  
Нывсө Тун оз сет.  
Он кө татысь тюр,  
Воштан ассыд юр!

Павел

Асьныд пышйой, мути чукөр.  
Полысь мортөн ме эг чуж.  
Шырны тиянөс кө босьтча,  
Төдлад гожём шёрын пуж!

Тун да сылөн слугаяс  
(лөкысь)

Тайө ыръян морт!  
Оз нин аддзыв горт!  
Морёсас көрт шы  
Сылы сутшкам ми!

Тунлөн слугаяс уськөдчёны Павел вылө. Павел өвтө аслас саблянас  
да мездысө наысь. Тун сулалө бокрын да визыйөдлө сынөдас посох-  
нас — тунъялө. Косясигөн хор сылө.

Хор

Скөрмис-лөкмис мути чукөр.  
Чорыд заводитчис кось.  
Татшөм нырсьөм вылын зонлы  
Узьны-вугравны оз позь.

Сабля сылөн би моз ветлө,  
Оз и мудзлы сылөн сой.  
Павел ичөтысянь вөлі  
Медся удал, медся збой.

Мути чукөрлысь көрт шысө  
Сабля кералө, оз лэдз.  
Тунлөн тунъялөмыс зонлы  
Нинөм омөльсө оз вөч.

Вермис мутияссө Павел.  
Тышыс эз и кыссы дыр.  
Одйө пышъялісны найө,  
Кызди пышйө повзьём шыр.

Тун слугаяс шыблалёны шыяссө да пышйёны. Тун видзёдö на  
бöрся да повзбöмысла оз тöд, мый керны.

Т у н *(нор гөлөсөн)*

Зонмыс эз на пөр.

Локтöй татчö бөр!

Ок-ок-ок-ок-ок,

Некод бөр оз лок!

Павел кучкö сабянас Тун посохö. Посох усьö. Сэся чабыртö Тунöс  
тошкöдыс.

П а в е л

Онi, му выв омöль Тунöй,

Менам кабырысь он мын!

Коркö кывлi ме бур йöзлысь:

Тэнад тош пиад став вын.

Муса Сашук, вайлы ножич,

Еджыд тошсö Тунлысь шыр.

Он кö тошсö сылысь вунды,

Сылөн тшыкөдчөм оз быр.

С а ш у к *(котөрөн вайö ножич)*

Вундам, вундам, муса Павел,

Пуктам тшыкөдчөмлы пом.

Гашкö, тоштöгыд, лёк Тунöй,

Лоан збыль вылö тэ том.

*(Вундö тошсö)*

Тун усьö пидзёс вылö Павел водзö княссö лэптöмөн.

Т у н

Прөстит менö, вына Павел,

Меным омöльсö эн вöч.

Юрöс сабяён эн керав,

Ловъя юрөн татысь лэдз.

П а в е л

Кодi водзсасыны оз вермы,

Ме ог керав сылысь юр.

Кодi воштiс ассыс вынсö,

Сийö водзö оз нин дур.

Весась татысь, морт вир юысь,

Мед оз аддзы тэнö син.

Сöмын мöдысь кö мем сюран,

Сэки ловъяён он мын!

Босьтö Тунöс шошаöдыс да тойыштö öдзöс сайö. Тошсö сылысь сыйö  
аслысь вöнь саяс.

## Х о р

Вöтлис Павел пöрысь Тунöс.  
Ловзис Сашук, öтка ныв,  
Гажмис, вунöдис став шогсö,  
Оз нин бöрдигтырйи сьыв.

Кутлис, окалис том нылöс  
Шуда Павел уна пöв.  
Бара йитчисны кык сьöлöм,  
Шогыс быттьö эз и вöв.

П а в е л (*босьтö Сашукöс коскöдыс*)

Мунам гортö, муса Сашук,  
Вöчам бара ыджыд пир,  
Бара чунькытшасыны кутам,  
Шудным миян эз на быр.

Öнi пышйöдны оз вермы  
Тэнö мисьтöм пöрысь Тун.  
Öнi кувтöдз миян лоас  
Долыд олöм, гажа лун!

## П о м

### Н а с т у к

*Сьылöмөн ворсантор коллективиза-  
ция заводитчан кадысь*

Озыра олысь крестьянинлөн керка. Джодж пасьталаыс вольсалöма  
уна пöлöс рöма джодждöра. Стенъяс шпалеритöма. Пельöсас вит  
кымын öбраз. На водзын öшалö лампада. Öбразъяс улын пызан.  
Паныд стенас куим öшинь. Öтиыс восьтöма. Восьса öшинь дорын  
пукалö Н а с т у к, кöзяинлөн слуга-батрачка, омöлик ситеч платтьöа,  
ачыс жугылькөдь.

### Н а с т у к

Праздник лунö керкаын  
Пукавны зэв шог.  
Коркö бара гуляйтныд  
Петны верма ог?

Вичко кындзи некытчö  
Кöзяин оз лэдз,  
Быттьöкö ме кутшöмкö

Пиньтѳм пѳрысь пѳч.

Талун асыв шуис мем:  
«Кѳть батрачка тѳ,  
Век жѳ тѳнад лов вѳсна  
Тѳждыся пѳ ме.

Зіля котѳрт вичкоѳ,  
Енмыд мед оз вун.  
Сѳсся пукав керкаын,  
Некытѳ эн мун».

Мыйла меным вичкоыд?  
Мыйла меным ен?  
Мыр моз сѳмын сулалан  
Образ водзас сѳн.

Аминьяссѳ кывзан да,  
Кутшѳм сѳтысь бур?  
Эз кѳ эськѳ ыстыны,  
Сѳтчѳ он нин тюр.

Менам озыр кѳзяин,  
Опонь дядь, зѳв стрѳг:  
Енмѳс сѳмын радейтѳ,  
Мекѳд вывтѳ лѳк.

Равѳстлас да, чуймылан...  
Пѳссян лун и вой!  
Мукѳддырйи повзьѳмла  
Пѳттѳдз он и сѳй.

Вогѳгѳрся мырсьѳмысь  
Эз на мынтыв сѳѳм.  
Талун, грекысь полѳмла,  
Шойчѳг сетѳс мем.

Сѳмын тайѳ шойчѳѳмыс  
Оз и сулав грѳш:  
Сыысь аски уджѳдас  
Помся сутки чѳж.

Кѳзяйка мем висьталѳс:  
«Тѳ вылѳ пѳ пыр  
Дзодзув Семѳ видзѳдѳ,  
Парсѳ нюлігтыр,

Гашкѳ, пѳ и гѳтрасяс,  
Бурджыка пѳ ов».  
Мем, кѳть и батрачка ме,  
Татшѳм пон оз ков!

Шондѳбанѳй праздникѳй,  
Эн тѳ меным лок!  
Шогапырысь лолавны —  
Ѳти менам мог.

(Видзөдө өшиньод.)

Со тай, майбыр, туй кузя  
Мунө кымын ныв.  
Ставныс гора сьылöны  
Гажа сьыланкыв.

Ывласянь, ылісянькодь, кылö сьылöм. Надзöникöн матысмö, лоö го-  
раджык. Бөръя кывъясыс сьывсьöны дзык өшинь улас.

С ь ы л а н к ы в

Мыйла клубö ветла ме,  
Мамö видчö:  
«Кытчö, коньор, мунан тэ,  
Кытчö, кытчö?  
Клубад овмөдчöма бес  
Ыджыд сюра.  
Сэні жөдзö омоль йөз  
Шырöм юра.  
Весиг öбраз абу сэн,  
Эз и вöвлы.  
Виас, нылöй, тэнö ен,  
Чövлы, чövлы!»  
Шуи мамöлы ме сэк:  
«Мый тэ лябан?  
Мыйла енкөд ноксян век?  
Енмыс абу!  
Нинöм абуыс оз ви  
Ловъя мортöс.  
Клубас төдны кутим ми  
Ленин өртöс.  
Пондiм төдны, кутшöм бур  
Выль ног олöм.  
Ми, том войтыр, зон и ныв,  
Сюсьöсь лоим!  
Ог ме кывзы тэнö, мам,  
Клубö муна.  
Важся олöм, важся сям  
Менам вунi.  
Тэ моз колльöдлыны нэм  
Ме ог понды.  
Клубас воссис-петiс мем  
Югыд шондi!»

Н а с т у к

Аттö, кыдзи кужöны  
Сьывны сьыланкыв.

Ме кӧ вӧлі ывлаас,  
Мӧд ногӧн эг сьыв.

Ӧти нывлӧн гӧлӧс (*ӧшинь  
улын*)

Мый тэ, Настук, пукалан  
Ӧшинь дорас сэн?  
Он ӧмӧй нӧ аддзы тэ,  
Гажыс пуӧ кӧн?

Н а с т у к

Бура эськӧ аддза да,  
Он тай, майбыр, пет.  
Тіянлы моз вӧлясӧ  
Кӧзяин оз сет.

Уна нывлӧн гӧлӧс (*збоя  
сьылӧны*)

Нинӧм кӧзяиннысь повны,  
Абу ыджыд сылӧн чин.  
Он кӧ понды збоя овны,  
Няйтӧ таляссяс том вын.  
Вайӧ Настук ордӧ пырам,  
Сійӧс гильӧдыштам,  
Жугыльлунсӧ сылысь йирам,  
Лысӧ вильӧдыштам.

Н а с т у к

Локтӧ пырӧ, нывъясӧй,  
Некод абу тан.  
Збыль тай тіян пузьӧма  
Гажныд, шондібан.

Пырӧны дас кымын ныв, ставныс мича праздник платтьӧа.

Нывъяс (*йӧктигырийи сьылӧны*)

Татчӧ пырим, татчӧ пырим,  
Татчӧ пырим ставным ми,  
Оз кӧ Настуклӧн кӧзяин  
Ми кодь йӧктысьяссӧ ви!  
Оз кӧ ви, оз кӧ ви,  
Оз кӧ ви, оз кӧ ви.  
Оз кӧ Настуклӧн кӧзяин  
Ми кодь йӧктысьяссӧ ви!

## Н а с т у к

Дыр на татшом аньяслы  
Виись морт оз чуж.  
Козяинлы асьныд на  
Петкөдланныд пуж.

## Н ы в ъ я с

Вермас лоны, вермас лоны,  
Вермас лоны тадзи збыль,—  
Пöрысь йöзлы огö сетчö,  
Онi олөм мян выль!  
Олөм выль, олөм выль,  
Олөм выль, олөм выль.  
Пöрысь йöзлы огö сетчö,  
Онi олөм мян выль!

## Н а с т у к

Менам, муса нывъясöй,  
Олөм пыр на важ.  
Сы вöсна ог аддзыв ме  
Некутшом выль гаж.

## Н ы в ъ я с

Регыд аддзан, регыд аддзан,  
Регыд аддзан долыдлун,  
Он кө верöс сайö таво  
Дзодзув Семö сайö мун!  
Он кө мун, он кө мун,  
Он кө мун, он кө мун,  
Он кө верöс сайö таво  
Дзодзув Семö сайö мун!

## Н а с т у к

Зывök весиг видзöдны  
Семö вылад мем.  
Семö дорсьыд мичаджык  
Мусук менам эм.

## Н ы в ъ я с

Тöдам, Настук, тöдам, Настук,  
Тöдам, Настук, дона ёрт.  
Тэнад мусук — Якö Гриша,  
Коллективын олысь морт!

Олысь морт, олысь морт,  
Олысь морт, олысь морт,  
Тэнад мусук — Якӧ Гриша,  
Коллективын олысь морт!

### Н а с т у к

Тайӧ кӧ ті тӧданныд,  
Мед и лоас сідз,  
Дерт, ме озыр Семӧлы  
Ачымӧс ог видз.

### Ӧ т и н ы в

Семӧ саяд, Настукӧй,  
Мунас ӧти бес.

### М ӧ д н ы в

Радейтӧны Семӧӧс  
Поп да пӧрысь йӧз.

### К о й м ӧ д н ы в

Ӧтувтчан кӧ Гришакӧд,  
Воссяс тэнад туй.

### Н ӛ л ь ӧ д н ы в

Тіян костӧ Семӧыд  
Нырӧ оз нин суй.

### Н а с т у к

Сідз эськӧ да, кӧзяин  
Скӧрмас кӧ, кӧть бӧрд.  
Коланторсӧ регыдӧн  
Олӧмӧ оз пӧрт.

### С т а в н ы л ы с (збоя сьылӧны)

Муса Настук, дона ныв, дона ныв,  
Мыйла шуан сэтшӧм кыв, сэтшӧм кыв?  
Тэ кӧ ачyd лоан збой, лоан збой,  
Кӧзяиныд оз на сӛй, оз на сӛй.  
Небзяс сылӧн чорыд ки, чорыд ки,  
Водзвыв тӧдам тайӧ ми, тайӧ ми.  
Сылӧн скӧрмӧм — нинӧмтор, нинӧмтор,  
Сӧвет властьыд миян дор, миян дор.  
Кывзы, Настук, рочакань, рочакань,  
Рама овны абу шань, абу шань.  
Колӧ вежны оланног, оланног,  
Татшӧм ӧні миян мог, миян мог.

## Н а с т у к

Вежны ассыым олөмөс  
Рад эськө ме пыр.  
Менам том ныв сьөлөмын  
Пузьёкодь нин вир.

*Н ы в ъ я с (збоя сьылёны)*

Ай да-й Настук, ай да-й, Настук,  
Ай да-й Настук, муса чой!  
Коркө пондас мяян Настук  
Збоя овны лун и вой!  
Лун и вой, лун и вой,  
Лун и вой, лун и вой.  
Коркө пондас мяян Настук  
Збоя овны лун и вой!

Ө т и н ы в

Жугылькодь на Настуклөн  
Мича чужөмбан.

М ө д н ы в

Вай жө сылысь шогсө ми  
Пальёдыштам тан.

К о й м ө д н ы в

Керка шөрас вөчлам ми  
Гажа ворсанін.

Н ё л ь ө д н ы в

Көзяиныс пырас кө,  
Сувтас сылөн син.

С т а в н ы л ы с (*уськөдчөны Настук  
динө*)

Настук, лок, Настук, лок,  
Эз кө сибды джоджад кок!  
Тэнад кокыд эз кө сибды,  
Чеччы, гажөдчыштам лок!

Чеччөдоны Настукөс лабичсыс и петкөдоны джодж шөрб. Сөсся сув-  
тёны кытшө (Настуккод тшөтш) и ветлөдлігтыр сьылёны.

С ь ы л а н к ы в

Дзор чери кыйысылөн томиник ныв  
Пыр вөлі дөмлө важ кулом да тыв,

Быдторсö вöчö, мый тшöктылас мам.  
 Ошкöны пöрысьяс нывлысь бур сям:  
 «Öдюкыд миян зэв кывзысь, зэв шань!  
 Öдюкыд миян зэв раминик ань!»  
 Бать-мамыс радысла чеччавны дась,  
 Кор воис корасьны Мельнича Вась.  
 Мельнича Вась вöлі озыр да лёк,  
 Изигөн изысьсö чиркліс быд ног.  
 Видзöдліс сы вылö раминик ныв,  
 Сувтіс да крапкöбтіс со кутшöм кыв:  
 «Мельнича Вась сайö ог на ме мун.  
 Оз меным ков сылөн лёк озырлун!»  
 Бать сылөн скöрмис да нылыслы — швач:  
 «Регыдик тэнö ме велöда тадз!  
 Мöдысь кö косьышта, гырдöсьяс ныр.  
 Бать-мамкөд венö тэ некор эн пыр!»  
 Öдюк эз повзы да висьталіс сідз:  
 «Кулактö, колökö, ас вылад видз!  
 Мöдысь кö вöрзёдан, суд тэныд эм.  
 Нывбаба правоыд тöдса нин мем!»  
 Чуймис да скöрлунсö вунöдіс бать.  
 Мельнича Васька эз ло сылы зять.  
 Бать водзын нывлөн оз тірзы нин лов.  
 Сетчыны пöрысьлы некор оз ков!

Бөръя кывъяс сьылгөн пырö керкаö Настуклөн кöзяин — Опонь  
 дядь, паськыд тошка морт, гажа юра, ичотика шатлалö. Сувтö  
 öдзöс дорас. Чуймöда, видзöдö нывъяс вылö. Нывъяс дугдöны сьыв-  
 ны. Настук вешйö на дінесь бокö.

Опонь дядь (скöра)

Мый ті тані, вижляяс,  
 Паськөдланныд вом!

Оз на вермы водзсасьны  
 Пöрысьыдкөд том!

Бать-мам водзад ставныд ті  
 Ичот кутюпи.

Аддзад, кутшöм зумыдöсь  
 Пöрысьяслөн ки!

(Петкөдлö нывъяслы кабыртöм кулакъяс.)

Ныр-вомад кö косьышта,

Казяланныд сэк.

Менам чорыд кабырыд

Абу чöскыд нök!

Нывъяс

Опонь дядьо, дугды сёрны,  
Он тэ вермы нином керны.  
Сэтшом они кад —  
Порысьяслы мат!

Опонь дядь

Асьныд мато воанныд  
Порысьястог ти.  
Оз ко сэтчодз тиянос  
Енмыс изйон ви.

Перна тиян абу нин,—  
Кутшом но ти йоз?  
Кыскас корко ставныто  
Адo сюра бес!

Нывъяс

Сюра бесысь ого полo.  
Ставным пырам комсомоло.  
Висьталоны сэн:  
Эз по вoвлы ен!

Опонь дядь *(зымнитo кокнас)*

Ланьтой, лек пеж здозувъяс,  
Енмыд абу теш!  
Отитор и кужанныд —  
Серавны лун чож.

Со тай менам Настаыд  
Кутшом авъя ныв.  
Тиян моз оз равостлы  
Омоль сыланкыв.

Нывъяс

Синсо Настуклы ми восьтам,  
Комсомоло сийос босьтам.  
Мый коть сийо рам,  
Вежсяс сылон сям!

**Опонь дядь** *(уськодчо нывъяс выло да тойлало  
одзослань)*

Муной татысь, вежомъяс,  
Петой пырысь-пыр!  
Тиянлысь лек карзoмто  
Кывзи нин ме дыр.

Пыринныд да увганныд,  
Лешак чукор, ти.

Со на тай кыз уджалö  
Менам пöрысь ки!

Тодмышкалö нывъяссö öдзöс порог вомöн.

Нывъяс (*петіганыс*)  
Гортад скöравны тэ верман,  
Сöмын ачyd регыд йöрман:  
Лэптысьö, оз чин  
Коллективлөн вын!

О понь дядь (*чорыда пöдлалö öдзöс*)

Сідз эськö и орöді  
Öти нывлысь юр!  
Коллективлөн кыптöмыс  
Абу вывтi бур.

Но да нинöм повзыны  
Коллективсьыс мем:  
Няньöн йöртöд тырöма,

Быдтор менам эм. (*Воськовтö Настуклань.*)

Сэсся со мый юала,  
Наста, тэнсьыд ме:  
Мыйла татшöм нывъяссö  
Лэдзин татчö тэ?

Настук (*смела*)

Ог жö понды тойлавны,  
Пырö кö бур йöз.  
Юрөн найöс люкавны  
Абу на ме мöс!

О понь дядь (*шензьöмөн видзöдö*)

Мый тэ сэнi больöдчан,  
Гөгөрвоан он?  
Курчис öмöй коньөрöс  
Кутшöмкö дур пон?

Кызд тэ лысьтан сёрнитны  
Кöзяинкöд сідз?  
Вензьöм вылö, зык вылö  
Тэнö ме ог видз.

Тасмаöн кö кульышта,  
Тöдлан сэки гаж.  
Батрачкалөн олöмыс  
Пыр на кольö важ!

Ортсысянь кылёны мужик гөлөсьяс. Опонь дядь видзөдлө өшиньод,  
сэсся чепөсйө бөр.

Аттө, со нин локтёны  
Поп да Сюзь Микит.  
Дзодзув Семө — коймөдыс,  
Нельөдыс — Кёин Тит.  
Тшөкты Марпа тьоткалы  
Вайны вина-сур.  
Оз кө тырмы винаыс,  
Эм на самөкур.

Кыскөй карса калбассө,  
Куим черинянь.  
Тайө корөм гөстьясид  
Мөда-мөдысь шань.  
Буракө, тэ Семөлы  
Лоан гөтырпу...  
Эн лысьт мекөд вензьяны,  
Паныд кыв эн шу! (*Зымнитө кокнас.*)

**Настук** петө. Пырёны поп, Сюзь Микит, Дзодзув Семө,  
да Кёин Тит, ставныс неуна гажайсь. Поп сувтө дждж шөрө  
да лэптө веськыд кисө.

Поп (*многолетие моз*)

Керкаын олысьлы,  
Господьысь полысьлы,  
Вичкоё волысьлы  
Зеп тырыс сьом,  
Нянь да кузь нэм!

Мукөд пырысьяс (*сбылөны*)

Озыра,  
Озыра,  
Озыра овны, озыра  
Овны,  
Овны!

Опонь дядь (*копрасьё*)

Лок жө, дона батюшко,  
Миян ыджыд ай,  
Пызан саяд пуксьы, да  
Гажөдчыштам вай.

Семушөй да Титушөй,  
Микит, муса сват,  
Пыринныд да, тиянлы  
Вывті нин ме рад.

Эз тай некод на пиысь  
Мукӧдлаӧ мун.  
Няньӧн налы мынтыси —  
Куим пунтӧн лун.

П о п

Кӧть эськӧ и нинӧмтор  
Гӧлыдлы он сет,  
Вердыштан да, кынӧмыс  
Лоас сылӧн пӧт.

Д з о д з у в С е м ӧ

Дас лун меным видз вылын  
Ытшкис Прокӧ Вась.  
Сюйышти ме ытшкысьлы  
Киссьӧм ыж ку пась.

П о п

Прокӧ Васьлы бурджыксӧ  
Сетны оз и ков.  
Шоча ветлӧ вичкоӧ,  
Господысь оз пов.

С ю з ь М и к и т

Ӧти дӧва вундӧс мем  
Нель лун зӧля зэв.  
Лои сылы мынтӧма  
Ведро шома йӧв.

П о п

Дӧва мортлы унджыксӧ  
Босьтны сэсья кысь?  
Лӧсялас на тшыг вылас  
Сылы тайӧ рысь.

К ӧ и н Т и т

Кыис меным Педюкӧй  
Посни синма тыв.  
Тӧлысь, гашкӧ, пукалис,  
Вӧчис кымын сыв.

Мӧвпышти ме бурджыка,  
Сылы сетны мый.  
Ысті сэсья коньӧрлы  
Кык пунт чирӧм вый.

## П о п

Чирём выйыд абу на  
Педюкыдлы зор:  
Вуштыштан кӧ чирӧмсӧ,  
Артмас чӧскыдтор

## О п о н ь д я д ь

Кужан жӧ нин, батюшко,  
Кывтӧ шуны тӧ.  
Христосӧс моз кывзышти  
Онӧ тӧнӧ ме.

## С т а в н ы с (п о п к ы н д з и)

Батюшко, кӧть кор,  
Олӧ мян дор,  
Лӧкинӧ оз суй,  
Индӧ веськыд туй!

## П о п (л ь п т ӧ к и я с с ӧ)

Тиян вылӧ ыджыд милӧсть

Енлысь кора,  
Кора, кора, кора, кора,  
Енлысь кора.

Выль ног олысь сиктса йӧзсӧ

Ставсӧ ёра,  
Ёра, ёра, ёра, ёра,  
Ставсӧ ёра.

Кодлы енмыс муса, сийӧ

Райӧ каяс,  
Каяс, каяс, каяс, каяс,  
Райӧ каяс.

Кодӧ вичкоӧ оз ветлы,

Кольӧ саяс,  
Саяс, саяс, саяс, саяс,  
Кольӧ саяс.

Мед жӧ мян дзескыд олӧм

Регыд бырас,  
Бырас, бырас, бырас, бырас,  
Регыд бырас.

Мед жӧ пернатӧм пеж войтыр

Йирӧ пырас,  
Пырас, пырас, пырас, пырас,  
Йирӧ пырас!

## С т а в н ы с (п о п к ы н д з и)

Виччысьо нин дыр  
Найос джуджыд йир!  
Кодлы мустом ен  
Быдон лоас сэн!

### П о п

Миян сиктын вочисны  
Найо коллектив.  
Та йылысь ме тиянлы  
Шуа сэтшом кыв.

Коллективыд ёнмас ко,  
Олом лоас дзуг.  
Тода нин ме лосьыда  
Сылысь бан и гуг.

Оз ко енмыд чардбион  
Йозсо сэтысь ви,  
Коллективлы кок улө  
Сюрам ставным ми.

Няныд потмон лоас ко,  
Гольыд лэптас ныр,  
Тиянлы оз уджав ни  
Вичкоо оз пыр.

Сидз нин налон, ошлон моз,  
Бугжылясьо син.  
Кызко колө быродны  
Коллективлысь вын.

### О п о н ь д я д ь

Позьо эсько со кызди  
Чегны сылы борд.  
Эмось коллектив пыткас  
Куим юысь морт.

Налы ко ми петкодлам  
Татшом югыдтор (*лэптыштлө вина сулея*),  
Сувталасны вочасон  
Найо миян дор.

Винасо ко юасны  
Литра куим-нэль,  
Коллективса мовпясыс  
Налон оз и коль.

Коддзасны да лэптасны  
Ертъясыскөд зык.

Отувтчөмыд пöрас кö,  
Желльöн он нин пык!

С ю з ь М и к и т

Оз кö отсав винаыс,  
Эм на миян чер.  
Потшöсьяссö кералам:  
Восьтам налысь йöр.  
Скötöс сэтчö лэдзам да,  
Вывті лоас шань:  
Оз и ковлы вундыны,  
Отув кöдзöм нянь.

К ö и н Т и т

Кötъ эськö и вундасны,  
Вартöмъяс оз ло:  
Сота налысь сёрöмсö  
Тайö киöн — со! (*Лэптö веськыд кисö.*)

Д з о д з у в С е м ö (*чабралö кулакъяссö*)

Кöні кутшöм машина  
Антусъяслöн эм,  
Ставсö жугла, чегъяла,  
Сюрасны кö мем!

П о п (*многолетие моз*)

Коллектив жугöдны,  
Удж сылысь дугöдны,  
Ур ку моз гугöдны  
Отсав, бур ен,  
Лёк йöзсö вен!

С т а в н ы с (*поп кындзи*)

Отсалышт,  
Отсалышт,  
Отсалышт, енмöй, отсалышт,  
Енмöй,  
Енмöй!

Д з о д з у в С е м ö (*шенасьö кинас*)

Му пыр, ва пыр мунас мед  
Тайö коллектив!  
Öні менам дум вылын  
Öти мича ныв.

Сытөг ог нин вермы ме  
Колльөдлыны нэм:  
Шогла мукөд кадъясө  
Пемдывлө юр вем.

Мый көть и батрачкаын  
Олө сійө тан.  
Гөтыр вылө шогмө мем  
Радейтана ань.

Босьта сійөс ас сайө,  
Сета сылы шуд.  
Бура верда, юктала,  
Тшыгйөдны ог кут.

Оз кө понды кывзыны,  
Велөдышта сэк,  
Кыдзи воддза гөтырөс  
Велөдлі ме век.

Но да плетьөн швучйөдлөм,  
Гашкө, оз и ло,  
Гашкө, сытөг олам ми  
Уна-уна во.

*(Сувтө да матыстчө Опонь дядь дорө.)*

Опонасей Карпович,  
Көзяиныд тэ.  
Настук тэнад власть улын.  
Төда тайөс ме.

Мем кө сійөс сетан тэ,  
Вывті лоас шань.  
Сы пыдди ме козьнала  
Тэныд медбур чань.

Опонь дядь

Семен Спиридонович,  
Мөдтор ме ог шу:  
Чаньтө кө мем козьналан,  
Нывтө босьт да ну.

Кык во сійө уджаліс  
Меным лун и вой.  
Мед жө өні тэ ордын  
Песлөдлыштас сой.

Колөкө, көть талун жө  
Петкөд сійөс тась.  
Венчайтнысө тіянөс  
Батюшкоыд дась.

П о п (шенасьо вина суляён)

Исаия, ликуй!

Исаия, ликуй!

Венчайттөг оз туй!

Исаия, ликуй!

С ю з ь М и к и т да К ö и н Т и т (равзöны)

Настуклы — ура!

Семушлы — ура!

Свадьбалы — ура!

Уррра!!!

О п о н ь д я д ь (Настуклы)

Öнi, Наста, шуа ме

Тэныд сэтшöм кыв:

Ассыд муса жöниктö

Окав, дона ныв!

Д з о д з у в С е м ö (уськöдчö Настук дiнö)

Меным воссис гажа рай,

Настук, окасьыштам вай!

Тэнад мича чöскыд вом

Менам шоглы вöчас пом!

Кöсйö кутны да окавны Настукöс. Настук чеччыштö лабичысь да тойыштö Семöс.

Н а с т у к

Вешйы, мисьтöм Дзодзулöй,

Кык кока лёк ош!

Тэкöд ме ог öтувтчы,

Оз кö мывкыд вош.

Сямлуннад да чужöмнад

Быттьökö тэ порсь.

Невестаыд ковмис кö,

Мукöдлаысь корсь!

Ставныс шемöс. Дзодзув Семö сулалö джодж шöрын кисö шевгöдöмөн. Мукöдъяс кöсйöны юны вина да сiдзи и кольöны румкаяссö кианыс кутöмөн. Опонь дядь чеччыштö улöс вылысь, ляскö ассыс вина румкасö джоджö да зымнитö кокнас.

О п о н ь д я д ь (Настуклы скöра)

Кыдз тэ лысьтан сёрнитны

Жöникыдкöд сiдз!

Кер, мый тэныд тшöктöны,

Воча кыв эн видз!

Раминика, лѳсьыда  
Жѳник водзад сувт,  
Кутлы сійѳс топыда,  
Кютю моз эн увт.

Семен Спиридонович  
Абу омѳль морт.  
Батюшколы, миянлы  
Сійѳ дона ѳрт.

Важысянь нин озыра  
Олѳ сійѳ пыр:  
Сизим жыръя керкаыс,  
Скѳтыс карта тыр.

Няныс сылѳн заптѳма,  
Гашкѳ, витсѳ пуд.  
Батрачкалы сы сайѳ  
Петны — ыджыд шуд.

Нинѳм тѳныд вежнясьны,  
Кѳзяиныд — ме!  
Кылан, окав жѳниктѳ!  
Кылан менѳ тѳ!

### Н а с т у к

Ог ме сійѳс окав ни  
Сы сайѳ ог мун.  
Мукѳд нывлы сурас мед  
Сылѳн озырлун.

Оласногнас Семѳыд  
Бытьѳ пурсьыс пон.  
Гѳльясѳс пыр уджѳдѳ,  
Мынтѳ ичѳт дон.

Мырдѳн сетны сы сайѳ  
Абу тѳнад вын.  
Зѳв нин ѳнѳ ичѳтик  
Кѳзяинлѳн вын!

О понь дядь (зѳв ѳна скѳрмѳ)

Петкѳдла ме, аддзылан,  
Кѳзяинлыс сям!  
Выныд менам туѳ на,  
Оз на, майбыр, ям.

Тан кѳ эськѳ батюшко  
Керкаын эз вѳв,  
Гезйѳн эськѳ кульышти  
Тѳнѳ уна пѳв.

Семуш кодь бур жѳникыд

Тэныд оз нин сюр.  
Петан, нылёй, сы сайё,  
Миянкөд он дур.

Видзөд паськыд бугыльнад,  
Кутшөм сійё шань.  
Меным весиг көсйысьё  
Козьнавны бур чань.

### Н а с т у к

Чаньястё тэ мөд ногөн  
Лосьөдлы да чөж.  
Некор менё чань вылад  
Дзодзувкөд он веж!

О понь дядь (скөра)

Аттё, сюра лешакөй,  
Пузис менам вир...  
Окав ассыд жөниктё,  
Окав пырысь-пыр!

### М а р п а т ь ö т к а

Наста, мыйла лэптін тэ  
Көзяинкөд зык?  
Воши өмөй полөмыд?  
Юрыд өмөй кык?

### П о п

Пөрысь йөзысь, Настукөй,  
Господьысь моз пов.  
Көзяинкөд слугалы  
Пыксыны оз ков.

С ю з ь М и к и т да К ö и н Т и т

Көзяинлысь кыв  
Кывзы, батрак ныв!  
Тшөктөмторсё вөч,  
Улё юртё лэдз!

Н а с т у к (Сюзь Микитлы да Көин Титлы)

Ті көть энё велөдөй,  
Лёк Микит да Тит.  
Тіян сьөлөм пытшкөсыд  
Бытьё няйтось гид!

(поплы)

Рака моз эн шенась тэ  
Паськыд соснад, поп.  
Ачыд сѡмын тшѡгѡдчан  
Гѡльлы пуктан ноп!

*(Марпа тѡткалы)*

Марпа тѡтка, тиянысь  
Полі ме зэв дыр.  
Ѧні мукѡд мѡвпѡясѡн  
Юрѡй менам тыр.

*(Опонь дядьлы)*

Опонь дядь, кѡть лѣкыдла  
Куад тэ он тѡр,  
Важ моз тэнад слугаыд  
Тэ водзын оз дзѡр.

Талун кызкѡ ѡтпырѡ  
Воссис менам син,  
Югдїс пемыд вежѡрѡй,  
Сьѡлѡм эз ло кын.

Ме дырїи тї бызгинныд  
Уна омѡльтор.  
Тїян лѡглы, грѡзбалы  
Эз вѡв пом ни дор.

Чайтїнныд, мый тїянѡс  
Ог ме гѡгѡрво...  
Кѡть тї ош моз эралѡй,  
Тїян ног оз ло.

Воссьѡма нин гѡльяслы  
Гажа югыд лун...  
Семѡ сайѡ, пон сайѡ,  
Некор ме ог мун!

*Опонь дядь (лѣкысь равзѡ)*

Кѡрталѡмѡн венчайтны  
Тшѡкта талун рыт!  
Венеч бѡрад Семуштѡ  
Поннад он нин вид.

Бура сїѡ серѡдас  
Тэныд чужѡмбан...  
Ачым на ме тасмаѡн  
Куля тэно тан! *(Развѡ ас вывсьыс тасма.)*

## С т а в г ö с т ь я с

Лöсав нывлысь бок,  
Бырöд сылысь лёк!  
Асныра тай зэв,—  
Лöсав сизим пöв!

Опонь дядь тасмаөн воськовтö Настуклань. Настук бöрынтьчö бдзöс дорö.

## Н а с т у к

Дзик жö тай тi вöлöмныд  
Кык кока вит зверь!  
Тэ, кöзяин, скöрмöмнад  
Нинöмтор он кер.  
Дугды ассьыд тасматö  
Петкöдлыны мем.  
Нöйтысь вылö чорыдкодь  
Сöвет закон эм.

## О п о н ь д я д ь

Закон йывсьыд вензыны  
Тэкöд ме ог кут,  
Вöча закон тöдысьлы  
Ас керкаын суд.

Чабыртö шуйга киөн Настукöс пельпомöдыс да кöсйö сйöс кучкыны тасмаөн. Тайö здукö вöссьö бдзöс, и керкаö пырö том морт, комсомолец Якö Гриша, коллективын уджалысь.

## Я к ö Г р и ш а

Мый тэ кöсьян нылыскöд  
Керны, Опонь дядь?  
Мый тэ горзан, чеччалан  
Танi сы ни садь?

О п о н ь д я д ь (*лэдзö Настукöс да  
бергöдчö Гришалань*)

Слугаöс тан велöдö  
Кöзяинлөн ки!  
Мыйла татчö пырöмыд,  
Коньör дöва пи?

## Я к ö Г р и ш а

Настук ордö локтi ме.  
Меным тэ он ков.

Бурөн тэнö өлöда:  
Раминика ов.

О понь дядь

Кутшöм нö тэ өлöдысь?  
Аттö, зырымбедь!  
Зэв тай мыйкö чорыда  
Сувтис тэнад щöть.

Верма ме ас керкаын  
Буавны быд ног.  
Слугабс кö велöда,  
Кутшöм тэныд мог?

Якö Гриша

Буретш менам та кузя  
Могыс тэöдз эм.  
Эз вöв тэнад слугалөн  
Бурджык пась ни кöм.

Сы вылын тэ ыдждалін,  
Пöттöдзыс эн верд.  
Сылысь вирсö юöмла  
Чужöмыд со гөрд! *(Настуклы.)*

Тэнö, Настук, юала,  
Збыль-ö вöлі сідз?  
Чайта, тэнö Опоньыд  
Мöд ногөн эз видз.

Н а с т у к

Асывсянь да вой шөрöдз  
Мырси ме быд лун.  
Эг на некор тöдливлы  
Тані чöскыд ун.

Талун менö коралö  
Тайö мисьтöм пон. *(Индö Семö вылö.)*  
Менö эз и юасьлы:  
Мунан али он?

Сöмын шуис Опоньлы:  
«Сет мем тайö ань.  
Сы пыдди пö козьнала  
Тэныд медбур чань».

Кöзяинлы чорыда  
Висьталі ме: «Ог!»  
Сы вöсна и тасмаён  
Кöсйис кульны бок.

Якӧ Гриша

Со кыз тэнӧ видзӧны  
Тані, коньӧр ныв.  
Та йылысь нин кывлӧма  
Миян коллектив.  
Коллективыд тшӧктіс мем  
Нуны тэнӧ тась,  
Тэ кӧ ӧтув олӧмӧ  
Пырны лоан дась.

Н а с т у к

Коді нӧ бур олӧмӧ  
Лёкинысь оз вудж!  
Рад ме вӧльной войтыркӧд  
Уджавны быд лун.

Якӧ Гриша

Оз на сиктса озыръяс  
Овны шы ни тӧв.  
Дзодзув Семӧ тэ вылӧ  
Кӧсйӧ вежны вӧв.  
Тэнӧ вежны, вузавны  
Кӧзяиныд рад.  
Ог ме шензъы та вылӧ:  
Сэтшӧм налӧн лад. (*Опонь дядьлы.*)  
Тэныд, Опонь, шуа ме:  
Тупкы паськыд вом.  
Миян сӧвет му вылын  
Кулакъяслы пом!

Опонь дядь раммыштӧ, гыжъялӧ юрсӧ. Сылӧн гӧстьяс буквешӧн видзӧдӧны Якӧ Гриша вылӧ.

О п о н ь д я д ь

Ме ӧд чайті, позьӧ на  
Кӧзяитны мем.  
Пыр на ме батракъяскӧд  
Колльӧдлывлі нэм.

П о п (*Якӧ Гришалы*)

Восьтан кӧ тэ библия,  
Аддзас тэнад син:  
Му вылад эз бырлыны  
Раб да господин.

Я к ö Г р и ш а (поплы)  
Библияса мойдыссö  
Тöдыштан тэ, дерт,  
Сöмын öнi миянлы  
Синнымöс он пöрт.  
Важөн миян абу нин  
Господин ни раб.  
Кодi войдөр тшанитчис,  
Öнi эз ло тшап. (Опонь дядьлы.)  
Тэ, кöзяин, нартитин  
Слугаястö пыр.  
Сöвет судыд лэдзыштас  
Тэнсьыд чатыр ныр! (Ставныслы.)  
Тiянлысь лёк кöсьöмсö  
Гөгөрвоам ми.  
Лыддысям ми тiянкöд,  
Он кö раммöй тi! (Настуклы.)  
Мунам, Настук, на дiнысь,  
Мунам, коньöр ныв.  
Корö, тэнö виччысьö  
Миян коллектив.  
Сэни он ло коньöрөн,  
Лоан шуда морт.  
Сэни лоан миянлы  
Ставнымлы бур ёрт.  
Мед тан юас, кодалас  
Кулакъяслөн поз.  
Регыд найöс, ёгöс моз,  
Чышкас чорыд рос!

Босьтö Настукöс киöдыс да петкөдö керкасьыс. Опонь дядь да гöстьяс повзьöм синмөн видзөдöны на бöрся. Сэся поп чатöртö юрсö образлань да пернапасасьö.

П о п (ичöt гөлöсөн)  
Гашкö, кызкö мынам на,  
Отсалас кö ен.  
Гашкö, чорыд росъясыс  
Абуöсь на сэн.  
Вайö гусьөн сёрнитам,  
Уджсö вöчны кыз.  
Пуксьö ставныд ме гөгөр  
Топыдджыка сiдз!

Опонь дядь пöдмалö öшиньсö да каличалö öдзöссö. Сэся ставыс пуксьöны поп гөгөр да заводитöны вашкöдчыны.

П о м

## ЮРИНДАЛЫСЬ

«Гажаджык, коми йӧз, олӧй» . . . . . 3

### 1913—1914 воясӧ гижӧмысь

Ыджыд чери да ичӧт чери . . . . .	11
Озыр морт, купеч морт . . . . .	12
Мича ныв . . . . .	12
Ытшкандыр . . . . .	14
Гажа тулыс воис . . . . .	15
Коми збойлун . . . . .	15

### Советскӧй кадся кывбурьяс

Смелджыка, вокьясӧй, ветлӧй . . . . .	17
Югдӧс нин, вокӧй . . . . .	18
Коми му . . . . .	18
Миян муӧй . . . . .	20
Морт олӧм . . . . .	21
Лӧк кымӧрьяс . . . . .	21
Омӧль во ( <i>Коми муӧ еджыдъяслӧн волӧм</i> ) . . . . .	23
Водзӧ, пыр водзӧ . . . . .	24
Микулай дядьлӧн сьылӧм . . . . .	25
Зыбкадорса сьыланкыв . . . . .	26
Мам и челядь . . . . .	26
Дзоля челядь . . . . .	27
Ичӧт нывлӧн сьыланкыв . . . . .	27
Мойдӧм . . . . .	27
Школаын . . . . .	29
Ванюк . . . . .	30
Велӧдчӧй, челядь . . . . .	30
Куим друг . . . . .	31

Иёла . . . . .	33
Бур оланног . . . . .	34
Тулус . . . . .	34
Тувсов лунё . . . . .	34
Отчид гожом овло . . . . .	35
Вогөгөрся олөм . . . . .	35
Медся ичөт зверь . . . . .	37
Оліс-выліс вёрын... . . . .	37
Туй кузя ме муна . . . . .	39
Эзысь төлыся вой . . . . .	40
Мыйла нё, шондіёй, вөр сайё лэччөмыд... . . . .	40
Римскöй папа шуис тшапа . . . . .	41
Праздник уджалысь мортлөн . . . . .	42
Ме кö зськö верми . . . . .	43
Шондіа лун . . . . .	44
Коми вөр шувгö . . . . .	45
Гөрд армияё мунөм . . . . .	46
Сталинград . . . . .	47
Мед дзирдалас шонді . . . . .	48
Геройлөн гортö воём . . . . .	48
Кывтö вөр . . . . .	49
Тракторист . . . . .	50
Колхознöй сьыланкыв . . . . .	50
Ленинградлы воча кыв. <i>Сьыланкыв</i> . . . . .	51
Миян колхозын . . . . .	52
Первомайскöй . . . . .	53
Колхознöй асыв . . . . .	53
Видз вылын . . . . .	55
Миян вöрын . . . . .	58

### Басняяс

Колхозник Митрöпан . . . . .	59
Гриша дядь да кöйн . . . . .	61
Самöвар . . . . .	62
Сизим ур да гайка . . . . .	62
Сьöла да Тар . . . . .	63
Часлы, часлы... . . . .	64

### Мойдьяс

Сёркни . . . . .	65
Бом, бом, бом, бом... <i>Дзöля челядöлы мойдкыв</i> . . . . .	66
Зарни чукöр . . . . .	67
Зарни черя. <i>Пушкин серти</i> . . . . .	71

Яг Морт . . . . .	79
Кёрт Айка . . . . .	86
Бур Ань . . . . .	95

**Опереткаяс**

Тун . . . . .	104
Настук . . . . .	123

**Михаил Николаевич Лебедев**

**ПУСТЬ СИЯЕТ СОЛНЦЕ**


*На коми языке*


Редактор М. Ю. Васютов. Художник А. А. Отев. Художественный редактор В. Б. Осипов. Технический редактор А. Н. Вишнева. Корректоры А. А. Надуткина, М. М. Лужикова.

ИБ № 1489

Сдано в набор 13.05.90. Подписано к печати 05.06.90. Ц00415. Формат 84×108<sup>1</sup>/<sub>32</sub>. Бумага № 2. Гарнитура «Литературная». Печать высокая. Усл. печ. л. 7,98. Усл. кр.-отг. 8,3. Уч.-изд. л. 9,56. Тираж 2000. Заказ № 5100. Цена 50 к. Коми книжное издательство, 167610, г. Сыктывкар, ул. Карла Маркса, 229.

Головное предприятие Коми республиканского производственного полиграфического объединения. 167610, г. Сыктывкар, ул. Первомайская, 70.



ШКОЛЬНИКЛӦН  БИБЛИОТЕКА

М. Н. Лебедев (1877—1951) — коми советской литература панисьяс лыдысь. Национальной школа восьтомсянь коми йӧз тӧдӧны да сьылӧны либӧ горӧн лыддӧны сьлмсь «Гажа тулыс понс», «Коми збойлун», «Коми му», «Велӧдчӧй, челядь», «Олсь-ныліс вӧрын...», «Эзысь тӧлысь вой», «Мыйла пӧ, шондӧй, вӧр сайӧ лӧчӧмьд...», «Мед дзирдалас шондӧ», «Бур батькӧд-мамкӧд олӧм» кывбуръяс да сьыланкывъяс либӧ маршъяс, «Митропан» да мукӧд басня. Ворелісны и сцена выльн, торйӧн нин сиктеа самодея-тельность, сідз шусянн опереткаяссӧ.

Тайӧ книгаас Михаил Лебедевлӧн кывбура унджык коми гижӧдыс, кодъяслӧн колвилуныс, талунъя синмӧн кӧ видзӧдны-донъявны, ӧні абу нин быдбилӧн ӧткодъ. Но найӧ тӧдмӧдӧны миялӧс поӧтыскӧд, восьтӧны, кызни сійӧ мӧвпаліс да гижис, мый медводз аддзис виль олӧмсьяс да мый, гашкӧ, эз кӧсйӧ казявны.